

AUTORITAS PONTIFICIA

NOTISSIMO CYPRIANI FACTO 3

A QUIBUSDAM NEOTERICIS

ACRITER IMPUGNATA

S E D

A SAPIENTISSIMIS GALLIÆ THEOLOGIS

SOLIDÉ VINDICATA.

DISSERTATIO HISTORICO-DOGMATICA.

BIBLIOTECA NAZ.  
ROMA  
VITTORIO EMANUELE.



AVENIONE,

Typis FRANCISCI GIRARD, in Plateâ S. Desiderii.

M.DCC.XLIX.

CUM SUPERIORUM PERMISSU.



**I**MPRIMATUR, si videbitur Reverendissimo  
Patri Inquisitori.

BRUN, Vic. Generalis.



**I**MPRIMATUR;  
F. HYAC, DE STE. CROIX Inquisitor Gener.



ELENCHUS EORUM QUÆ IN HOC VOLUMINE  
Continentur.

**P**æratio *ad accuratam hujusce Dissertationis intelligen-*  
*tiam attentè legenda.* pag. 1.

Dissertationis Argumentum & partitio. pag. 39.

Compendiosa S. Stephani R. Pontificis vita à Veterum  
monumentis excerpta. pag. 41.

Appendix ad vitam S. Stephani, in quâ ipsius contra S.  
Cyprianum aliosque rebaptisantes agendi ratio Veterum tes-  
timoniis à quorundam Neotericorum calumniis vindica-  
tur. pag. 55.

**PARS PRIMA.**

Quod ex S. Cypriani facto adversus supremam & irrefor-  
mabilem in definiendis fidei controversiis Rom. Pontificis  
autoritatem extunditur & urgetur argumentum, vacuum à Sa-  
pientissimis Gallix Theologis ac inane conficitur ac penitus  
evertitur. pag. 72.

**CAPUT PRIMUM.**

Juxta universalem Gallix Theologorum ac Scriptorum  
doctrinam S. Cyprianus agitatam ævo suo de rebaptisandis  
Hæreticis quæstionem non ad fidem, sed ad meram disci-  
plinam pertinere judicabat. pag. 81.

**CAPUT SECUNDUM.**

Juxta universalem Gallix Theologorum ac Scriptorum  
doctrinam S. Cyprianus probè noverat quam S. Stephanus  
asserbat consuetudinem, non peculiarem R. Pontifici, sed

universalem fuisse tunc temporis Ecclesiæ consuetudinem,  
ac ab omnibus Episcopis antiquitus servatam fuisse. *pag. 96.*

## PARS SECUNDA.

Solida & invicta sunt quæ ad profligandum ac evertendum ex S. Cypriano petatum adversus Pontificiam inerrantiam Neotericorum argumentum à Sapientissimis Galliæ Theologis adducuntur. *pag. 108.*

## CAPUT PRIMUM.

Exponuntur momenta, quibus evincitur causam de Baptismo Hæreticorum S. Cypriano visam fuisse rem non fidei, sed meræ disciplinæ *pag. 109.*

## CAPUT SECUNDUM.

Afferuntur momenta, quibus evincitur S. Cyprianum probè novisse quam S. Stephanus R. Pontifex vindicabat consuetudinem, universalem tunc temporis Ecclesiæ fuisse consuetudinem, ac ab omnibus Episcopis antiquitus servatam fuisse. *pag. 140.*

---

## ERRATA.

*Pag. 6. in nota marginali posita sub lit.(f)*  
*novatiens lege Novateurs*

*Pag. 9. lin. 10. lectari lege delectari*

*Pag. 21. in nota marg. lit (b) , conlervent*  
*lege conlervent*

*Pag. 10. lin. 5. Cyprian lege Cypriani*

*Pag. 40. lin. 4. gellivet , lege gellivet*

*Pag. 61. lin. 8. averavere lege avertere*

*Pag. 67. lin. 14. voluerunt lege volyerunt*

*Pag. 74. lin. 18. Cyprianus lege Cypriano*

*Pag. 85. lin. 18. onltare lege constare*

*Pag. 91. lin. 21. in Hæretiba pusatis lege*

*in Hæresi baptisatis*

*Pag. 113. lin. 6. sona lege sonat*

*Pag. 123. lin. 23. Colliyas lege Collesas*

*Pag. 132. lin. 23. batismo lege baptismo*

*Ibid. lin. 24. certudine lege certitudine*



## PRÆFATIO.

**V**ARIA inter argumenta, quæ ad novæ opinionis patrocinium ex vetustiori etiam antiquitate extundere conati sunt Neoterici quidam Romanæ infallibilitatis hostes, nulum, opor, famosius apud ipsos ac frequentius, quàm quod ex trito pervulgatoque S. Cyprianum inter & S. Stephanum R. Pontificem in causâ baptismatis hereticorum dissidio eruere cogitarunt. En perpetuus illorum equus Bellator, præcipuaque machina, quâ in sacram Romanorum Pontificum auctoritatem arietant. Illud argumentum, quo maximè gloriantur, scriptorum suorum ubique versant, ostentant ac urgere non cessant. Tot illud modis exponunt, totque opportunè importunè locis intrudunt, ut majorem sæpè voluminis partem occupet. Diceret Pontificiam auctoritatem cum hoc Cypriani dissidio adeò nexam, ut de eâ sinè isto loqui, vel scribi non possit. At enim cur non ita sentirent, qui ex unico Cypriani facto *evidenter* ac *necessariò* sequi contendunt non eam splendidissimo Ecclesiæ Africanæ Lumini infedisse Pontificiæ

inerrantiæ sententiam , cui tot nuperos , ut aiunt , Romanæ Curix Adulatores servire non pudet.

Mirum profectò quòd tam validum tam evidens, & quidem ex primevâ antiquitate depromptum argumentum primos, ac celebriores effugerit, qui supremam evertere Romani Pontificis auctoritatem aggressi sunt; Gersonem dico, Almaïnum, Richerium, Majorem, aliosque paucos istorum commilitones, qui ad sæculum usque proximè elapsum Pontificiam inerrantiam scriptis impugnârunt, quorum nemini, quod sciam, unquam venit in mentem hoc Cypriani dissidium ad eam impetendam allegare vel proferre. Num illis ignota tam celebris, tam ubique nota contentio? Suos certè Neoterici nostri magistros de tam supinâ ignorantia postulari non paterentur. Noverant Sorbonici Doctores, quod vix aliquem Theologiæ vel Historiæ tyrunculum latebat; at quod ex illâ Cyprianum inter & Stephanum contentione Recentiores adversus Romanam infallibilitatem extundunt argumentum, nedùm ipsis *evidens* ac *necessarium* visum fuerit, futile aded ac imbecille judicârunt, ut nec inter levissima, quæ ipsi concessere argumenta locum obtinere permiserint; aded verum est ea sæpè tamquam firmissima & evidentia à discipulis haberi, quæ magistris nec prolato digna videbantur.

Et si tamen recens apud Catholicos sit ventilatum istud à Neotericis argumentum, eoque nomine novitarum amatoribus haud ingratum, non

propterea suam hisce Theologis originem acceptam refert, antiquiores parentes habet, à quibus illud mutuati sunt hodierni Romanæ inerrantiæ Ofiores. His nempe præiverunt Lutherus, Calvinus, Centuriatores Magdeburgenses, Marcus Antonius de Dominis, quos, ut alios id ponderis scriptores taceam, secuti sunt Casaubonus, Herbertus Thordicius, Joseph Henricus Ottius, Basnagius, Blondellus, Joannes Forbescius, Fridericus Spanhemius, qui omnes ad profligandam supremam Romani Pontificis auctoritatem Cypriani sensus ac in causâ baptismatis Hæreticorum agendi rationem urgere centies ac Catholicis ad nauseam usque objectare non destiterunt. Tales porro Adversariis prædecessores quis invidet?

Lutherus in suâ cum Joanne Echio disputatione Lipsiæ habitâ nil immotæ Rom. Pontificis auctoritati frequentius opponebat, quàm quæ Cyprianus in Stephanum R. Pontificem effuderat, egeratque; indeque exclamabat *Cyprianus ferè totus mecum sentit* (a) & rursus *si egregius D. Echius voluerit stare auctoritati Cypriani hâc horâ finiemus disputationem.* (b) Idem refricat argumentum in suis resolutionibus super proposit. Lipsiæ disputat. Emendatis ad Georgium Palatinum missis *vide* inquit, *quàm tenui pendeat filo Romanorum Adulatorum Tyrannis; hûc Cyprianum voco dicentem: neque enim quisquam nostrum*

(a) Oper. Lutheri tom. 1. edit. Jhenæ. an. 1556.

(b) Ibid. de Monarch. Pontif. pag. 241.

*Episcopum se esse Episcoporum constituit aut Tyrannico terrore ad obsequendi necessitatem Collegas suos adigit, quando habet omnis Episcopus pro licentiâ libertatis & potestatis suæ arbitrium proprium tanquam ab alio judicari non possit, quando nec ipse potest alterum judicare, sed expectemus universi judicium Domini Nostri Jesu-Christi. Hic gloriosus Martyr palàm confitetur Tyrannidem esse ab uno Episcopo alios cogi ad obediendum (c); undè celebris Lutheranus Joseph Henricus Ottius jactitabat Lutherum in disputatione I ypsiacâ Echium Cypriani autoritate strangulasse ac Monarchiam Ecclesiasticam profligasse. (d)*

Luthero concinit Calvinus, qui Cypriani pariter verba in Stephanum prolata sæpiùs adducit, ut ostendat Pontificem Romanum alios ad necessitatem obsequendi adigere non posse atque Papam errare posse. (e) His consentientes habemus Centuriatores Magdeburgenses in centuriâ 3. cap. 7. (f) Marcum Antonium de Dominis lib. 4. de Republ. Eccl. cap. 8. n. 8. 10. & alibi. Casaubonum exercit. 15. pag. 366. 378. & 379. (g) si Papam inquit Herbertus Thorndicius supremo esse jure in reliquam Ecclesiam receptum tunc fuisset, nunquam Cyprianus, nunquam Firmilianus tam se animosè adversus Stephanum extulissent. (h) Ex hâc ipsâ Cypriani cum Stephano contentione colligit Joseph Ottius nullum esse visibilem Monarchiam in Ecclesiâ, nullum Episcopum posse alium cogere ut

(c) Ibid. pag. 312.

(d) In examine perpetuo annal. Baron. ad an. 158. edit. Tigur. 1676.

(e) Lib. 4. institut. cap. 7. num. 3. 6. & 11. edit. Geney, 1617.

(f) Edit. Basil. an. 1624. pag. 119

(g) Edit. Geney. an. 1655.

(h) In exercitation. de potestate Ecclesiast. cap. 22. pag. 393. edit. Londin. 1674.



*secum sentiat. Judicem Episcoporum non esse in terris Monarcham (a) Tandem ut mittam Blondellum (b) Joannem Forbesium (c) Fridericum Spanhemium (d) aliosque permultos Lutherani vel Calviniani gregis Aristarchos, quorum verba in locis ad marginem citatis consulere possis, Basnagius expositâ Cypriani in Stephanum agendi ratione sic nitidè concludit manifestè patet igitur tunc temporis (nimirum Cypriani ævo) infallibilitatem Papæ denegatam fuisse, ipsiusque traditiones irreverenter rejectas nec non ipsum erroris accusatum fuisse. (e)*

Nil igitur novi à Neotericis nostris hâc in re prolatum, nil quod à Lutheranis & Calvinianis jam pridem præformatum, ac centies inculcatum non fuerit, ut non semel observârunt eruditi Galliæ Theologi. Præ cæteris audiat, qui elucidandæ huic Cypriani cum Stephano R. Pontifice contentioni datâ operâ incubuit D. Chiconot Doctor Sorbonicus in dissertatione Gallicâ *sur la célèbre dispute entre le Pape S. Etienne & S. Cyprien Evêque de Cartage* Regiâ cum approbatione Parisiis editâ an. 1725. *Lutherus, inquit, Calvinus, Antonius de Dominis & ac potissimum posterioris ævi novatores indignè abusi sunt modo, quo S. Martyr Cyprianus in causâ baptismi Hæreticorum erga S. Stephanum Rom.*

(a) In examine perpetuo supra laud. ad an. 258. pag. 194. & 195.

(b) De primatu R. Pontificis cap. 25. sect. 6 & cap. 26. sect. 32.

(c) Instructions Theologiz lib. 16. cap. 7. pag. 729. edit. Amstæled. 1702.

(d) Hist. Ecclesiast. 3. sæculi cap. 6. pag.

743. edit. Lugd. Batav. 1701.

(e) Hist. Eccl. Gallico idiomate conscriptâ tom. 1. lib. 4. cap. 3. pag. 179. edit. Rotterdam. 1699. *On voit donc manifestement qu'on étoit alors au Pape son infallibilité, qu'on rejettoit ses traditions, qu'on l'accusoit d'être dans l'erreur.*

*Pontificem se se gessit ad labefactandam auctoritatis præstantiam quæ Christi Vicario competit. (f)*

Verùm acceptis hanc in rem beneficiis vinci à Pseudoreformatoribus nequaquam passi sunt recentiores, de quibus loquimur, Theologi; beneficia beneficiis rependere, paria referre paribus nullâ non operâ studuerunt. Enim verò si Lutheranis & Calvinianis eo nomine devincti sunt, quòd fortunatissimum istud ex Cyprianico dissidio argumentum illi primùm detexerint, ac præformatum, nec tamen penitus expolitum posteritati reliquerint, id vicissim Neotericis scriptoribus debent Lutherani & Calviniani quòd argumentum idem funditus à Catholicis eversum ac in suos jam pridem cineres resolutum erigere ipsi, novoque præsidiorum apparatu communicum recudere pertentârint.

Etenim Lutheranis, cæterisque Romanæ auctoritatis hostibus Cypriani factum urgentibus, duo potissimum reponebant olim ac certis Historiæ monumentis, nec non probatis Veterum testimoniiis demonstrabant Catholici passim scriptores; nimirum Stephanum in causâ baptismatis Hæreticorum non aliquod dogmaticum iudicium, non publicam aliquam fidei definitionem, sed nudum praxis ac disciplinæ antiquioris servandæ

(f) In præfat. pag. 2. les Novatiens, Luther, Calvin, Antoine de Dominis & sur tout ceux des derniers siècles n'ont pas moins abusé indigne ment de la manière, dont ce S. Martyr (S. Cyprien) s'est comporté dans

le différent du Bâême à l'égard du Pape S. Etienne, pour donner atteinte à la prééminence d'autorité qui appartient au Vicaire de Jesus-Christ.

præceptum per epistolam dedisse. Quid ergo , pergebant illi , quid si Stephano restitit Cyprianus , si Stephani auctoritati concedere noluit , imò ipsum erroris insimulârit ? Constat quidem privata Rom. Pontificum placita , statuta ac praxis & disciplinæ precepta errori nec non reformationi obnoxia Cypriano visa fuisse , quod nemo negat , quod Catholici omnes cum Cypriano fatentur & agnoscunt , de quo demùm nulla disputatio apud nos esse debet. At indè quâ machinâ , quâ arte inferri poterit dogmatica Rom. Pontificum judicia tanquam errori vel reformationi subiecta pariter à Cypriano habita fuisse ? Quâ viâ demonstrabitur Cyprianum Romanis Pontificibus illud inerrantiæ privilegium denegâsse , quod illis in solemnibus tantummodo fidei , morumque decisionibus adseritur atque à Catholicis vindicatur ? Undè illud Cypriani exemplum non nisi per summam inscitiam , ac pervicaciam ad impugnandam genuinam Catholicorum de Pontifici à inerrantiâ sententiam urgeri posse merito concludebant.

Præterea , prosequabantur Catholici Doctores , nimia liberalitate demus adversariis , quod exigere à nobis adversarii nullo jure possint , protulerit Stephanus in rebaptisantium causa solemne fidei decretum , ipsique restiterit Cyprianus ; quid indè ; Si Cyprianus malè se gesserit , si culpabilis , si emendanda fuit ista Cypriani intercessio ,

qualem reverà fuisse tradidit antiquitas , agnovit ipse Cyprianus; an posteris imitanda proponi debet , atque in Pontificiam auctoritatem intorquenda? Ecquid magis Pontificiæ infallibilitati nocebit commiserandum istud Cypriani exemplum , quàm divinæ Christi doctrinæ atque auctoritati tot illorum exemplum , qui illam spernere atque rejicere non erubuerunt hætenus , nec etiam nunc erubescunt?

Sic profligata nec non contemptissima jam incedebat tota istius argumenti moles à Lutheranis & Calvinianis fabricata , cum recentibus Romanæ infallibilitatis osoribus placuit eandem è tumulo , quo sepulta jacebat , eruere , illamque novo restitutam apparatu , multis excultam laboribus obtinenti apud Catholicos omnes doctrinæ objicere. Non disquisitionibus , non vigiliis , non oleo pepercerunt , ut argumenti jam pridem profligati ruinas resarcirent , rudera colligerent , ex quibus novum machinamentum architectarentur. Verùm optimè conscii non posse illud consistere , nisi firmioribus quàm antea fulcimentis communiretur , duo hætenus inusitata confinxerunt. Satis haud illis fuit quòd Cyprianus Stephano restiterit , eumque erroris insimulaverit , quæ quidem ab Heterodoxis jam fuerant præoccupata ; ultra progressi palàm asseruerunt decretum , cui reluctatus est Cyprianus solemne fuisse Romani Pontificis judicium

cium, omni quâ poterat autoritate præditum, & illam tamen Cypriani intercessionem culpâ omni vacâsse contenderunt. Atque his quidem duobus recentis doctrinæ capitibus omni quâ valebant arte confirmandis toti deinceps allaboraverunt.

Quod autem ad primum attinet. Insonare ceperunt ac publicè contestari Stephani judicium totâ Cathedræ autoritate fuisse prolatum ( *a* ); omni robore quod à Romano Pontifice conferri queat fuisse munitum ( *b* ); nil in eo defuisse quod in decretis ex Cathedra latis requiritur ( *c* ); tam splendida, tam magnifica, tam fastosa sunt, quæ pro describendâ hujusce rescripti Pontificii majestate profuderunt, ut quibus hæc arrident; nil ultrâ desiderant aut desiderare queant.

Cùm tamen optimè novissent Neoterici nostri complures alios non tam magno, splendidoque verborum apparatu, quàm solidis rerum probationibus lectari, nec eò usque attigisse conceptam de ipsis existimationem, ut nova quæque prædicantibus plena fides haberetur; cùm probè intelligerent non tantam esse suam ipsorum apud omnes autoritatem, ut quam ipsi RR. Pontificibus

(*a*) Defensio declarationis Cleri Galliani an. 1682 sub nomine Bossuetii Melandensis Episcopi ab anonymo edita Luxemburgi an. 1730 parte 2. lib. 14. cap. 5. pag. 261.

(*b*) Fleurbaey hist. Eccl. lib. 7. cap. 32. tom. 2. in 4. pag. 294. edit. Paris 1709. Le décret du Pape Etienne revêtu de toute la force qu'il pouvoit lui donner.

(*c*) Epistola de potestate Ecclesiasticâ ad Martinum Steyweït typis mandata an. 1688. Erravit Cyprianus, sed quia nondum locuta erat Ecclesiâ quamvis contra sensisset scripsisset & præcepisset Stephanus (quis ex nostris recentioribus scholasticis eum ex Cathedra locutum fuisse non agnoscat) error i men Cypriani excusatur, non ergo infallibilis Stephanus habebatur.

inerrantiam abjudicant, ipsismet illis adjudicetur, prudenter arbitrati sunt non Rhetorices figuris tantum, sed & validis, ut possent, argumentis ostendendum esse quod de solemnî Stephani rescripto jactitabant. Tanta verò fuit in iis feligendis mentis sagacitas, tanta ingenii vis & acies, ut affirmari non verear congruentiora rei probandæ argumenta aferri non potuisse; quid enim magis consentaneum, quàm, sicuti certis indubia, antiquis vetera probantur, sic figmentis commenta, novis recentia confirmare? Id porrò viriliter, abundèque præstiterunt Neoterici nostri. Etenim quod à Stephano R. Pontifice tantæ sollemnitatis decretum prodiiisset, nova res erat & hæcenus inaudita. Quid ergo Neoterici? Nova pariter nec priùs audita ad id probandum argumenta fabricârunt, ab iis enim scriptoribus Christianus tandem didicit orbis Stephani decretum in Concilio Romano editum fuisse, (a) ad omnes Ecclesias à Stephano fuisse directum ac missum (b), solemnî illo decreto certissimam fuisse Stephani mentem, ut omnibus omninò fidelibus fi de credendum proponeret non esse denuò tingen-

(a) Felix pefchamps in suâ de summo Pontifice Epistola ad Martinum Steyaert p. 25. *Stephanus decretum definitivum in concilio Romano edidit & ad omnes fideles direxit quo intendit obligare sub excommunicationis pænâ omnes omninò fideles ad credendū non reb. p̄sumidos esse baptizatos ab hæreticis.*

(b) Item ibid. Et Jacobus Gilbert in tractatu de sedis apostolicæ primatu quest. 5. §º. 2º. *Stephanus decretum definitivum*

*edit & ad omnes fideles dirigit ut illos omnes instruat in materia & puncto summi momenti quia agebatur de utilitate vel nullitate baptisimi sine quo nullus salvari potest & per illud decretum intendit obligare omnes omninò fideles ad credendum non rebaptizandos esse baptizatos ab hæreticis.*

Item defensor declar. Gallic. an. 1682. part. 2. lib. 14. cap. v. *Stephanus decretum condidit & ad omnes misit Ecclesias.*

dos homines ab Hæreticis baptisatos, cùm intrâ Ecclesiæ communionem sese recipiebant; (c) quæ quidem omnia cum antea mortalium nemini in mentem venerint, adduci profectò debebantur ad illud probandum, quod nullum in antiquitate totâ vestigium habebat. Hæc appositè Neoterici nostri, ut petitum istud à Cypriano argumentum in Lutheranis jam dudum profligatum ex hâc parte suffulcirent ac corroborarent.

Ad secundum verò quod spectat, quæ non, bone Deus, illi dixerunt, quæ non cumulârunt ut Cypriani in Stephanum agendi rationem non solùm ab omni reatu immunem, sed & charitatis & æquitatis plenam ac animo Episcopali & Apostolico verè dignam nobis ostenderent ac suaderent? Hæc nisi legerentur, quis uspiam Catholicus, quis sanus credere potuisset? Statim quò lectorem animos sibi conciliarent, nec non ad ea, quæ pro Cypriani defensione prolaturi erant benignè excipienda redderent paratissimos, maxima Cypriani merita commendare, immensa de Cypriano celebrare præconia adorti sunt. Quæsitâ undique labore immenso atque congesta quæcumque ad Cypriani commendationem aliquatenus conducere, Concilia tùm æcumenica, tùm particularia. Rom. ipsi Pontifices, Ecclesiæ Patres & Doctores, Historici & Græci & Latini quotquot esse poterant, appellati fuerunt. Adducta nova & vetera

(c) Felix Deschamps, & Jacobus Gilbert in locis modò citatis.

Martyrologia atque Calendaria, Missale Ambrosianum, priscae, ac recentes diversarum Ecclesiarum Missae, praefationes, & ipse Canon. Citata nova & vetera Breviaria Romana, Hispanica, Gallica & imò relatæ ipsius Breviarii Rubricæ nec non variæ Ecclesiarum Litanie: Laudatæ quoque Cypriani reliquiarum translationes, ipsius festi solemnitates ac plures sub illius nomine Ecclesiarum Dedications, nec omissum quod ab aliquibus in S. Cypriani vigiliâ jejunium actum fuerit (a) & quasi tanta monumenta Cypriani magnitudinem atque excellentiam totam, quanta fuit minimè satis adumbrarent ac proderent, tot illum nominibus, encomiis, laudibus absque mensurâ & numero cumulant, onerantque ut vix hominem fuisse credas.

Ab sit ut maximis Cypriani meritis, ac singulari, quam apud omnes jure obtinuit venerationi, quidquam detractum velimus. Nobis tamen constat non paucos rerum æquos aestimatores tot in Cyprianum effusas finè delectu laudes ferre non posse, non eâ solùm de causâ quod nimis laudes vexant modestos, sed quia laus omnis hyperbolica odium primò deindè contemptum parit. Est enim, inquiunt, in jure titulus *de pluris petitione*, ut qui plus postulat, minùs accipiat; nobisque à na-

(a) Hæc in re Consule præ ceteris Laurentium in epist. ad Beulaquam 1c. parte 8. epistol. edit. Cantabr. 1689. item P. Gerisium in vitâ S. Cypriani Gallico idioma-

te typis mandatâ Parisiis 1717.

Item D. Lombertum in præfat. operis Gallici inscripti *les œuvres de S. Cyprien traduites en François* edit. Rotomag. 1716.



turâ inditum est , ut cûm aliquis plûs justo extol-  
 litur , naturali quâdam propensione conemur il-  
 lum deprimere. Cyprianum maximum Ecclesiæ  
 Africanæ decus & ornamentum , splendidum sui  
 seculi lumen , gravissimum totius Ecclesiæ Doc-  
 torem , sanctissimum Episcopum , ac Martyrem  
 gloriosissimum quis non prædicet , quis non præ-  
 dicare cogitavit unquam ? Quis pariter Cypria-  
 num tanquam fidei propugnaculum , traditio-  
 num promptuarium , disciplinæ Ecclesiasticæ pal-  
 ladium , moralis Evangelicæ firmamentum ac  
 Christianæ doctrinæ munimentum non agnoscat  
 aut non agnoverit ? Hæc porrò quia certa sunt ac  
 servandos veritatis limites minimè transcendunt ,  
 libenter & audiuntur , & à nemine non proban-  
 tur. At quæ de Cypriano sæpiùs ostentantur ,  
 tanquam inter Ecclesiæ Doctores ac Magistros  
 primatum obtinente , qui ingenii sublimitate ,  
 judicii maturitate , dicendi elegantia , doctrinæ  
 puritate , eruditionis amplitudine , demùm cha-  
 ritate , patientiâ , pietate , ceterisque animi do-  
 tibus ac virtutibus vix ulli comparari possit , qui  
 nil nisi sanctè gesserit , nil nisi rectè docuerit ,  
 adeò ut *ab illis etiam levissimis erroribus immunis ex-  
 stiterit , qui primis Ecclesiæ Patribus communes fuerunt ,*  
 ( b ) & alia id genus permulta , quæ vix in hyper-  
 bolico Panegyrico tolerarentur , quia nimia &

(b) Dupin Bibliothèque des Auteurs Ec-  
 clésiast. tom. 1. pag. 514, édit. Paris, 1688. S.  
 Cyprien est exempt, je ne dis pas seulement

des erreurs grossières, mais aussi de celles  
 qui sont légères & communes dans les Pères  
 des trois premiers siècles.

redundantia stomachum movent, frigide excipiuntur, insulsa videntur, spernuntur & irridentur. Ità plurimi ratiocinantur, qui etsi benè sciant nulli faciliùs veniam concedi, quàm illi qui de nimis ergà nos laudibus accusatur, in illis tamen rependendis modum à nemine excedendum esse putant.

Pace istorum tamen dicam Neotericis nostris vitio dari vix posse, quòd Cyprianum nimis effusè laudaverint. Ut enim sapienter observabat Sorbonicus Doctor à nobis suprà laudatus (a) in celebrandis tot Cypriani præconiis non tam Episcopum Apostolicis ornatum virtutibus, doctrinà clarissimum ac glorioso Martyrio coronatum, quàm inclytum Romanæ autoritatis adversarium, ac strenuum ut ipsi publicant, inerrantiæ Pontificiæ debellatorem præ ceteris commendare ac super alios extollere gestierunt. Genuinum istud fuisse Neotericorum Consilium, nec alià de causà Africanum Antistitem tot immensis cumulatam laudibus, quàm ut Romani Pontificis gloriæ & autoritati non nihil detraheretur, si nondum clarè satis quispiam intelligat, indè apparet illud manifestissimè, quòd Cypriani laudes apud illos crescere in immensum nonnisi tunc visæ sint, cùm infallibilitatis Pontificiæ impugnator ab illis prædicari cæpit; indè etiam evidentissimè percipitur, quòd, ut modò videbi-

(a) Chiconot in dissertationis laudatæ præfatione pag. 5. & 6.

mus, præcipua Cypriani merita ab eo repetant, quòd Stephano Rom. Pontifici viritim, & constanter obstitit.

Jam verò cùm hæc ità se habeant, non video quo jure Neotericis nostris exprobari possit, quod genuinas Cypriani laudes maximis dicendi facibus ostentaverint, exaggeraverint. Hæc enim congesta præconia, quæ nimia & insolita pluribus videntur, in Cyprianum, qualis fuit, minimè cadunt, sed in Cyprianum, qualis fingitur, Pontificiæ infallibilitatis Hostem. Porro in iis laudandis qui supremam & irreformabilem Romanis Pontificibus auctoritatem abjudicârunt, modum excedi posse Neotericis nostris numquam suadebitur, qui nempè ex Pontificiæ potestatis coarctatione ac diminutione tot stupenda, quæ passim enumerant commoda in Ecclesiam adventura vaticinantur.

Verùm quidquid sit de hoc, quod Neotericis nostris inuritur, vitio, fateri omnes debemus nil ab ipsis prætermisum, quo lectorum animos ad ea comprobanda disponderent & inclinarent, quæ pro Cypriani defensione etiam levissimè supeditarentur. Lectorum igitur animis sic erga Cyprianum dispositis & affectis rem ipsam attingunt Neoterici quos spectamus, atque Cypriani adversus Stephanum agendi rationem vindicare modis omnibus ac defendere aggrediuntur. Has tamen vindicias antequam referamus,

Cyprianus subjiçit, cætera quæ omisit, subodorari possis.) Si quis ergo à quâcumque hæresi venerit ad nos nihil innovetur nisi quod traditum est, ut manus illi imponantur in pænitentiam, cum ipsi Hæretici propriè alterutrum ad se venientes non baptisent, sed communicent tantùm. Hæc illa sunt Stephani verba, quæ ceteris graviora Cypriano visa sunt; undè non mirum si illa gravius & ipse perstringere voluerit. Pergit enim: Hic (Stephanus) cum omnium baptismo communicans universorum delicta in sinum suum coacervata congeffit & præcepit nihil aliud innovari nisi quod traditum est, quasi is innovet, qui unitatem tenens unum baptisma uni Ecclesiæ vindicat, & non ille utique, qui unitatis oblitus mendacia & contagia profanæ tinctionis usurpat.... & paulò post quæ est ista obstinatio (Stephani) quæve præsumptio humanam traditionem divinæ dispositioni antepondere? .... Et infrà: In eodem loco Epistolæ suæ Stephanus addidit & adjecit; cum ipsi Hæretici propriè alterutrum ad se venientes non baptisent sed communicent tantùm.... quæ verò est animi cæcitas, quæ pravitas fidei unitatem nolle agnoscere? .... Cur in tantum Stephani fratris nostri obstinatio dura prorupit. Tandem Stephano ut Hæreticorum amico & Christianorum inimico salutato pandit quo studio Stephanus antiquæ traditioni tenaciter adhæreret his verbis: sit autem studio præsumptionis & contumaciæ ut quis magis sua prava & falsa defendat, quàm ad al-

*terius recta & vetera consentiat. ( a )*

Sic Stephani veterem Ecclesiæ traditionem vindicantis Epistolam Cyprianus excepit. Hæc perlectâ Stephanum à se dissidentem traducit ut *superba scribentem improvidè atque imperitè*, ipsum *duræ obstinationis & præsumptionis* accusat, permagnam animi non tantum cæcitatem sed & pravitatem ipsi exprobat. Hæreticorum amicum ac Christianorum inimicum ipsum appellat. Cyprianus declarat Stephanum aliud ab ipso de Hæreticorum baptismo tenentem *universorum delicta in sinum suum coacervata congeßisse ac mendacia usurpasse*; tandem Stephani renes & præcordia scrutatus nobis apertè indicat ipsum *studio præsumptionis & contumaciæ suam defendere sententiam.*

Hæc autem omnia de Stephano protulit Cyprianus quia Stephanus, ut Cyprianus ipse tradit, *cum omnium baptismo communicabat*, quia suam ( quam Cyprianus vocat humanam ) traditionem oppositæ, quam divinam Cyprianus appellabat *traditioni anteponebat*, quia *nolebat cognoscere fidei unitatem* quam in rejiciendo Hæreticorum baptismo Cyprianus reponebat, quia *sua defendere magis volebat*, quàm ad alterius sensa consentire. Uno verbo, quia Stephanus aliud ab ipso sentiebat in eâ quæstione, circâ quam Cyprianus sæpius declaraverat *cui libet Episcopo liberum esse sentire quid vellet*, & in quâ patientiam, modestiam, mansuetudinem,

( a ) Epistola ad Pompeium 74. edit. Amstelod. 1700.

fraternam concordiam & charitatem ab omnibus servandam esse, nec ab ullo lædendam Cyprianus ipse sæpius asseruerat ac datâ operâ paulò ante Stephani responsum in libello *de bono patientiæ* fusiùs ostenderat.

Huc usque oculis subjecimus singularem illam methodum, quâ usus est in excipiendâ Stephani Epistolâ Cyprianus. In hâc autem contractiori delineatione, quam ipsissimo Cypriani penicillo, coloribusque adumbravimus conqueri certè non possunt Neoterici nostri, quòd genuinos in Stephanum, ejusque responsum Cypriani sensus occultaverimus ex industriâ, aut leviter oblitteraverimus, nisi velint non solum ex hâc ad Pompeium Epistolâ illos esse dignoscendos, sed etiam ex Epistolâ Firmiliani, quam à Cypriano è *græco idomate latinam factam & editam*, imò *ad Episcopos Occidentales transmissam atque à Cypriano comprobata fuisse* publicant; (a) si id contendunt, longius fateor, & ulterius in Stephanum progressus est Cartaginensis Antistes: in hâc enim Firmiliani Epistolâ Stephanus *stultitiæ manifestæ* arguitur, *audaciæ, insolentiae & improbitatis* insimulatur, cum Judâ proditore comparatur, ac *Pseudochristus, Pseudo-Apostolus & dolosus operarius jure nuncupandus* asseritur,

(a) Defensio declar. Cler. Gallic. part. 2. lib. 12. cap. 5. *Firmiliano consensit Cyprianus ejusque epistolam comprobavit ac latinam fecit & edidit.* Vide Tillemont. Hist. Eccl. tom. 4. art. 30. pag. 138. edit

Paris. an. 1699. Lombert. in operibus Cypriani pag. 404.

P. Gervasium in vitâ S. Cypr. lib. 5. num. 24. pag. 444.

(a) proindèque constabit Stephanum à Cypriano tractatum fuisse non modò ut hominem qui *superba improvidè & imperitè scripserat*, qui *inimicus Christianorum sicut amicus Hæreticorum duræ obstinationi & præsumptioni jungebat permagnam animi cæcitatem & pravitatem*, qui *universorum delicta in sinum suum coacervata congefserat ac mendacia usurpaverat*, ac non alio quàm *præsumptionis ac contumaciæ studio suam conabatur defendere sententiam* (quæ omnia ex Cypriani ad Pompeium Epistolâ liquent) sed etiam ut Episcopum, qui iis omnibus addebat *manifestam stultitiam, audaciam, insolentiam, & improbitatem* qui merito *Pseudochristus, Pseudo-Apostolus & dolosus operarius* appellandus esset, ac cum Judâ ipso proditore comparandus.

Pergamus ultrà, & postquam Cypriani in excipiendo Stephani rescripto agendi ac sentiendi rationem breviter exposuimus, videamus nunc tandem quid pro illius defensione protulerint Neoterici nostri. Suos, ut modò dicebamus, in Stephanum sensus manifestavit Cyprianus in Epistolâ ad Pompeium, quapropter huic Cypriani Epistolæ vindicandæ & commendandæ illi potissimum incumbunt. Fleuriacus sicuti suum in describendo Stephani Martyrio calamum ità moderatus est, ut tantum traditionis vindicem sine minimâ laude morientem dimiserit, ità seipsum adedò temperavit in hâc Cypriani

(a) Epist. Firmil. inter Cyprianicas 75. in suprad. edit.

Epistolâ referendâ , ut satis superque habuerit asserere Cyprianum in hâc Epistolâ responsum refutandum assumpsisse. (a) & reverà nihil in eâ Cypriani Epistolâ vel tantisper à charitate alienum se deprehendisse nobis significat , quando tradit Cypriani sanctitati suum errorem nullatenus obfuisse, quia non solum *Ecclesiae unitatem* , sed & *charitatem* in hoc negotio *semper* conservaverat. (b)

Fleuriasco concinit Launoïus , qui Cypriani ad Pompeium Epistolam celebrat ut nervosam & fortem ; illâ enim relatâ : *hæc* inquit (c) *nervosè & fortiter Stephano opponit Cyprianus* ; imò posterorum judicio memoriæ dignissimam illam fuisse tradit æquè ac Firmiliani ad Cyprianum Epistolam *Posteri* inquit *Stephani Epistolas memoriæ minùs dignas* , Cypriani verò & Firmiliani Epistolas *memoriæ dignissimas judicârunt*. (d) Tillemontius qui Stephanum etiam *inhumanitatis* accusare non hæsitavit (e) læsam tamen à Cypriano ad Pompeium scribente mansuetudinem ac fraternam charitatem minimè fuisse fidenter affirmat. (f)

Lombertus in suâ præfatione præfixâ operi gallicè inscripto : *les œuvres de S. Cyprien Evêque de Cartage & Martyr traduites en François* , hanc Cy-

[a] Hist. Eccl. tom. 1. lib. 7. num. 28. S. Cyprien envoya à Pompée une copie de la lettre du Pape, avec une lettre par laquelle il prétendoit le réfuter.

(b) Ibid. num. 31. Ce qui fait que l'erreur de S. Cyprien & de S. Firmilien ne nuit point à leur Sainteté, c'est qu'ils conservent toujours de leur part l'unité de l'Eglise & la charité.

(c) Epist. ad Bevilanq. 15. parte 8. Epistol. pag. 807.

(d) Ibid. pag. 811.

(e) Hist. Eccl. tom. 4. art. 49. pag. 155.

(f) Ibid. art. 47. pag. 150. S. Cyprien écrivit à Pompée avec beaucoup de chaleur & de véhémence, mais néanmoins sans blesser la douceur & la charité fraternelle.



priani Epistolam magnanimitate ac libertate Episcopali adeò dignam censuit, ut ab Augustino laudes promeruisse tradat : eâ enim recitarâ erumpit in hæc verba : *Sic liberè S. Cyprianus ac generosè suam circa Baptismum opinionem contra Papam Stephanum defendit, de quo à S. Augustino laudatur* (a) unde nil mirum, si sæpius inculcat Cyprianum in hâc de baptismo concertatione *maximæ moderationis specimina semper dedisse*. (b) Enumeratos hætenus Cypriani vindices superavit D. Gervallius. Eténim in vitâ S. Cypriani, quam gallico idiomate, supresso tamen nomine, edidit, *excellenter* vocat, quam ad Pompeium Cyprianus scripsit Epistolam, in quâ elucet *vigor verè Apostolicus*; (c) tantàmque in illâ unctiorem ac moderationem Christianam, siue se ipsum defendat Cyprianus, siue suum aggredia-tur, aut refutet adversarium, inveniri contendit, ut fateri omnes oporteat Ecclesiæ juribus magis quàm propriis illum intendisse; (d) recensitis enim iis omnibus, quæ ut suprâ vidimus, in Stephanum Cyprianus, effutiit, exclamabundus ait : *en præclarus professò ardor ac valdè spiritualis; in sanctis illis animi impetibus dignoscitur cor amoris divini*

(a) Pag. 74. C'est ainsi que S. Cyprien défendit librement & généreusement son opinion touchant le Bâême contre le Pape Etienne, de quoi S. Augustin le loue.

(b) Ibid. pag. 75. S. Cyprien conservant toujours sa moderation ordinaire pag. 19. quelle moderation ne témoigna-t'il pas dans la contestation touchant le Bâême des Hérétiques? &c. alibi passim.

(c) Lib. 5. num. 16. pag. 414. S. Cy-

prien écrit à Pompée une excellente lettre, dans laquelle il réfute celle d'Etienne, avec une vigueur véritablement Apostolique.

(d) Ibid. On y trouve (dans la lettre à Pompée) tant d'union & de moderation Chrétienne, soit qu'il se défende, soit qu'il attaque ou réfute son adversaire, qu'on se sent obligé d'avouer qu'il avoit plus les intérêts de l'Eglise en vue que les siens propres.

*flammis penitus accensum , ac nihil aliud spirans quàm domûs Domini gloriam ac pulchritudinem ( a )*

Demùm prætermisissis aliis nonnullis id generis scriptoribus , Duplins in suâ Bibiliotechâ Eccles. nobis significat totidẽ fuisse veritates , quidquid in Stephanum Cyprianus congessit ; imo veritates , quas Stephano licèt ingratas , ipsi tamen objicere teneretur Cartaginensis Episcopus , & quantum potuit consuetâ suâ jucunditate temperare curaverit. Ubi enim cum Tertulliano Cyprianum comparat , ab illo scribit adversarios injuriosè tractari ; at S. Cyprianus , inquit , *longè moderatior* , si quando suis adversariis veritates quæ ipsis displiceant dicere tenetur , eas , quantum potest , suâ jucunditate temperat ; ( b ) undè licèt Stephanum in suo responso *magnæ duritatis* insimulet ( c ) , nihil tamen in Cypriani ad Pompeium Epistolâ notavit , quod moderationi minùs consonum videretur ( d ) , in quo socium habet Adrianum Baillet in vitis Sanctorum. ( e )

Singulare fortasse quibusdam videbitur , quòd tantam in eâ Cypriani Epistolâ , in quâ Stephanus non benè satis , ut modestius loquar , profectò habe-

( a ) Ibid. pag. 419. Voilà sans doute un beau feu & bien spirituel , on aperçoit au milieu de ces saints transports un cœur tout brûlant de l'amour de Dieu , & qui ne respire que sa gloire & la beauté de la maison du Seigneur.

( b ) Tom. 1 pag. 333 Tertullien charge ses adversaires d'injures , & leur insulte par ses railleries piquantes. S. Cyprien est beaucoup plus modéré , & s'il est quelquefois

obligé de leur dire des vérités qui leur déplaisent , il les adoucit autant qu'il peut par ses manières agréables.

( c ) Ibid. pag. 500. Etienne ayant fait réponse à S. Cyprien avec beaucoup de dureté

( d ) Ibidem.

( e ) Tom. 3. ad diem 16. Septembris pag. 190. edit. Paris. 1701.

tur , scriptores perspexerint & invenerint animi modestiam , moderationem , mansuetudinem & charitatem ; at majorem cercè ipsis movebit admirationem , quod adhuc subjungunt iidem Auctores.

Enim verò quasi ipsis haud satis fuerit duram Cypriani ad Pompeium epistolam tot splendidis celebrasse encomiis , contendunt insuper illius circa Hæreticorum Baptismum scripta , in quibus Stephanus ignorantiae , præsumptionis , obstinationis , contumaciae , pravitatis insimulatur , non solum posteris visa fuisse memoriae dignissima , (a) sed & ab Ecclesiâ ipsâ universâ fuisse recepta & approbata , semperque maximâ in veneratione habita ; imò talia , quæ à Gelasio S. Pontifice etiam meruerint , ut inter opera SS. Patrum primum obtinerent locum : (b) quæ quidem nisi apud Tillemontium , Lombertum , P. Gervasium , aliosque legerentur , delirantis somnia multis viderentur. At nondum sistite gradum , candide Lector , eorum omnium , quæ pro Cypriani defensione tam stupenda proferri illis Auctoribus placuit , metam necdum attigisti. Quid amplius ergo excogitari potuit ? Audi , & magis ac magis mirare.

(a) Launoius Epist. ad Bevilanq. 15. pag. 811.

(b) Tillemont. Hist. Eccl. tom. 4. art. 64. pag. 191. Le Pape Gelase met les Ecrits de S. Cyprien à la tête de ceux des Saints Peres , que l'Eglise reçoit avec vénération , sans en excepter même ce qu'il avoit fait contre le Pape Etienne sur le Batême.

Lombertus in præfat. laudata pag. 114.

Les Ecrits même de S. Cyprien où il taxe le Pape Etienne d'ignorance , d'indiscretion , n'ont pas laissé d'être en si grande vénération dans l'Eglise que le Pape Gelase leur a fait cet honneur de les mettre sans distinction à la tête des ouvrages des Peres que l'Eglise Romaine reçoit & approuve. Concinit P. Gervasius in vitâ S. Cypriani lib. 6. num. 26. pag. 550. & 551.

Magnam profectò fuisse Cypriani moderationem, patientiam, mansuetudinem ac charitatem tot in ferendis pro Catholicâ Religione ac veritate laboribus, calumniis, persecutionibus, exiliis, carceribus, ac præsertim in suo glorioso Martyrio, nemo unquam dubitavit; in eximiis hisce virtutibus præcipuè fundatam ejus Sanctitatem huc usque credebamus. Verùm quàm turpiter fallēbāmur, si Neotericis nostris auscultandum sit, quippè qui nobis significant ac ostendere conantur nullibi magis Cypriani moderationem ac patientiam eluxisse, quàm *in modo quo se se gessit in causâ Baptismatis Hæreticorum*; (a) *in hoc modo fundatam imprimis esse volunt illius Sanctitatem ipsius Augustini Judicio.* (b) In epistolâ enim, inquiunt, ad Pompeium Cyprianus omnem magni Episcopi Sanctitatem, omnem pietatem, omnemque charitatem enitescere fecit: (c) non se tantum sed & Augustinum de Cypriano ità sensisse contendunt qui, inquiunt, *tam sapientem tam moderatam Episcopi agendi rationem admirans*, (d) ipsum ubique, idèdque tunc etiam, cùm Stephanum modo quo vidimus increpabat, *considerat ut humilitatis, charitatis & moderationis exemplar* (e) & revera modum,

(a) Lombert in laud. præfat. pag. 102. Mais la rencontre où sa patience parut dans tout son lustre fut la contestation qui arriva dans l'Eglise touchant le Batême des Hérétiques, en effet quelle moderation ne témoigna-t'il pas en cette rencontre?

(b) Ibid. pag. 110. Mais pour montrer encore davantage l'eslime particulière que S. Augustin faisoit de la sainteté de S. Cyprien, & qu'il l'a fondoit principalement sur la manière dont il s'est comporté dans le dissentiment du Batême, je veux mettre ici toute la

reflexion qu'il fait, &c.

(c) P. Gervasius in vitâ S. Cypr. lib. 3. num. 17. pag. 421. Dans cette lettre même (à Pompee) S. Cyprien a fait paroître toute la sainteté, toute la piété, toute la charité d'un grand Evêque.

(d) Lombert. in laud. præfat. pag. 109. S. Augustin admirant une conduite si sage & si modérée.

(e) Ibid. pag. 114. S. Augustin considère par tout S. Cyprien comme un modèle d'humilité, de charité & de moderation.

quo Cyprianus in Epist. ad Pompeium contra Stephanum pro suâ opinione defendendâ loquutus fuit ab Augustino commendari : (a) atque in ea Epistola nihil, quod *charitatem, moderationem ac mansuetudinem* non saperet, Augustinum deprehendisse tradunt; (b) imò nobis apertè significant Cyprianum ad mentem Augustini reverentius erga Stephanum *ac mitius agere non debuisse* : (c) nec stat per Lombertum ac P. Gervasium, quominus credamus Cyprianum *Servilis* in R. Pontificem *assentationis* postulari potuisse si reverentio-rem erga Stephanum se præbuisset. (d) Tandem concludit Tillemontius *adorandam à nobis esse, quæ Cyprianum sanctificavit in hoc celebri dissidio charitatis vim ac magnitudinem*; (e) concludit Lombertus *magnâ nos lætitiâ affectos esse debere*, quòd Cyprianus in errorem lapsus fuerit, quia in eo propugnando *tanta ipsius virtus enituit, tantamque ex eo utilitatem Ecclesia percepit*; (f) concludit Gervasius eò nos usque Cypriani scriptis permoveri, ut ipsum pro veritate, Ste-

(a) Ibid. pag. 74. recitatâ Cypriani ad Pompeium epistolâ sic peregit. C'est ainsi que S. Cyprien défendit librement & généralement son opinion touchant le Bâteme contre le Pape Etienne, de quoi S. Augustin le loue. Idem P. Gervasius lib. 5. num. 17 pag. 427. & seq.

(b) P. Gervasius ibid.

(c) P. Gervasius ibid. Mais peut-être que n'ayant pas la vérité de son côté, S. Cyprien auroit dû ne pas défendre son opinion avec tant d'ardeur, & se comporter au moins comme un homme ou qui doute ou qui a sujet de douter, sur tout à l'égard d'un Pape pour lequel il semble qu'il auroit dû avoir plus de déférence. En objection on lui répondant : Voyons si c'étoit là la pensée de S. Augustin. Ce grand homme, dit-il, & recitato Augu-

stini textu sic concludit, il le loue donc de ce qu'il a défendu librement & généralement son opinion contre le Pape Etienne, & dans cette généreuse liberté il y trouve de la douceur & de la charité. Vide etiam Lombert. pag. 74.

(d) Lombert in laud. præfat. pag. 74. & P. Gervasius in loco modo citato

(e) Hilar. Eccl. tom. 4. art. 52. Il faut donc adorer en cette célèbre dispute la grandeur & la puissance de la charité qui a sanctifié S. Cyprien.

(f) In laud. præfat. pag. 107. Et véritablement quand on considère combien l'erreur où est tombé S. Cyprien dans la question du Bâteme a donné d'éclat à sa vertu, & a porté d'utilité à l'Eglise, il n'est pas possible qu'on n'en ressente beaucoup de joie.

phanum verò pro errore stetitisse desideremus (a)

Hæc Novaturienſes Theologi pro vindicandâ Cypriani in Stephanum agendi ratione, quæ quidem ſi cuiſpiam inflata & exaggerata videantur, eò ſolùm nomine ſint vituperanda quòd veritatem offendant, utcunque tamen toleranda, quòd nullius famam, nullius dignitatem, nullius ſanctitatem directâ ſaltem fronte impetant. Verùm hos intra limites contineri nequaquam valuit effrenis adverſariorum in laudandâ Cypriani agendi ratione labor & impetus. Diceres apud illos homines Cartaginienſis Epifcopi in R. Pontifice durius tractando mirabilem patientiam, moderatum animum, manſuetam charitatem laudari ſatis haud potuiſſe, niſi Stephanus Cyprianum ad unanimiſſimam benignè exhortatus iracundiæ, præſumptionis, immanitatis, tyrannidis & cujus non criminis, inſimularetur; diceres in eorum mente firmam & ſolidam ſtare non potuiſſe inmenſarum Cypriani cujus vindicias ſuſceperant laudationum molem, niſi Stephanus ſanctiſſimus Eccleſiæ Pontifex, Martyr Religionis ſpectatiſſimus, fideliffimus avitæ traditionis cuſtos procacioribus ab iifdem proſcinderetur conviciis, dictariis appeteretur inſolentioribus, atrociffimis oneraretur criminibus. Hinc inexhausſti illorum in deprimendâ Stephani memoriâ co-

(a) In vitâ S. Cypr. pag. 414. *Quand on lit ce qui ſ'eſt écrit de part & d'autre, qui porte à ſouhaiter que S. Cyprien eut raifon, & que ſon adverſaire eut tort. on ſent dans ſon cœur un mouvement ſecrèt*

natus adeò feraces , ut quantalibet in laudando Cypriano protulerint , majora in denigrando Stephano confinxisse videantur.

Mitto insulſam illam affectationem , quâ sæpius inculcant ac fuſiori etiam probare calamonituntur , Cyprianum videlicet longè pluris , quàm Stephanum in Eccleſiâ fieri ( *a* ) Dudum eſt , ex quo malè olent , vixque ac nè vix quidem in Panegyricis Oratorum declamationibus ſanctorum illæ virorum , quos ſuis factis aſcriptos Eccleſia veneratur , comparationes , & injurioſæ utriſque de utrorumque meritis contentiones , eò collimantes , ut alterius ſanctitas alterius attenuatione augeatur. •

Negligo pariter tot Neotericorum conatus in amplificandâ eorum multitudine , quos Cypriano potiùs , quàm Stephano complauſiſſe ſcribunt Tellemontius , ( *b* ) Dupinus , ( *c* ) Launoïus , ( *d* ) P. Gervafius ( *e* ) , ex quorum calculo ſequeretur Dionifium Alexand. Dionifium & Philemonem Presb. Romanos , Hyeronimum , Athanaſium , Optatum milevit ; Synodum Nicenam , Baſilium ; Gregorium Naziazenum , Cyrillum Hieroſol. ; Gregorium Nyſſenum , Ambroſium , Auguſtinum , Theodoretum , Romanam ſub Gelafio , Synodum , Fulgentium Ruſpenſem Epiſcopum ,

( *a* ) Launoïus in Epiſt. ad Bevilag. 15. P. Gervafius paſſim in vitâ S. Cypr. Lombertus in laud. præfat. ad opera S. Cypriani. .

( *b* ) Hiſt. Eccl. tom. 4. art. 41. 44. , &c 45.

( *c* ) Bibliot. Eccl. tom. 1. pag. 540.

( *d* ) Epiſt. ad Bevilag. 15.

( *e* ) In vitâ S. Cyp. lib. 5. num. 1. 2. & alibi. .

Gregorium Magnum , Synodum Quinifextam , Cypriano potiùs , quàm Stephano adhæsisse. Ecquis enim verò tot conatum , tot laborum fructus ? Quod sentio liberè profero , in congerendis totin Stephanum adversariis manifestârunt Neoterici , quo fuerint ergà Stephanum sicuti erga tot Patrum memoriam , spretis historiæ ac æquitatis legibus animò affecti.

Hæc inquam aliaque similia prætermitto , quæ cum sequentibus comparata leviora sunt , quàm ut morari nos debeant. Quid igitur de Stephano Pontifice maximo , traditionis Apostolicæ vindice , ac Martyre sanctissimo tradunt , qui Catholicos , qui humiles filios ; qui moderatos scriptores se esse profitentur , ac videri volunt ?

Stephanus , inquiunt Neoterici nostri , indignè penitus erga Cyprianum se gessit , ( *a* ) ad Cyprianum scripsit Epistolam indignam prorsus quæ à Romano Pontifice ad Cartaginensem scriberetur , ( *b* ) superbam & injuriarum plenam , ( *c* ) magnoperè contumeliosam . ( *d* ) Stephanus factum tumidè ac dominatum affectat , ( *e* ) imperantem ac tyrannum agit , ( *f* ) magnâ inhumanitate

( *a* ) P. Gervaf. in vitâ S. Cyp. pag. 435. *Un traitement si indigne fait à S. Cyprien par le Pape Etienne.*

( *b* ) Idem ibid. pag. 412. *C'étoit une lettre indigne de l'un & de l'autre Baillet. de vitis Sanctorum ad diem 2. August. pag. 111. Cette lettre du P. Etienne si peu digne de celui qui l'écrivait & de celui à qui elle étoit écrite.* Idem Tillemont. Hist. Eccl. tom. 4. pag. 330.

( *c* ) Lombert. in laud. præfat. pag. 71. *S. Etienne écrivit une lettre fiere & pleine*

*d'injures à S. Cyprien.*

( *d* ) Lombert. ibid. *lettre extrêmement offensante.*

( *e* ) P. Gervafius in vitâ S. Cyp. pag. 412. *Tous ces airs de Pasteur & d'empire que le Pape Etienne affectoit & pag. 451. les manières hautes & imperieuses du P. Etienne.*

( *f* ) P. Gervaf. ibid. pag. 411. *S. Cyprien pouvoit aussi regarder cet impérieux commandement ( du P. Etienne ) & ces menaces comme une conduite tyrannique.*



Cypriano responderet, (a) inhumanum valdè erga Cyprianum se præbet. (b) Stephanus Cyprianum inauditum judicat & damnat, (c) ipsum vocat Pseudochristum, Pseudo-Apostolum, dolosum & perfidum, (d) Cyprian Legatos contumeliosissimè tractat, (e) ipsis pacem, communionem, hospitalitatem, victum non negavit solum, sed negari ab omnibus præcepit. (f) Stephanus zelum præfere quidem, sed ad omnia promiscuè devastanda unicè idoneum: (g) hîc Stephani zelus Imperatorem movit ad Ecclesiam crudeliter persequendam. (h) Stephanus quàm plures Ecclesias tyrannicè opprimebat, (i) nullam Ecclesiæ unitatis rationem habet, quam scindere flocci facit. (k) Stephanus

(a) Dupin. Bibl. Eccl. tom. 1. pag. 500. Etienne ayant fait réponse à S. Cyprien avec beaucoup de dureté.

(b) Tillemont. Hist. Eccl. tom. 4. art. 49. pag. 155. La dureté d'Etienne en les mal-traitant également. Inhumanitas sonat Gallicè dureté, ut ibi notat Tillemontius. Baillet. In vitis Sanctorum tom. 1. ad diem 16. Sept. Une si grande dureté du Pape Etienne.

(c) P. Gervais. in vitâ S. Cypri. pag. 436. ce qui fit improuver la conduite du P. Etienne à ceux même qui étant de son. Sentiment croyoient qu'on devoit au moins écouter tout le monde, & ne condamner personne avant de l'avoir entendu.

(d) Tillemont. Hist. Eccl. tom. 4. pag. 150. S. Cyprien avoit sujet d'être peu satisfait d'un Pape (Etienne) qui le traitoit de faux Christ, de faux Apôtre, & d'Ouvrier trompeur & infidèle. Idem P. Gervais in vitâ S. Cypri. pag. 413. Lombert. in laud. præfat. pag. 71. Baillet ad diem 16. Septemb. in loco citato.

(e) Tillemont. ibid. pag. 155. Le Pape Etienne après avoir traité les Députés de S. Cyprien d'une manière si outrageuse.

(f) Fleurius Hist. Eccl. tom. 2. lib. 7. pag. 253. S. Cyprien envoya à Rome deux

Evêques députés, mais le Pape S. Etienne ne voulut ni leur parler, ni les voir, & défendit même aux Fidèles de les recevoir, ni d'exercer envers eux la simple hospitalité. Idem scribunt Tillemontius Hist. Eccl. tom. 4. art. 49. Lombertus in laud. præfat. pag. 71. P. Gervais in vitâ S. Cypri. pag. 462. Baillet in vitis Sanctor. ad diem 2. Augusti pag. 111.

(g) P. Gervais in vitâ S. Cypri. pag. 438. Etienne étoit de ces Zèles ardents qui ne peuvent rien souffrir d'opposition, & dans l'ardeur de ce Zèle, ils voudroient tout exterminer, dès la pointe du jour.

(h) P. Gervais in vitâ S. Cypri. pag. 452. L'Empereur excita une furieuse persécution contre l'Eglise, le zèle d'Etienne lui avoit donné occasion.

(i) Idem pag. 459. Tant d'Eglises dévotées d'une oppression qu'elles avoient toujours regardée comme une tyrannie particulière à Etienne.

(k) Lombert. in laud. præfat. pag. 75. S. Cyprien fut indigné de voir que le Pape Etienne avoit si peu d'égard à l'unité de l'Eglise, & ne se soucioit pas d'y mettre la division. Lombertum exlicitur P. Gervais in vitâ S. Cypri. pag. 436.

non unum vel duos dumtaxat , sed tres errores fidei Catholicæ adversos docuit in suo rescripto ad Cyprianum. ( a )

Integerrimam Stephani vitam tot conviciis dilacerâsse, tot onerâsse criminibus haud satis habuerunt Neoterici, sanctam & ipsius mortem aggrediuntur, gloriosi Martyrii palmam, imò sanctitatem ipsam Stephano eripere tentant; modò significant acta Martyrii S. Stephani satis authentica non esse, ut in Historiâ fidem mereri debeant; ( b ) modò contendunt aliquem dubitandi locum esse, utrum Stephanus verè Martyr extiterit; ( c ) hîc subjiçunt S. Augustino ac Vincentio Lirinensi perspectum non fuisse, quòd Stephanus Martyr extiterit : ( d ) illic tradunt jure credi posse Stephanum in carcere vel alio modo minus illustri obiisse, non verò per judicis sententiam ac persecutorum manu, quod solum pro vero perfectoque Martyrio tunc temporis habebatur. ( e ) At quaecumque tandem Martyrium Stephanus pertulerit, illud saltem pro Christi nominis confessione passus est? Nequaquam juxtà Dupinium, *illud*, in-

( a ) P. Gervasius id tradit & evincere conatur in vitâ S. Cypriani pag. 463. & 466. Stephanum pariter erroris insimulant Launoïus Epist. ad Bevilag. 15. & Dupin. Bibliot. Eccl. tom. 1. pag. 540. &c.

( b ) Tillemont. Hist. Eccl. tom. 4. pag. 31. Les actes du Martyre de ce Saint ( Etienne ) ne paroissent pas assez authentiques pour faire foi dans l'Histoire.

( c ) Ibid. Il semble même y avoir quelque lieu de douter s'il a été véritablement Martyr.

( d ) Ibid. Il semble même y avoir quelque lieu de douter si le P. Etienne a été véritablement Martyr, car on peut assurer que S. Augustin & Vincent de Lerin ne l'ont pas sçu.

( e ) Ibid. Il y a assez sujet de croire que S. Etienne est mort dans la prison, ou de quelque autre manière moins éclatante... & non par la sentence du juge & par la main des Persecuteurs, ce qui étoit regardé comme le vrai & pur Martyre. pag. 155. in notis ad S. Stephanum.

quit, passus est, quia in Cemeterio inventus est contra Valeriani Imperatoris jussu qui Cemeteria à Christianis frequentari sub pœnâ mortis edicto prohibuerat (a) at demùm pro Christi nominis confessione Stephanus non interierit, verè Martir non extiterit, indubia saltem erit illius sanctitas ? Imò maxime dubia, ac nullo nixa fundamento, si Lomberti valeant effata; quæ enim Stephanus contra Cyprianum gessit nec Martyrio juxta Lombertum expiari poterant, nisi Stephanus ante mortem pacem cum Cypriano, aliisque Episcopis fecisset, ac charitatis & unitatis nexus, quos ipse disruperat cum ipsis adstrinxisset. (b) En igitur totum Stephani sanctitatis fundamentum in ipsius cum Cypriano reconciliatione constitutum, in hâc inquam reconciliatione, cujus nec apud veteres, nec apud recentes aliquod extat vestigium, ideoque maximè dubiâ, ne plus dicam & incertâ; tàm igitur suspecta, dubiaque nobis erit Stephani sanctitas, quàm hujusmodi à Lomberto præformata Stephani cum Cypriano ceterisque reconciliatio, à qua nimirum totâ pendet Stephani sanctitas, & sine quâ nec ipsum Stephano profuisset Martyrium. Quam sanè

(a) Bibl. Eccl. tom. 1. pag. 303. L'Empereur Valerien publia un Edit contre les Chrétiens, par lequel il leur défendit de s'assembler dans les Cimetieres à peine de mort. Le Pape Etienne ayant été trouvé contre la défense de l'Empereur, y souffrit le Martyre.

(b) Lomb. in laud. præfat. pag. 78. Le Sentiment véritable qu'avoit le Pape Etienne

touchant le Batême des Hérétiques, ne lui auroit pu faire remporter la Couronne du Martyre, parce qu'il n'avoit pas souffert patiemment les rémontrances de plusieurs Evêques Catholiques, & s'étoit séparé de leur communion, si avant de mourir il n'eut fait la paix avec eux & n'eut renoué les liens de la charité & de l'unité.

diversa, ut obiter dicam, Lomberti de Cypriano & Stephano scribendi ratio? Cypriani sanctitatem à suâ erroris revocatione, quia dubia est, nullo modo pendere contendit, nec ab illâ æstimandam esse declarat, tamen hujusce revocationis non unum apud antiquos extat argumentum, plurimique Theologi pietate, ac eruditione clarissimi illi suffragantur. Verùm Stephani sanctitatem à prætensâ reconciliatione veteribus omnibus, ac recentioribus etiam ignorâ, ideòque longè magis incertâ, adeò pendere contendit, ut sine eâ nec Martyrium Stephano fuisse profuturum affirmet.

En splendidi Neotericorum nostrorum conatus, en immensi labores, ut adversam Cypriani in Stephanum agendi rationem modis omnibus vindicarent, nec non christianæ modestiæ, reverentiæ Romano Pontifici debitæ, ac æquitati apprimè consentaneam ostenderent, nobisque, si superis placet, suaderent; hæc illa fuere momenta tanto labore quæsitâ, quibus famosum Lutheranorum ac Calvinistarum ad pessumdandam Pontificiam autoritatem ex Cypriano petitum argumentum, à catholicis Doctoribus profligatum jam dudum & eversum, extollere ac suffulcire aggressi sunt Neoterici scriptores. His mediis tam portentosis novam huic argumento vim, novumque splendorem indere susceperunt, quibus roboratum, invictum ac evidens illud

asserere ac ubique prædicare non dubitant. Utris verò gloriosius extiterit, an Lutheranis & Calvinianis illud argumentum excogitasse, an Neotericis nostris dirutum illud tam præclare restaurasse, judex ille sit, qui neutrius gloriæ invideat; quamquam fatendum ingenuè sit S. Stephanum R. Pontificem à Lutheranorum & & Calvinistarum nemine tam malè tractatum fuisse, quàm à nonnullis è Neotericis nostris scriptoribus.

Quamdiu hos intra fines stetissent Neoterici nostri, causam suam nil vel certè parum apud Catholicos promovissent, argumentum istud à Cypriano petitum centies ac millies invictum, evidens, peremptorium, ac contra Pontificiam inerrantiam decretorium appellassent, tantis dicendi facibus neminem commovissent, nemini fucum fecissent: tam enim flaccida & misera, tam parùm digesta, tam ipsa veri specie destituta se se produnt, quæ ad hujus argumenti præsidium adducuntur & inverecundè jactantur, ut vel obtusissimis imponere nunquam valuissent; imò si quid illa ponderis habuissent, prolata ut fuerunt tanto strepitu & animi præoccupati impetu, tam cæco in Romanos Pontifices odio, suspectum vel illud reddidissent, totamquæ illi fidem detraxissent.

Verùm ultrà metas progressi sunt, qui nobilissimo, & quidem primævæ antiquitatis Ec-

clesiæ Doctori, qualis fuit Cyprianus, ignotum penitus fuisse quod Petri successoribus adseritur fidei indeficientis privilegium Catholicis suadere per fas etiam & nefas susceperant. Quid amplius igitur Neoterici, ut non nullos hâc in re fallerent incautos? Probè conscii quanto apud Catholicos in pretio haberentur Gallorum Theologorum ac Parisiensium Doctorum opiniones, huc & illuc spargere ceperunt hujusmodi argumentum sapientissimis illis sacræ Theologiæ magistris validissimum ad impetendam Rom. Pontificis inerrantiam visum fuisse. Sic quod rei deerat tanto nomine ac titulo compensandum esse judicarunt. Fatenda res est. Neotericorum votis non parùm successit artificium. Exteri quàmplures, quibus sæpe non vacat ac frequentius liberum non est tot Galliæ Doctorum volumina perlegere, aliorum ex suo candorem dimetientes, rem magnâ fidentiâ testantibus bonâ fide crediderunt; atque exindè Galliæ Theologos tanquam hujusce argumenti patronos habentes obscuratam ac imminutam in recentioribus, quæ veteres Galliæ Doctores commendabat judicii gravitatem ac maturitatem dolere atque deplorare visi sunt, atque videntur. E Galliâ etiam non pauci in Parisiensium Doctorum scriptis non satis versati Neotericis hâc in re faciliores aures pariter accommodarunt, unde tantâ magistrorum suo-

rum, à quibus recedere nefas ducitur, autoritate abrepti, istud argumentum ad impetendam inerrantiam Pontificiam efficacissimum & ipsi sine ulteriori inquisitione dixere, atque contendere sæpius audiuntur.


Novissimus iste fuit ceterisque felicior Neotericorum ausus, ut argumento prædilecto vires aliquas, quas per se se ipsum non habebat impertirentur. Temerarium aded inceptum ferre non potuimus, nempe quo Germana celeberrimorum scriptorum doctrina aded depravaretur, ut adversa penitus ipsis affingeretur. Periniquo passus sum animo Parisienses Doctores eò usque denigratum iri, ut vetulam Lutheranorum cantilenam à catholicis omnibus irrisam ac contemptissimam placere ipsis, probari ac recantari diceretur. Dolebamus eam Gallicæ Theologis invidiam conflare, quæ ipsos tanquam filios à Patribus degeneres, Patrum sapientià ac judicii maturitate destitutos exteris exhiberet, ac proinde querimonias exterorum & exprobrationes in ipsos concitaret. Per molestè cernebamus tot juniores Sorbonnæ Baccalaureos ementitâ suorum Magistrorum autoritate deceptos bonâ fide credere, Cyprianum Pontificiæ infallibilitati repugnâsse, quod avitum & innatum ad tuenda Sedis Apostolicæ jura ipsorum ardorem minuebat non parum, ac remittebat.

Ut itaque nostro pro asserendis ac magis magisque firmandis sacris Apostolicæ sedis iuribus, ac divinis privilegiis studio, nostræque de Galliæ Theologis, quo meliori modo possumus, benemerendi voluntati faceremus satis, Germanam Galliæ Theologorum hæc in parte sententiam pandere atque à novissimâ imposturâ vindicare suscepimus. Quid ergo? An non Galliæ Doctores Cypriani factum ad impetendam Romani Pontificis inerrantiam idoneum aptumque dijudicant? Imò ineptissimum ac futilissimum illud esse demonstrant. Easdem doctissimi Galliæ Theologi, quas ceteri Catholici Doctores ad exsuflandum & profligandum, quo ex Cypriano Lutherani primum & Calviniani, deinde Neoterici in supremam & immotam Romani Pontificis auctoritatem arietant argumentum, responsiones afferunt atque suppeditant: hæc verò tam solidæ, tam decretoriæ sunt ut magis esse non possint. Ità se habent gravissimi viri, quidquid in contrarium adducant ac fabulentur Neoterici, atque illud est quod probandum aggredimur ac difficiliiori cuicumque suadere confidimus.









# DISSERTATIONIS

## ARGUMENTUM ET PARTITIO.



UO completitur susceptum dissertationis nostræ argumentum, alterum facti, alterum juris. Quod spectat ad primum, ostendemus famosum illud quod Neoterici nonnulli ex Cypriani facto contra assertam à Catholicis Romani Pontificis infallibilitatem extundunt momentum, vacuum à sapientissimis Galliæ Theologis & inane confici, refutari prorsus ac everti. Quod ad jus attinet, solida & invicta esse demonstrabimus quæ à sapientissimis Galliæ Theologis ad profligandum & evertendum illud Neotericorum momentum adducuntur. Utroque peracto constabit supremam & irreformabilem in definiendis fidei controversiis Rom. Pontificis auctoritatem Cypriani facto à Neotericis quidem acriter impugnari, sed à Galliæ Theologis solidè vindicari.

Antequam tamen ad rem propiùs accedamus, officii nostri esse duximus Stephani sanctissimi Martyris ac Pontificis maximi vitam ex veterum monumentis expressam compendiosè describere. Charitas in primis atque Religio postulare à nobis visa est, ut sanctissimum illum Pontificem



**COMPENDIOSA STEPHANI SANCTISSIMI**  
*Martyris ac Romani Pontificis vita à Veterum monu-*  
*mentis excerpta.*

**S**TEPHANUS natione Romanus ex Patre Julio (a) antequam ad supremum Ecclesiæ verticem attolleretur in Clerum Romanum cooptatus Cornelii primo, deinde Lucii Romanorum Pontificum fuit *Archidiaconus*, (b) in quo officio talem se præbuit Cornelio, ut ipsum præ omnibus dignum censuerit, cui tutius *omnia Ecclesiæ bona ante suam passionem traderentur* (c) Lucio verò ita se probavit, ut ipsum ex omnibus unum ad sustinendam difficillimis temporibus nutantis Ecclesiæ molem deligeret: *hic enim inquit Anastasius potestatem dedit omnis Ecclesiæ Stephano Archidiacono suo dum ad passionem pergeret*: (d) vel juxta Eusebium (e) *moriens Episcopale officium Stephano dereliquit*.

Lucio gloriosâ morte defuncto successit Stephanus. (f) Ecclesiâ à persecutionibus respirante, ac pacem sub Valeriano ad tempus obtinente, majorem sanctus Pastor agendi libertatem nactus ad remotissimas quoque per orbem Ecclesias sollicitudinem vertit: *omnibus Siriarum cum Arabia Provinciis non semel, sed identidem necessaria suppedians*; (g) quorum autem corporibus tantâ charitate ac liberalitate Sanctus

(a) Catalogus Pontificum seculo sexto conscriptus ab Helicennio vulgatus tom. 1. Aprilis in diatriba præliminari. Anastasius Bibliotecharius in vitâ S. Stephani.

(b) Idem Anastasius in vitis SS. Cornelii & Lucii edit. Rom. 1718.

(c) Idem in vitâ S. Cornelii.

(d) In vitâ S. Lucii.

(e) Histon. Eccles. lib. 7. cap. 2. edit. Vales. Paris. 1678.

(f) Id post Cyprianum, Eusebium, Optatum milev. Augustinum, Prosperum, Nicephorum, &c. omnes agnoscunt.

(g) Dionysius Alexand. apud Eusebium lib. 7. Cap. 5.

Pontifex subveniebat, animos etiam benignis ac salubribus scriptis solari, & ad pietatem excitare studebat teste Dionysio citatis modò verbis hæc subdente : *& quibus litteras nunc scripsistis.*

Marcianum Arelatensem in Galliâ Episcopum Novatiano plurimum studere non sinè Ecclesiæ detrimento Stephanus significavit unâ cum ceteris Provinciæ Episcopis Faustinus Lugdunensis Antistes. (a) Stephanum autem pro rei gravitate maturè procedentem, ac in excommunicandis & deponendis Episcopis non festinantem per Epistolam adit à Gallis incitatus Cyprianus, ipsum interpellans *ut in Provinciam & ad plebem Arelate consistentem litteras dirigeret & quidem plenissimas, quibus abstituto Marciano alium in locum ejus substitueret*; (b) quare autem vellet tam severâ & gravi censurâ in Marcianum animadverti, disertius exponit sub Epistolæ finem; quòd nimirum vindicandus esset Romanorum Pontificum honor, à quorum ille *de recipiendis lapsis* decretis pertinaciter dissentiebat: *servandus est enim inquit, Antecessorum nostrorum Beatorum Martyrum Cornelii & Lucii honor gloriosus, quorum memoriam cum nos honoremus, multò magis tu frater carissime honorificare & servare gravitate & autoritate tuâ debes, qui Vicarius & successor eorum factus es. Illi enim pleni spiritu Dei & in glorioso Martyrio constituti dandam esse lapsis pacem censuerunt.*

Cyprianus interea adeò non dubitabat, quin Stephanus re ad tantam lucem jam provecta ipsius consilio & hortatu litteras ad Provinciam & plebem Arelatensem mitteret, quibus & Marcianum abstineri, & alium Episcopum in ejus locum substitui præciperet, ut & quis fuerit substitutus sibi significari roget his verbis: *significa planè nobis quis in locum Marciani Arelate fuerit substitutus, ut sciamus ad quem fratres nostros dirigere, & cui scribere debeamus.* (c) Dejectum autem è sede tunc Marcianum à Stephano fuisse tota silet antiquitas; at illud indicio esse potest, quòd nomen ejus in

(a) S. Cyprianus Epist. ad S. Stephanum  
68.

(b) Cyprianus ibid.  
(c) Ibidem.

antiquis Arelatensis Ecclesiæ diptychis à Mabillonio editis (a) non legatur.

Eodem circiter, ut creditur, tempore præclarum auctoritatis ac suæ clementiæ specimen dedit piissimus Pontifex in causâ Basilidis Legionis & Asturicæ in Hispaniis Episcopi. Hic cum ob varia crimina, quorum accusabatur, ab Episcopatu à suis depulsus esset, ejusque loco Sabinus fuisset sussectus se se Romam ad Stephanum contulit, à quo ut in suam sedem restitueretur obtinuit. (b) Cyprianus cum Basilidem omnium, quorum accusabatur criminum reum existimaret, & aliundè Stephani æquitas adeò sibi nota esset, ut ipsum facinoroso patrocinari voluisse nullatenus suspicaretur, Stephanum à Basilide in hoc negotio fuisse *deceptum* censuit, quod Stephano accidere potuisse contendit, ut potè *longè* ab Hispania *posito & gesta rei ac tacita veritatis ignaro.* (c)

Si revera Stephanus in hâc re, ut putavit Cyprianus, circumveniri se passus est, non propterea gravis, aut etiam levis negligentia illicò culpandus, cum experienciâ constet vèl diligentissimo nonnumquam cautissimoque obrepi solere; maxime si, ut Stephanus, eâ plenus est caritate, quæ omnia credens, nec cogitans malum reis magis, quàm actoribus indulgere studet; sed nescio an Cyprianus potius, quàm Stephanus in hoc negotio fuerit deceptus; quidquid enim Cyprianus in hâc Epistolâ de Basilidis criminibus statuit, statuit parte altera inauditâ, hoc est ex solâ relatione Legatorum qui erant Episcopi depositis (Basilidi & Martiali) substituti, & ex litteris eorum, qui hos deposuerant, illos substituerant; at hi profecto in causâ propriâ testes non erant idonei, et æquè imponere Cypriano poterant, ac Stephano Basilides. Ab Hispaniâ *longè* quidem *positus erat Stephanus*; at Hispanis non adeò propior Cyprianus, ut quæ Romam indè penetrare poterat fallacia, non potuisset etiam Cartaginem; cum maximè tam rara Cartaginenses inter & Hispanos nullo jurisdictionis vinculo colligatos,

(a) Anal. tom. 3. pag. 432. edit. Paris. 1672.

(b) Cyprianus in Epist. ad Stephanum 68.

(c) Ibidem.

quàm frequentia Hispanorum cum Romanis, quibus & civili & Ecclesiasticâ potestate suberant, haberentur commercia; crediderim potius quod in Hispaniâ agebatur multò melius Romæ sciri ac examinari potuisse à Stephano, quam Cartagine à Cypriano.

At fuerint, si placet, Basilidis crimina Cypriano magis, quàm Stephano probata, ideòne deceptus, vel incautus Stephanus, quia illum fedi suæ restituit? Nullo modo. Cum enim Basilidis depositio ab Hispanis facta fuisset non consultâ sede Romanâ, ad quam hujusmodi causæ referendæ erant teste ipso Cypriano, (a) idque ignorare non potuerit S. Stephanus, Hispanorum acta rescindere debuit, saltem quoad illi causam ordine legitimo, hoc est consciâ & probante sede Apostolicâ denuò instaurarent. Qui plura de hac re desiderat consulat Eminentissimum Aguirrium. (b)

Hispanorum vix sedaverat, aut sedare tentaverat turbas Religiosus Pontifex, cum graviores Africanorum, & Orientalium compescere cogitur, & pro suâ, quæ limites non agnoscebat, Pastoralis sollicitudine illos ab errore revocare nititur. Cum enim Cyprianus postpositâ antiquâ & universali, quam ubique intuebatur Ecclesiæ consuetudine, (c) subintroductam ab Agrippino predecessore suo de rebaptisandis ab Hæreticis baptisatis novitatem sequi & amplecti maluisset, (d) ad hanc stabiliendam ac dilatandam duas Cartagine coegit Synodos, in quibus statuit una cum cæteris coepiscopis congregatis baptismum extra Ecclesiam susceptum in eâ repetendum esse. (e) Res hæc magni ponderis erat, & ad sacerdotalem auctoritatem & ad Ecclesiæ Catholicæ unitatem ac dignitatem, propius pertinebat, quàm ut inconsulto Rom. Pontifice executioni demandaretur, ideòque de hoc negotio Stephano maxime scribendum esse ac cum ipso conferendum merito judicarunt Episcopi Concilii Cartaginensis. (f) Synodicam igitur ad Stephanum.

(a) In Epist. ad Cornelium 55. & ad Stephanum 68.

(b) Concil. Hispan. tom. 1. dissert. 7. & 14.

(c) S. Augustinus de bapt. contra donat. lib. 1. cap. 8. edit. Benedictin. Paris. 1679.

(d) Augustinus ibid.

(e) Cyprianus Epist. ad Episcopos Numidæ 70. & ad Stephanum 72.

(f) Epist. Synod. ad Stephanum apud Cyprianum. 72.

dirigunt Epistolam, in quâ ipsum rei gestæ certiores faciunt, & commendata Stephani *gravitate*, *sapientiâ* nec non suæ *Religionis ac fidei veritate* ipsi significant se nullatenus dubitare, sed *credere ipsi placitura quæ & Religiosè pariter & vera forent*; (a) qualia nempe esse putabant, quæ in causâ baptismi hæreticorum statuerant.

Sanctus Pontifex ubi tantos non solum in Oriente, quod jam resciverat, sed & in Africâ, tamque citatos ad proscribendam Apostolicam traditionem agitari motus cognovit, idque à Præsulibus eximiâ sanctitatis doctrinæque famâ pollentibus, perspexit continuò quò spectabiliores erant Episcopi, qui Ecclesiæ traditionem convellere nitebantur, eo gravius Ecclesiæ imminere periculum, tantique mali labem, quæ magnam Africæ, nec non Ciliciæ, atque Capadociæ partem jam infecerat, quæve in finitimas pervadere non desisteat Provincias, brevi Africam totam, totumque Orientem fore perdituram, ideòque necessarium esse providus intellexit non qualecumque, sed efficax juxta, promptissimumque tanto malo remedium; quâ itaque in Cyprianum, aliosque Episcopos auctoritate pollebat, opportunè utitur nullâ contradicendi libidine, sed uno traditionis servandæ studio: *dignum nimirum existimans si reliquos omnes tantum fidei devotione vinceret, quantum loci auctoritate superabat*, (b) ipsique *per Epistolam* (c) *præcipit* (d) nil esse in hoc negotio innovandum, præcipit, inquam, ut bonus Pater, qui nil filiis, ubi etiam oportet, præcipere vult, quin & præcepti æquitatem afferat, modestèque exponat. Cypriano enim significat suæ opinioni contrariam esse antiquam, quæ vigeat, & quam Cyprianus ipse *ubique intuebatur* Ecclesiæ traditionem seu consuetudinem: (e) quo sanè argumento *humanas* (f) quibus Cyprianus, alique nitebantur rationes solidè evertebat. Quis enim nesciat rationem omnem humanam Ecclesiæ traditioni concedere debere, ac

(a) Ibidem.

(b) Vincentius Linrin. in Commonit. cap. 9.

(c) Ibidem.

(d) Augustinus de bapt. contra donat.

lib. 5. cap. 23.

(e) Cyprianus Epist. ad Pompejum 74.

(f) Facundus Hermian. pro defensione trium Capitul. lib. 10. cap. 3. edit. P. Sirmondi Patil. 1696.

suspectam, ut mitius loquar, habendam esse rationem, quæ tantæ auctoritati adversatur. Hanc insuper traditionem confirmat ipso hæreticorum exemplo, qui ad se venientes non rebaptisabant. (a) Absurdam quidem hanc Stephani rationem censebat Cyprianus; verum, ut observabat non tam pridem vir eruditus, de illâ longè aliter judicabunt, qui eam attentius expenderint; cum enim ab Ecclesiâ recesserint omnes hæretici, mirum non est eos de doctrinâ illius non nihil retinere, imò nullus re ipsa est, qui non aliquid ex eâ retineat; cum igitur quantumvis inter se dissidentes, in aliquo cum Ecclesiâ consentiunt, hoc ab Ecclesiâ sibi traditum retinuisse, meritò affirmantur, ac proindè non immeritò antiquam Ecclesiæ, quam Stephanus asserit consuetudinem vel ipsâ hæreticorum praxi confirmat; en Stephani verba, quæ sola nobis supersunt Cypriano ea referente in epistolâ ad Pompeium 74. *Si quis ergo à quacumque hæresi venerit ad nos nihil innovetur nisi quod traditum est, ut manus illi imponantur in penitentiam, cum ipsi hæretici propriè alterutrum ad se venientes non baptisent sed communicent tantum.*

Hæc Cypriano scribit Stephanus stylo, qui præter gravitatem sapientiam ac Religionis veritatem, quam in ipso Cyprianus commendabat (b) nil sapiat, nisi modestiam eò laudabiliorem, quò tunc temporis Episcopi in hæc questione diffidentes præsumptionis, pertinaciæ & perversitatis se se invicem insimulabantur. (c)

Tandem ne quid omitteret vigilantissimus Pontifex, quod Cyprianum, aliosque rebaptisantes ab exitiali errore latius in dies serpente revocare posset, ipsis denuntiat se se ab illorum communione discessurum, (d) si in suâ sententiâ persisterent; ut nimirum quos paterno præcepto, ac rationum, quas attulerat momentis minus permovisset, minis saltem, ad errorem deponendum excitaret. Hæc pro vindicandâ adversus Cyprianum, aliosque rebaptisantes antiquâ & universali Ecclesiæ traditione

(a) Cyprianus Epist. ad Pompeium 74.

(b) Epist. ad Stephanum 72.

(c) Vide Cypriani Epist. ad Quintum 71. ad jubajanum 73. atque Episcopi ano-

nymi tractatum qui incipit *non debere*, &c. apud Labbæum tom. 1. Concil. pag. 770.

(d) Dionysius Alexand. apud Eusebium Hist. Eccl. lib. 7. cap. 5.



Stephanus Romanus Pontifex, nec plura juxta probata veterum omnium monumenta. (a)

Tam laudabile Stephani pro avitâ Religione servandâ studium novitatem amantibus, ac errantibus displicuit. Pastoris vox ab iis, qui de unâ agi disciplinâ malè credebant non auditur, contemnitur, Romanus ipse Pontifex arguitur, injuriis,

(a) Inter probata Veterum momenta non recentemus Firmiliani ad Cyprianum Epistolam, quæ irati animi monstra nobis exhibeat non Sancti Episcopi dicta, quæ veritatem, Religionem, æquitatem, modestiam, ac charitatem Christianam sapiant. Scribit quidem Firmilianus Stephanum cum Cypriano pacem rupisse, ipsumque Pseudochristum, Pseudo-Apostolum vocasse, ac ipsius legatis communionem ac hospitalitatem denegasse; ac hæc in Stephani litteris non leguntur. Hæc Veterum nemo de Stephano vel obscure indicavit. De his apud Stephanum conquestus non est Cyprianus ipse, qui tamen de levioribus, genio commotionis indulgens, altas & amaras edidit querelas. Hæc non attulit Augustinus pro minuendâ, ut totus al-laborabat, Cypriani in Stephanum irritationis culpâ. Hæc mantuetudini, lenitati, & charitati quæ in Stephani vitâ ubique eluxere minimè consona. Hæc si credenda sunt, quia ea Firmilianus effudit, credendum jam erit Stephanum fuisse audentem, insolentem, improbum, manifestè stultum, inhumanum, schismaticum, falsum testem, omnibus Hæreticis pejorem, cum Juda ipso Christi proditore comparandum; credendum jam erit Beatos Apostolos Petrum & Paulum à Stephano fuisse infamatos, ac de nullo alio magis, quam de Stephano scripturam sacram dicere: *Homo animosus parit lites & vir iracundus exagerrat peccata*. Credendum jam erit zelum Dei apud Judæos ignorantia cæcos ac gravissimo crimine contrictos magis inveniri, quam apud Stephanum, ac hujus animam fortasse unam non esse, adeo est lubrica mobilis & incerta. Credendum jam erit Stephanum pacem cum singulis per totum orbem Episcopis vario discorde genere rupisse, ac meritò nuncupandum Pseudochristum, Pseudo-Apostolum, & dolotum operarium. Credendum etiam erit Romanam Ecclesiam frustra Apostolorum auctoritatem pretendere, nec in eâ traditiones Apostolicas conservari; Cre-

dendum erit Hæreticos non nisi post longam ætatem ab Apostolorum temporibus vixisse. Hæc enim omnia, ut alia omittam, Firmilianus in eâ Epistolâ profudit. Hæc hominem perhibent bile adeo agitarum & commotum, ut veritati, æquitati, Religioni, ac charitati intendere non valuerit, quæ proinde totam Firmiliano ad Cyprianum scribenti fidem detrahant.

Et reverà quæ Stephano Firmilianus objicit tamquam pura putidaque commenta tota habuit antiquitas. Nil in Stephano contra Cyprianum agente hæc reprehendit; imò Stephanum constantissimè commendat, idque palam sæpiusque de Stephano negat, quod de ipso Firmilianus apertè affirmat ut infra ostendemus. Nec pluri apud Gallicæ etiam Gentis scriptores habetur Firmiliani hæc in re testimonium, quorum quidem major ac sanior pars nullam ipsi fidem concedendam esse liberè pronuntiat, de quo videri possunt Natalis Alexander in Hist. Eccl. 1. Eccl. sæculi dissert. 12. artic. 1. pag. 687. Frassen de Sacramentis quest. 3. pag. 96. Turnellus de Sacramentis quest. 7. art. 2. pag. 447. P. Constantius de Epistolis Rom. Pontificum tom. 1. pag. 250. de Reverenti in dissertatione dogmatica de diffidio inter S. Cyprianum & S. Stephanum. pag. 71. & alii quam plures, quorum argumenta falsitatem eorum, quæ Firmilianus Stephanum impegit adfuerunt prolequi per tempus non licet. Id unum asserere juvet, quod ultro concedet quilibet verum æquus estimator, à Cypriano nimirum, Dionysio Alexandrino, Eusebio, Augustino, Hieronymo, Vincenzio Lymenli, Facundo Hermian., ceterisque omnibus qui de hæc re pacatis animis scripserunt, percipienda potius esse, quæ Stephanus contra rebaptizantes egit, quam ab uno Firmiliano infestissimo Stephani adversario, qui sermonem intrâ veritatis & æquitatis limites continere in citatâ Epistolâ non valuerit.

contumelis afficitur (a) verum Stephanus spretus, injuriosè tractatus, & laceffitus nescit irasci, nescit indignari, nescit conqueri, irritari non valet, omnia fert, omnia sustinet, omnia patitur *omnia bono pacis & unitatis tolerat.* (b) Non judicem, non Pontificem maximum, non spretum, non offensum se cogitat, ut Paternæ ac Christianæ charitati unicè intendant; filios errantes, inobtemperantes, ac contumeliosos non increpat, non objurgat, non punit, sed *vir ubique magnus ac magnâ charitate præditus* (c) sollicitâ pietate tolerat, (d) mansuetus & humilis non studet injurias repellere, vel læsum honorem vindicare, sed *studet servare unitatem spiritus in vinculo pacis.* (e) Senferat quàm *perniciosa dissensionis periculum haberent, quæ in ipsum irritati effuderant* adversarii (f) ideòque omnia sub velo silentii, sub velo charitatis tegit: os suum nec aperit, ut suam defendat innocentiam, uni Deo suæ justificationis curam reliquens; non propriis, sed Ecclesiæ bonis, paci, non suæ defensionis vigilat, & una *pax vicit in ipsius corde,* (g) non desperans suâ tandem patientiâ ac longanimitate adversariorum corda movere, ipsosque ad meliorem frugem reducere, quod ut à Deo impetraret bonis operibus magis ac magis abundare nitebatur.

Interim enim, dum magni à rebaptisantibus motus in Africâ & Oriente excitantur, ipse domi *monitionibus sanctis & eruditione scripturarum omnes imbuebat,* (h) ceterisque eò grandior, quò sibi vilior commissum gregem celesti doctrinâ pascere non solebat, nisi præmissâ suæ indignitatis confessione: se audiri rogabat non ut Pontificem, non ut magistrum, non ut Pastorem, sed ut peccatorem; *filioli mei* humilis inquebat, *audis me peccatorem* (i) qui autem omnes Christo crucifacere con-

(a) S. Cyprian. Epist. ad Pompeium 74. & Firmil. Epist. ad Cyprian. 75. inter Cyprianicas.

(b) August. lib. 6. de bapt. contra Donat. cap. 22.

(c) August. lib. 1. de bapt. cap. 7.

(d) August. lib. 6. de bapt. cap. 22.

(e) August. Ibid.

(f) August. lib. 5. de Bapt. cap. 25.

(g) Augustinus Ibid.

(h) In actis Hypoliti, Eusebii & sociorum apud Baronium ad an. 159. quæ legitima certo videri fatetur ipse etiam Tillemontius nota 2. in S. Stephanum his verbis: *Baronius nous donne dans ses Annales les actes des Saints Eusebe, Marcel, Hipolyte, &c. comme des actes legitimes, ils en ont assurement beaucoup d'air.*

(i) Ibidem.

tendebat, non fidelibus tantum erudiendis ac sanctificandis, sed & gentilibus ad fidem convertendis totus allaborabat; quot verò, quantique fuerint Apostolici tunc temporis sanctissimi Pontificis labores, referunt acta Hypoliti, Eusebii & sociorum, in quibus etiam videre est Stephanum ipsum Etnicis baptizandis ita occupatum, ac si vel nihil negotii haberet, vel presbyteri decissent, quibus eam curam committeret, dum vacaret ipse gravioribus. Irritos Deus noluit tot Stephani labores; optata Stephano concessa merces *crescente in dies Christianorum numero* (a)

His deditum sollicitudinis Pastoralis, ac zeli Apostolici officii Stephanum excepit Epistola Dionisii magni Alexandrinæ urbis Episcopi. Cum enim ad præclarissimi hujus Antistitis notitiam pervenissent hinc, & inde in rebaptizantium negotio gesta, facile intellexit quàm gravi dolore Romani Pontificis animus affectus esse debuerat, justamque timendi causam invenit Stephanum à rebaptizantibus spretum, injuriosè tractatum tandem moveri posse ad pœnas, quas illis minitatus fuerat infligendas; idcirco pro suâ erga Stephanum singulari dilectione illius mœrorem sublevare per litteras accellerat, ipsiusque clementiam pro rebaptizantibus implorat: quod enim tanto Ecclesiarum pacis amatori Pontifici pergratum maximè futurum non ambigebat, ipsi sollicitè nuntiat *cunctas per orientem & ulterius positas Ecclesias, quæ prius ob Novatiani pravitatem erant discissa nunc tandem ad unitatem reversas esse, & omnes ubicumque Ecclesiarum Antistites unum idemque sentire & ob redditam insperatam pacem incredibili gaudio exultare*; (b) nec sine jucunditate in memoriam ipsi revocat quantâ charitate ac liberalitate remotissimis Syriarum, & Arabiæ Provinciis omnibus tum litteris, tum nummis sæpius succurrerit, quas ob hanc concordiam ubique lætitiâ gestire ipsi significat. (c) Denique omnia de pacifici Pontificis bonitate sibi pollicitus, minarum, quas rebaptizantibus intentarat, executionem suis preci-

(a) Ibidem.

(b) Apud Eusebium Hystor. Eccl. lib. 7.

cap. 5.

(c) Ibidem.

bus avertere confidit *pro illis Stephanum rogans atque obtestans.*

(a) Hanc Dionysii spem non fefellit eventus, cum Stephanus *vir magnâ charitate pradius rebaptisantes in charitatis patientiâ sollicitâ pietate toleraverit.* (b)

Immanis, quæ sæviebat in dies adversus Christianos Valeriani imperatoris persecutio Stephani zelum, curasque Pastorales non minuit, sed auxit: eò fortior, quò majoribus premebatur angustiis, eò vigilantior, quò graviora instabant pericula, illuxit tunc, calamitosissimis nimirum temporibus, quanta esset Pontificii animi magnitudo, quantus Pastoris in greges amor, quanta sollicitudo, quanta in ferendis laboribus constantia, quantus denique Paternæ erga omnes charitatis ardor. Quibus enim conatibus Tyrannus dispergere, ille colligere dilectum gregem allaborabat, quæsitos ubique *Christianos in Martyrum cryptis ac cameteriis congregans, ut omnes de Regno Dei & vitâ aternâ doceret* (c): hîc verò eos hortari non desinebat, ut

(a) Ibidem.

(b) Augustinus locis suprà citatis.

(c) Hæc & sequentia usque ad Stephanum vitæ finem litteris Romanis seu ut vocant cursivis delineata ex authenticis Stephani actis excerptimus quæ paulò post illius Martyrium à Notariis Romanis conscripta sunt. Ecclesiæque universæ rûm Latine rûm Græcæ per tot sæculum testis probata, ut videre est apud Odoarium Ilbachium in actis SS. Martyrum vindictæ Romæ an. 1713, excusis, & apud Bollandi continuatores ad diem 1. Augusti de illorum autoritate fassus differens, à quibus hæc mutuati sumus in eorum commodum qui citatos Autores præ manibus non habent.

10. Stephani acta apud omnes sunt vulgatiô ma; extant in pluribus Græcis Italicis, Gallicis, Germanicis, Belgicis, aliarumque Nationum manuscriptis codicibus, in quorum nonnullis vetustissimis illa acta dicuntur *serjta fideliter & graviter à Notariis Romanis Latine.*

11. Antiquissima sunt & universæ Ecclesiæ probata, S. Damasus Papa carmine 31. inter eius opera à Soraziano collecta ex his actis nonnulla excerptit, quæ scilicet de S. Tharsicio canit, hæc enim nulloquam nisi in actis S. Stephani descripta fuisse sciuntur. Ado Viennensis Archiep. Stephani acta in codicibus passionum undique

Collectis quorum meminit in præfatione ad vetus Martyrologium Romanum invenit, & in suo Mart. rologio excerptis. Martyrologium Romanum vetus octavo sæculo conscriptum ea Stephani acta sequitur in describendo ipsius Martyrio & aliorum qui in his actis passi referuntur. Hæc Stephani acta in omnibus Menologiis & Mæneis Græcorum, in Martyrologio etiam Basilii Imperatoris, in Martyrologio Uluardi & Notkerii compendiosè exhibentur. Hæc S. Petrus Damianus sermone 38. de S. Stephano *Authenticam passionis ejus Historiam* appellat. Metaphrastes è latinis ea græca fecit ut videre est apud Lypomanum & Surium. Demum ut omnia verbo dicam Martyrologia omnia, Breviaria omnia antiqua non Romana tantum sed et plurimarum per Occidentem Ecclesiarum, omnia Græcorum Menologia & Mænea Stephani nostri Martyrium non aliudè quam ex his actis eduxerunt.

12. Sicuti Veterum nemo de istorum actorum autoritate unquam dubitavit ita postremis etiam sæculis elapsis germana & fidelissima vita sunt iis qui antiquitatis illustrandæ sedulo vacarunt Consule si placet Schelesiatrum insignem Antiquarium antiquit. Eccl. tom. 1. dissert. 1. cap. 7. Nunc vero pauci Neoterici à Pearnio Hierodoxo edoctis placuit istorum

pro Christo Martyrii coronam alacriter susceperunt: *fratres*, inquit, & *commilitones mei respuite facultates terrenas, ut regnum celeste percipiat, nolite timere Principes seculi, sed orate Dominum Deum Cæli, & Jesum Christum filium ejus qui potens est nos omnes eripere à manibus inimicorum & diaboli savitiâ & sua gratia sociare*; tantâ verbò Stephanus in docendo & in exhortando gratiâ, ac sapientiâ pollebat, ut ex paganis ipsis multi concurrerent ut audirent verbum ejus. Quæ verò fuerit Stephani sermonum efficacia, probat numerosa illa paganorum multitudo, quæ Stephano audito Religioni Christianæ sine morâ nomen dabat, quosque omnes indefessus Pontifex non alienis, sed propriis manibus *sacri baptismatis mysteriis consecrabat*; probant & illæ Christianorum generosæ voces, quibus Stephano fidei necessitatem, aliasque virtutes commendanti succinebant: *nos desideramus & facultates terrenas derelinquere, etiam & sanguinem propter nomen Domini nostri Jesu Christi fundere, si tamen ejus meremur gratiam adipisci.*

Ut autem fortes ac constantes redderet S. Pontifex illos pietatis sensus, quos crebis exhortationibus in fidelium corda excitabat, ac ingerebat, sapius pro illis *sacrificium Deo offerebat* curabatque ut *omnes corpore & sanguine Christi participarent.* Tantaque ipsis virtutum omnium exempla præbebat, ut Romanis, oculatis nempe testibus *spiritus sancti gratiâ repletus*, veluti alter Stephanus Protomartir videretur, ac diceretur. Sic verbo, opere & exemplo gentiles ad fidem convertere, fideles in fide corroborare, ac ad Martyrium fortiter obeundum disponere Stephanus R. Pontifex enitebatur. Tot ornatum virtu-

actorum auctoritatem in dubium revocare, inter quos eminet Tillemontius plura congerens in nota 1<sup>a</sup>. ad S. Stephanum argumenta ad illorum auctoritatem prorsus elidendam, quorum aliqua ad summum evincunt mendosa quædam in his actis irreptisse, quæ Stephani labores Apostolicos aut Martyrium non spectant, alia verò quæ in Stephani gesta etiam intorquentur nullo Veterum testimonio, sed meris nituntur conjecturis quæ sint levissimæ. E. G. juxta Tillemontium rejicienda sunt acta Stephani, quia in his aliqua à Stephano *putata*

miracula referuntur; quia nonnulli ibidem dicuntur ante Stephani pedes se se prostravisse; quasi verò paria in sinceris aliis Veterum actis nunquam recitentur. Ceterum hæc Tillemontii argumenta solidè & abundè refutata leguntur apud Ibachium & Bollandistas in locis suprâ citatis; & certissime nunquam elicient ut illa Stephani acta venerandam Ecclesiæ universalis approbationem in his quæ ad Stephanum attinent per tot remota secula non habuerint.

tibus Pontificem, & miraculis clarescere Deus voluit; quam enim suis exhortationibus Christo per baptismum generat Lucillam Nemefii Tribuni *filiam vi suarum orationum à nativitate cecam etiam illuminat*. Non mirum igitur si sub tanto Pontifice tot viderit Roma, tot celebret Ecclesia generosos Christi atletas, qui ad agonem atque pro Christo certaverint, qui spretis minis sicut promissis, blanditiis, honoribus, divitiis æque ac tormentis superatis, Martyrii palmam tunc fuerint consecuti, quorum *corpora* sicut ubique *requiri curabat*, ita *sepelire ipse* Pontifex humilis ac Religiosus *non dedignabatur*.

Tot pro servandâ ac propagandâ Religione christianâ exantlatis laboribus, tot sustentis angustiis, pluribusque institutis Episcopis, Presbiteris ac Diaconibus; (a) ac superato jam exilio teste Anastasio (b) Stephano jam nihil supererat, quàm tandem illam pro ovibus animam ponere, quam perdere pro illis nunquam timuerat, cruentoque sacrificio se se victimam Deo placentem offerre, qui incruentis toties se se immolaverat: hoc unum Stephano restabat ardentissimæ erga Deum, & homines suæ charitatis præbendum specimen: hoc unum pulcherrimum Deo, & hominibus dandum à Pontifice maximo spectaculum; Stephano datur occasio, occasione Stephanus non defuit; pro Christo, pro grege moritur qui pro Christo, pro grege semper vixerat; quemque tot Sudoribus sibi creditum agrum irrigaverat, suo etiam sanguine secundari non recusat, gloriosoque Martyrio sanctissimæ ac laboriosissimæ vitæ finem imponit.

Cum enim Valerianus imperator accepisset Stephanum  *suis persuasionibus atque adhortationibus* populo ab idolatriâ revocando incumbere, missis militibus illum comprehendit; comprehensum Pastorem *Christianorum plurimi sequebantur à longè cum lacrymis*; ad tyranni tribunal adductus palàm confitetur *Christum Jesum filium Dei Deum esse cum Patre & spiritu sancto*; Valeriano liberè declarat *dæmonia* esse quæ à Paganis *adorbantur idola*, seque Romanos *monere atque hortari, ut illis decre-*

(a.) Catalogus R. Pontif. 6. seculi & Anastasius Bibliot. ad vitam S. Stephani.

(b.) Ibidem.

*litis ad Deum vivum & verum Creatorem cali & terra redirent.* Auditum Stephanum jubet Imperator in sanum Martis deduci, ubi, si illi sacrificare noller, capitis sententiâ puniretur; sanctus Pontifex ibi *levatis ad cælum oculis* orationem ad Deum coram omnibus effundit; ac repente de cælo tactum est delubrum & idolum, & magnâ ex parte corruit, quod cernentes milites pavefacti fugerunt, Stephanus verò suis comitatus ad sanctæ Lucinæ cimiterium se recipit, ibique fidelibus *ut bonus Pastor multis consolationibus, atque exhortationibus* ad Martyrium accensis *obtulit sacrificium Deo omnipotenti.* Hæc audiens Valerianus milites rursus ad eum capiendum mittit, qui Stephanum inveniunt sacrificium Deo offerentem, qui *intrepidus & constans ante altaris solemnia & jugiter capta perficiens eodem loco, sic in suâ decollatus est sede (a) sub die quarto nonarum augustarum.* Factus est autem maximus Christianorum planctus, qui talem Pastorem cum gloriâ Martyrii pramiserunt ad caelestia regna. Sepelierunt autem ejus corpus cum ipsâ sede sanguine ejus *compersâ* in eâdem cryptâ, quæ est in cimiterio Callixti viâ appiâ.

Hæc S. Stephani Romani illo nomine primi Pontificis viræ coronides. Hæc præcipua gesta inclyti illius fidei apostolicæ defensoris, quem universa Ecclesia tanquam Martyrem gloriosum jugiter coluit & colit, Latina quidem die 2. Augusti, Greca verò eodem die, vel sequente, vel etiam 30. Augusti & 7. Septembris, ut videre est in diversis Græcorum fastis apud Bollandi continuatores ad diem secundam Augusti, huic porrò

(a) Stephani Martyrium Capitis amputatione fuisse consummatum præter Stephani acta tradunt Anastasius Bibliot. in vitâ Stephani, Martyrologium Romanum, Martyrologia Adonis, Uluardi & Norke-rii, Græcorum Menologia, Græcorum Mænea, Menologium Basilii Imperatoris; Metaphrastes apud Lypomanum, S. Petrus Damianus sermone 18. de Stephano, Platina in vitâ Stephani, Martyrologium Gallicanum, uno verbo qui ex Veteribus omnes Stephani morti describendæ vacarunt, quorum nemo aliud mortis ge-

nus ipsi affingit. Hæc antiquissima, hæc una de Stephani morte hæcenus ecclesiasticarum omnium traditio, cui potius luberibendum esse puto, quam Tillemontio sine teste, sine probatione temerè conji- ciendo effluentem in notis ad S. Stephanum, ipsum obisse in carcere, vel exilio vel alio modo minus glorioso, non autem per judicis sententiam aut manu Persecutorum, quod verum tunc temporis perfectumque Martyrium reputabatur, ita Tillemontius pro suo ad conciliandam Stephano venerationem studio,

Ecclesiæ judicio de Stephani Martyrio tota suffragatur antiquitas.

Stephanum enim *Martyrio* fuisse *coronatum*, *Martyrem* fuisse veterum nullus negavit unquam, aut dubitavit; testantur verò germana Stephani acta, ut vidimus, Martyrologium S. Hieronymi apud Florentinum, missale Ambrosianum, liber Pontificalis sub nomine Damasi Papæ apud Labbeum, S. Gregorii liber Sacramentorum, Martyrologium Romanum vetus octavo circiter sæculo conscriptum, S. Paulus R. Pontifex in suo diplomate pro translatione reliquiarum S. Stephani; Anastasius Bibliothecarius, ubi de Stephano; venerabilis Bedæ Martyrologium, Mænologia & Mæna Græcorum, Mænologium etiam Basilii Imperatoris; Martyrologia Adonis, Ufuardi, Notkerii apud Canisium, Rabanus Archiep. Moguntinus in suo Martyrologio. Waldebertus, Ordericus vitalis in lib. Eccl. Histor. Metaphrastes apud Lypomanum, S. Petrus Damianus fermone 38. de S. Stephano, hodiernum Martyrologium Romanum, Martyrologium Gallicanum, &c. Id pariter confirmant sacra & pervetusta plurium in Italiâ, Siciliâ, Hispaniâ, Germaniâ, Lotaringiâ, Belgio Ecclesiarum monumenta, in quibus fit mentio reliquiarum S. Stephani *Papæ & Martyris quæ ibidem cum magnâ veneratione asservantur*. Una tandem omnium de Stephani Martyrio hæcenus erat sententia, quando Neotericos quosdam ætate nostra non puduit Stephani Martyrium vetustissimis tot per Ecclesiam universam testimoniis assertum in dubium revocare, eò quod S. Augustinus & Vincentius Lirinensis nil de Stephani Martyrio scripserint, & in uno antiquo privati cujusdam Calendario Stephanus Martyris titulo non decoretur, & tandem quia S. Pontius in vitâ S. Cypriani Xistum Stephani successorem vocaverit *bonum & pacificum sacerdotem ac Beatissimum Martirem*, ex quo inferunt arguti Pontium his verbis voluisse Stephanum perstringere, ac negare eum fuisse beatum Martyrem, quæ Neotericorum pro abjudicando Stephani Martyrio argumenta, seu potius misera perturbati animi ludibria exponere jam est refutare: qui



plura ac magis testata & illustrata de Stephani Martyrio desiderat, consulat inter alios Odoacrum Ilbadium in actis SS. Martyrum vindicatis Romæ an. 1723. excusis lib. 5. cap. 6. & 7. ac præcipuè eruditos Bollandi continuatores ad diem 2. Augusti, quorum laboriosis inquisitionibus non parum adjutos nos hîc fuisse, memores & grati, candidè ac libenter agnoscimus & declaramus.

---

APPENDIX AD VITAM S. STEPHANI ROMANI

*Pontificis & Martyris, in quâ ipsius contra S. Ciprianum aliosque rebaptisantes agendi ratio veterum testimoniis à quorundam Neotericorum calumniis vindicatur.*

**S.** Stephanus, ut vidimus, in causâ baptismatis hæreticorum Cypriano, Firmiliano, aliisque rebaptisantibus præcepit, ne antiquam hæreticos sine iterato baptismo recipiendi mutarent Ecclesiæ traditionem, illisque denunciavit se se ab illorum communione discessurum, si in suâ sententiâ persistenter.

Qui cæco in Romanos Pontifices odio abrepti illorum actis vituperandis ac diffamandis potissimum incumbere videntur, Neoterici nimirum, quos impugnamus, hanc Stephani contra rebaptisantes agendi rationem vellicare, & quo possunt dente carpere non cessant: duram, intempestivam, præcipientem, & iniquam esse vociferantur. Stephanum præcipiendo ac excommunicationis minas intentando & suæ potestatis limites prætergressum fuisse, & immoderatæ ac iniquæ severitatis specimina dedisse contendunt, Stephani zelum damnant tanquam ad omnia devastanda unicè conducibilem; verbo dicam, sanctissimum Pontificem impotentioris dominatûs tumidique fastus, imò Tyrannidis & Ecclesiarum oppressiōis insimulare non erubescunt.

Verùm quàm sanè diversum SS. Patrum ac veterum omnium de Stephano iudicium, quàm validum ad vindicandam ab iis calumniis æquam & sapientem Stephani contra rebaptizantes agendi rationem.

10. Enim perlegantur veterum omnium cùm Græcorum, rùm Latinorum, qui res peractâ ac serenâ mente considerabant monumenta. Perlegatur strenuus ille Ecclesiæ traditionum vindex Episcopus Cypriano coævus, cujus modestia & humilitas nomen nobis invidit, in suo qui incipit: *non debere denuo baptizari, &c.* tractatu, (a) Consule Dionysium Alexandrinum, Eusebium Cæsariensem, Hieronimum, Augustinum, Vincetium Lyrinensem, Facundum Hermianensem, V. Bedam, Nicephorum Calixtum, Georgium Syncellum; volvantur & ipsorum Donatistarum scripta, & si qui sunt alii, qui de agitatâ Stephanum inter & Cyprianum circa hæreticorum baptismâ questione verba fecerint; hi profectò quid hinc & indè in hoc dissidio gestum fuerit non ignorabant, sicuti notum omnibus erat Stephanum in hac causâ præcepisse ac minas excommunicationis rebaptizantibus intentasse, ita ex illis quamplures id passim testantur; attamen nemo Stephanum non dico inhumanitatis aut tyrannidis, sed vel minimæ severitatis erga Cyprianum, & alios insinuat, nemo aliquid in Stephani agendi ratione deprehendere valuit, quod ullâ censurâ vel animadversione dignum sibi videretur. Et certè si tale aliquid observassent memorati scriptores, illud profectò minimè suppressissent, nec

(a) Tractatus qui incipit his verbis: *Non debere denuo baptizari qui semel in nomine Jesu Christi sunt tincti* ex concessione Jacobi Sironi primùm à Nicolao Rigalio editus post Cypriani ad Pompeianum Epistolam, deinde à Philippo Labbeo tom. 1. Conciliorum; postea ab Anglis Cypriani operum editoribus inter opuscula Cypriano vulgo adscripta. Anonymum licet habeat autorem, magnam tamen apud eruditos obtinet auctoritatem. Si enim auctor scriptum attendas, in controversiâ baptismatis hæreticorum Ecclesiæ causam contra Cyprianum episcopus affectas viriliter propugnabat, si eius personam & antiquitatem, erat Episcopus Cypriano Coævus

ut merito observant ex ipsis Gallis Tillemont. Hist. Eccl. tom. 4. pag. 152. & 629. Fleuriacus Hist. Eccl. tom. 1. lib. 7. cap. 31. pag. 178. Dupin. Bibl. Eccl. tom. 1. pag. 531. Natalis Alexand. Hist. Eccl. tom. 3. pag. 691. & tom. 5. pag. 488. & 495. Turnelius de Sacramentis pag. 375. Baillet in vitis Sanctorum ad diem. 2. Augusti pag. 20. Defensor declar. Cleri Gallic. 1682. tom. 2. pag. 266. P. Gervasius in vitâ S. Cypriani pag. 412. & seq. D. Marand in Baloziana Cypriani operum editione præfat. pag. 126. D. Cellier benedict. Histor. Sacrorum autor. tom. 3. pag. 134. & alii quamplures.

Stephano magis quàm Cypriano, cujus tanta agnoscebant & prædicabant merita, pepercissent, in quo tamen fuisse aliquid culpandum aliquid corrigendum manifestare veriti non sunt. Quanta apud veteres Cypriani existimatio? Quot Cypriani Panægiristæ? Quot Cypriani defensores? innumeros ferè con-  
 gessit Launoius; (a) illorum tamen nec unus Cypriano intempestivam & minùs rectam pronuntianti Stephani agendi rationem suffragatur, nullus Cypriano hâc in parte adstipulatur, nullus Cypriani sequitur judicium, nullus Cyprianum eam ob causam excusat, quòd Stephanus in ipsum severiùs se se gesserit. Quantum Augustini in elevandis ac minuendis Cypriani erratis studium? Quantus ardor? Quanta propensio? Nulli tamen adoptat, quæ Cyprianus pro sui defensione contra Stephanum effuderat, nulli intempestivum subindicat Stephani zelum, ut nimia Cypriani in ipsum commotionis culpam imminuat. Uno verbo veterum nemo intempestivam aut severam, aut minus sapientem dixit Stephani adversùs rebaptisantes agendi rationem, nullus in Stephano aliquid reprehendendum invenit. Quì autem Stephani agendi rationem velicassent aut improbassent illi qui ipsam, quando opus fuit, celebrare ac commendare non omiserunt, ut modò videbimus?

II. *Graviter* revera Cypriano succensebat Stephanus, (b) quando ipsi præcepit ac denuntiavit se ab illius communione discessurum si in sua sententiâ persisteret; at de hâc *gravi* Stephani *succensione* quid putarunt tot per orbem universum Episcopi, qui pro sanâ Ecclesiæ doctrinâ cum ipso contra rebaptisantes militabant? Illamne credebant incongruam aut intempestivam? Numquid in eo tantum Stephano suffragabantur, quod antiquam Ecclesiæ traditionem teneret, non verò in eo quod graviùs Cypriano aliisque rebaptisantibus succenseret? Id quidem excogitarunt recentiores nonnulli; at nemine antiquorum refragante testatur Augustinus totam illam Episcoporum multitudinem cum Stephano non tantum Baptismum Christi in

(a) Epist. ad Bevilaquam 15.

(b) Augustin. lib. un. contra Petilian. cap. 14.

nullo iterandum esse censente, sed & hoc facientibus graviter succensente sensisse: libro enim de uno baptismo contra Petilianum cap. 14. *Stephanus inquit baptismum Christi in nullo iterandum esse censabat & hoc facientibus GRAVITER SUCCENSEBAT; Cyprianus autem in heresi vel Schismate baptizatos tanquam non habentes baptismum Christi baptizandos in Ecclesiâ Catholicâ existimabat: multi cum illo, quidam cum isto etiam sentiebant.* Quot autem cum Stephano fuerint qui multi hîc ab Augustino dicuntur, significat ipse scribens contra Cresconium lib. 3. cap. 3. *proinde inquit si omnino jam credendum sit quinquaginta Episcopis Orientalium id visum esse, quod septuaginta Afris vel aliquando etiam pluribus contra tot millia Episcoporum quibus hic error in toto orbe displicuit.*

Ante Augustinum tradiderat S. Dionisius Alexandrinus Stephani iudicium, quo volebar rebaptizantes, qui in suâ sententiâ persisterent excommunicandos esse, fuisse simul iudicium & sententiam reliquorum Episcoporum, teste Eusebio lib. 7. histor. cap. v. apud Valesium: *ad hunc ( Xistum R. Pontificem ) Dionisius secundam de baptismo scripsit Epistolam, in qua Stephani simul & reliquorum Episcoporum sententiam ac iudicium exponit; quale autem fuerit Stephani, quod simul reliquorum erat Episcoporum iudicium, quæ immediatè sequuntur hæc manifestant verba: de Stephano ita scribens; antè quidem litteras scripserat de Heleno & Firmiliano, de omnibus denique sacerdotibus per Ciliciam, Cappadociam, cunctasque finitimas provincias constitutis se se ob eam causam: ab illorum communione discessurum quod hæreticos rebaptizarent.*

Idem testatur & Nicephorus Callixtus his verbis: *ad Xistum secundam de baptismo Epistolam Dionisius dedit Stephani & reliquorum iudicium in eâ ostendens, scripserat namque prius de Heleno & Firmiliano se cum illis non communicaturum eam ipsam ob causam quod hæreticos rebaptizarent. ( a )*

Vincentius etiam Lirinenfis Stephanum Cypriano restitisse

tradit, nec ignorabat quo pacto Stephanus restitisset, præcipiendo videlicet, ac minas excommunicationis intentando, quandoquidem Stephani ad Africanos Epistolam refert; (a) attamen huic Stephani intercessioni ceteros undique complauisse Præfules affirmat his verbis: *Stephanus Apostolica sedis Antistes cum ceteris quidem collegis suis, sed tamen præ ceteris restitit.* (b)

III. Censuit S. Stephanus rebaptisandos non esse hæreticos, insuper arbitratus est Cyprianum aliosque rebaptisantes non esse ferendos, ideòque se se ab illorum communione discessurum, si persisterent, scripsit. Quid Ecclesia? Stephani sententiam in utroque probavit & tenuit: *beatus Stephanus*, inquit. Facundus Hermianensis Episcopus lib. contra Mocianum, *continuo Cypriano denunciavit quòd si hoc auderent* (hæreticos rebaptizare) *ab Ecclesiâ pellerentur; & Stephani potius quàm Cypriani sententiam tenet Ecclesia, non solum de non rebaptisandis hæreticis, VERUM ETIAM DE REBAPTISANTIBUS NON FERENDIS.* Damnetur igitur Stephanus à Neotericis, Tyrannus & immanis Ecclesiarum oppressor ab ipsis vocetur, quia rebaptisantes non esse ferendos censuit; graviore absolvetur iudicio, ab ipsâ Ecclesiâ vindicabitur, quæ illius sententiam *etiam de rebaptisantibus non ferendis* tenuit & probavit.

IV. Stephani ad Cyprianum rescriptum, in quo præcipiebat antiquam servari consuetudinem, superbum profectò, vel injuriarum plenum, aut Cypriano contumeliosum nec censuit omnium Ecclesiarum Mater & Magistra Romana Ecclesia, quæ illius rescripti memoriam tanquam S. Stephano gloriosissimam quot annis die 2. Augusti proponit in Breviario Romano his verbis: *baptizatos ab hæreticis iterum baptizari vetuit* (S. Stephanus) *rescribens S. Cypriano verbis illis: nihil innovetur nisi quod traditum est.*

V. De Stephani rescripto quid censuerit Episcopus Anonymus, qui Cypriani novitatem tunc temporis impugnavit, ipse nobis aperit his verbis, *in quo genere questionis* (de baptis-

(a) Commonit. cap. 9.

(b) Ibid.

mo hæreticorum) *ut mihi videsur, nulla omnino potuisset controversia aut disceptatio emergere, si unusquisque nostrum contentus venerabili Ecclesiarum omnium autoritate & necessariâ humilitate nihil innovare gestivet.* (a) Cedo, an non satis apertè hic laudat S. Stephani præceptum illud: *NIHIL INNOVETUR?* Idquè non ut suo tantum judicio justum, sed & *venerabili Ecclesiarum omnium autoritate* ita comprobatum, ut *unusquisque necessariâ* pollens *humilitate* illi acquiscere contentus ac modestus debuisset? Sanè (erudiri viri verbis utor) nihil in mandante carpit, qui solam in subditis *humilitatem* desiderat & quidem *necessariam*; imò tantum illius æquitatem extollit, quantum horum contumaciam carpit, dum istos *inanis gloria audacia, temeritatis, &c.* accusat, ut in ipso tractatûs aditu videri potest. Si ergo Episcopo, quæ fuisset oculis observabantur referenti fides adhibenda, vides Cypriano aliisque rebaptisationis novitatem introducentibus adversam tunc fuisse *venerabilem Ecclesiarum omnium autoritatem*. Quia nimirum Stephani præcipientis autoritatem omnes illæ Ecclesiæ assentiendo & approbando suam fecerant Ex quo patet Stephani præceptum justum, æquumque illis omnibus Ecclesiis visum fuisse. Quare etiam Cypriano tanta juxta autorem nostrum nil in causâ baptismatis Hæreticorum innovandi *humilitas* erat *necessaria*, nisi quia Stephanus præceperat, ne aliquid in eâ questione innovaretur? Ex quo iterum apparet quanta fuerit apud citatum autorem lati à Stephano præcepti vis ac æquitas.

VI. Nec Stephanum quòd rebaptisantibus excommunicationem comminatus fuerit improbabant Nobiles duo Ecclesiæ Romanæ Presbyteri Dionysius, & Philemon, qui teste Dionysio Alexandrino hoc idem cum Stephano sentiebant: *antea quidem* inquit Dionysius Alexand. apud Euseb. lib. 7. hist. cap. 5. *litteras scripserat* (Stephanus) *de Heleno & de Firmiliano aliisque Orientalibus se se ab illorum communione disces-*

(a) In tractatu qui incipit his verbis: *Non debere denuò, &c.* jam supra citato.

*surum, quod Hæreticos rebaptisarent. At vide, quæso, gravitatem negotiî; revera enim in maximis, ut audio Episcoporum conciliis, decretum est, ut qui ab Hæreticis ad catholicam Ecclesiam accedunt primum Cathecumeni fierent ac deinde veteris & impuri fermenti sordibus per baptismum purgarentur. De his omnibus ego ad illum Epistolam misi rogans atque obtestans, sed & carissimis inquit fratribus compresbiteris nostris Dionysio & Philemoni qui prius IDEM CUM STEPHANO SENSERANT, de quæ iisdem rebus ad me scripserant, scripsi. Dionysium & Philemonem Stephano rebaptisantibus excommunicationem minitanti suffragatores fuisse testimonio Dionysii Alexand. refert etiam Nicephorus Calixtus: (a) quanti autem ponderis sit Philemonis & præsertim Dionysii Romani pro Stephano suffragium satis ostendunt, quæ SS. Patres ac præcipuè S. Basilii (b) & Atanasii (c) pro celebrandâ Dionysii Romani fidei integritate, Doctrinâ, eruditione, sapientiâ aliisque virtutibus cumularunt elogia, satis ostendunt quæ Eusebius post Dionysium Alexandrinum de illo nobis tradidit lib. 7. hist. cap. 7. his verbis: hunc ipsum Dionysium Romanum eruditissimum (adhuc Presbiterum) planèque admirandum virum fuisse testimoniis Dionysii Alexandrini licet cognoscere; ac tandem ex eo dignosci etiam potest, quod Petri Cathedram post Xistum II. occupare meruerit.*

VII. Dionysius Alexandrinus ad Stephanum per litteras sequester accessit quidem *rogans atque obtestans* ut à ferendâ excommunicationis sententiâ abstineret, idèoque ne quod ipsis interminatus fuerat, *se se* nimirum *ab illorum communione discessurum*, executioni demandaret. Fusas à Dionysio preces Stephani voluntati consonas fuisse constat ex Augustino, qui sæpius testatur Stephanum cum Cypriano pacem & charitatem conservasse & consequenter intra solas excommunicationis minas stetit nec ulterius progressum fuisse. (d) At intempestivas

(a) Hist. lib. 6. cap. 7. apud Fronton. duc. pag. 108.

(b) Epist. 220.

(c) de Synod. pag. 218.

(d) Lib. 5. de bapt. cont. donat. cæp. 25. & aliis in locis supra citatis.

fuisse has Stephani minas nullatenus asserit Dionysius, & profecto si tales illas existimasset eâdem libertate, quâ ipsi significabat executioni non esse demandandas, ipsi pariter aperuisset imaturas ac minùs æquas fuisse, idque eò magis, quòd si adversariis nostris credimus, rebaptisantibus ipse suffragabatur; imò iustas æquè ac providas illas Stephani minas sibi visas esse satis indicat, cum solis precibus illarum executionem avertavere tentaverit.

VIII. Eusebius Cæsariensis qui ex Dionysio perceperat & in suâ Historiâ inseruerat Stephanum rebaptisantibus significasse *se se ab illorum communione discessurum*, rectè scribit *gravissimè* ipsum *tulisse*, aliquid à Cypriano, aliisque circa Hæreticorum baptismum innovari. At nedum Stephanum aliquatenus reprehendat quòd id *gravissimè tulerit*, eam assert huiusce Stephani agendi rationis causam, quæ illius æquitatem apprimè demonstret. Stephanus enim juxta Eusebium id gravissimè tulit; quia ratus fuerat nil adversus antiquam Ecclesiæ traditionem esse innovandum: Cyprianus inquit lib. 7. hist. cap 3. *non nisi per baptismum ab errore prius emundatos admittendos esse censuit. Verum Stephanus nihil adversus traditionem qua jam inde ab ultimis temporibus obtinuerat innovandum ratus, gravissimè id tulit.* Quid portò æquius ac sapientius novitatem antiquæ Ecclesiæ traditioni contrariam gravissimè fere.

IX. Quid etiam de Stephano senserit S. Hieronymus percipitur ex suo adversus Luciferianos Dialogo, in quo non semèl de exortâ S. Stephanum inter & S. Cyprianum in causâ baptismi Hæreticorum concertatione meminit. Ibi ergo *Stephanum à Cypriano laceratum* fuisse scribit, at Cyprianum à Stephano minùs benè habitum sicuti non censuit ità nec tradidit; imò Stephani constantiæ ac zelo adscribit, quòd irriti fuerint Cypriani pro mutandâ antiquâ Ecclesiæ traditione conatus, *Conatus est inquit beatus Cyprianus contritos lacus fugere ac bibere de aquâ alienâ & idcirco Hæreticorum baptismum reprobans ad Stephanum tunc Romane urbis Episcopum super hac re Africanam Synodum direxit, sed conatus ejus frustra fuit.*



Atque adeò frustra rebaptisantes Stephanum rogarunt, ut juxta S. Doctorem suum errorem deposuerint & antiquato veteri novum emisserint decretum, pergit enim: *denique illi Episcopi (Africani) qui rebaptisandos Hæreticos cum eo (Cypriano) statuerant ad antiquam consuetudinem revoluti novum emisere decretum.* En quid lucrati sint Africani ad Stephanum confugientes. An quæso Stephani in Africanos agendi rationem vituperare potuisset Hieronymus, ex quâ tantum Africani ac universa Ecclesia lucrum percepissent? Tandem concludit S. Doctor post verba modò citata *quid facimus? Ita & nobis majores nostri, & illis suis tradidere majores.* Ex quibus Hieronimi verbis, intelligis imitandum ab ipso luciferianis proponi Stephani zelum ac studium in conservandis ac posteritati transmittendis, quæ ipse à suis majoribus acceperat, ex quo rursus colligitur quàm fuerit alienus S. Doctor ab illorum sententiâ, qui Stephani zelum traducunt, ut præcipitem, ac ad omnia devastanda unicè idoneum.

X. Pro Cypriano defendendo ac excusando proniorem ac illustriorem Augustino neminem ostentat antiquitas, quot in eo fuerint Augustini conatus, qui zelus, qui ardor, quæ facundia atque constantia, solus ignorat qui in ipsius scriptis hospes omninò sit; apprimè noverat S. Doctor, qui ipse tradebat Stephanum Cypriano in causâ baptismatis Hæreticorum præcepisse (a) ac ipsum abstinendum putasse. (b) Legerat & Cypriani ad Pompeium Epistolam, in quâ Stephani præceptum & excommunicationis minas acriter perstringebat, ac illud quidem seu intempestivum & inconsideratum, istas vero seu minùs æquas acriùs exagitabat. Quare ergo Cypriano Stephani agendi rationem reprehendenti non assentitur. Quare Cypriani Stephano præcipienti inobsequentiam non excusat, quòd intempestiva ac minus æqua in ipsum fuerit Stephani agendi ratio? Totus minuendis ac elevandis Cypriani erratis vacabat Augustinus. Nihil novi dixisset hanc excusationem

(a) Lib. 5. de bapt. cap. 23.

(b) Ibid. cap. 25.

obiter dicam, nuperi aliqui protulerint Augustinum præcipuam Cypriani sanctitatem in modo, quo adversus Stephanum se se gessit constituisse, viderint ipsi, nobisque patefaciant; quasi verò tot alia Cypriani præclarissima gesta ad eximiam, quam apud Deum & homines obtinuit sanctitatem firmandam ac constituendam minimè sufficerent. In expendendis sanctorum virtutibus expendantur sanctorum testimonia, ad sanctos potissimum spectat sanctorum vera discernere merita, eorumque præconia celebrare; sanctissimi igitur Cypriani merita ex sanctissimo pariter Augustino liceat dignoscere, nil æquius: at, quæ in Cypriano non probavit, sed potius velo charitatis & silentii obvolvenda censuit Augustinus, veridici dicamus ab ipso non adeò fuisse laudata, ut in illis præcipua Cypriani sanctitatis fundamenta locaverit.

Ex Augustino rursus percipere lubet, quæ fuerit editi à Stephano præcepti æquitas, & an meritò ipsi restiterit Cyprianus. Etsi Augustinus, ut modò videbamus, retractare se nolle ac præterire melius esse profiteatur, quæ Cyprianus in Epistolâ ad Pompeium *irritatus* in Stephanum *effuderat*, quædam tamen ex illâ decerpere ac referre voluit, quæ maximè apta erant ad probandam conditi à Stephano præcepti æquitatem, & culpandam Cypriani inobtemperantiam, in quo mirari satis non possumus Augustiniani vim ingenii ac mentis perspicaciam, cui vel ipsa Cypriani documenta suffecerint ad demonstrandam ipsius resistantiæ labem. Cum enim Cyprianus Stephani præceptum ægrè ferens in citatâ ad Pompeium Epistolâ dixisset *Episcopum docibilem esse debere, & non tantum docere, sed & discere illum oportere*, hæc Cypriani verba refert atque probat Augustinus; (a) at alio sanè quàm Cyprianus spiritu & scopo, Cyprianus enim Episcopum docibilem esse debere dicebat, ut ostenderet Stephanum præcipere tantum ac docere non debuisse, sed etiam discere ac aliorum rationibus docibilem se se præbere; Au-

(a) Lib. 1. de bapt. cap. 26.

gustinus contra illâ Cypriani sententiâ utitur, ut ostendat non Stephanum Cypriani argumentis, sed Cyprianum Stephani præcepto docibilem esse debuisse, *quia* inquit recitato illo Cypriani effato, *sicut multa erant qua doctus Cyprianus doceret, sic erat & aliquid quod Cyprianus docibilis disceret*. Quo ergo in negotio Cyprianus Stephanum, Augustinus Cyprianum docibilem voluit. Quid hoc significat nisi Cyprianum juxta Augustinum Stephano docenti & præcipienti docibilem esse debuisse, ex quo patet Stephani præceptum æquissimum Augustino visum fuisse.

Cum autem Augustino potissimum insistant adversarii nostri, vicio nobis non dabitur si in ipsius mente exponendâ paululum immoramur. Quot fuerint in excusando Cypriano S. Doctoris ambages quot angustiae, ostendunt diversae illae ac perplexae, quas pro ejus defensione adduxit rationes. Modò enim contendit dubitari posse an Cyprianus rebaptisandos Hæreticos esse senserit, ac sæpius conatur etiam aliorum testimonio ipsius errorem dubium reddere (a). Modò contendit ipsum, si ita sensit, hunc errorem correxisse (b). Modò tradit Cyprianum si revera noluit baptismum apud Hæreticos, ut Stephanus docebat agnoscere, id suae charitatis ubertate ac suae passionis falce purgasse: (c) hæc omnia quid aliud manifestant quàm Pontificii præcepti æquitatem? Si enim Stephanus præcipiendo æquitatis ac potestatis suae limites excessit, nec illi cedere debuisset Cyprianus, ut quid pro istius defensione indagandum Augustino fuisset, utrum correxisset suam sententiam nec ne? Cum illam revocare ac corrigere non teneretur? Præterea Cyprianus in eo juxta Augustinum peccavit, quòd *noluit agnoscere baptismum apud Hæreticos*: peccatum enim fuisse quod charitatis ubertate ac falce passionis purgandum erat, nemo dubitat, at profectò in eo non

(a) Lib. 1. de bapt. cap. 31. 33. 34. & 38. lib. 4. de bapt. cap. 17. lib. 1. contra Cresconium cap. 32. Epist. ad Macrobius nos. Epist. ad Vincendum Rogat. cap. 10.

(b) Lib. 1. de bapt. cap. 4. & 5. lib. 2.

contra Crescon. cap. ult. Epist. ad Vincendum Rogat. cap. 10.

(c) Lib. 1. de bapt. cap. 18. lib. de unico bapt. contra Petilian. cap. 13. Epist. ad Vincent. Rogat. cap. 10.

peccasset Cyprianus, si Stephano præcipienti agnoscendum esse baptismum apud Hæreticos obtemperare non tenebatur; quam in rem quasdam recentiorum hallucinationes aperire non piget, nec inutile videtur. Alii contendunt nihil Cypriano in hac cum Stephano concertatione excidisse, quod aliquâ reprehensione dignum Augustino visum fuerit, imò affirmant Cyprianum in modo quo se se gessit adversus Stephanum maximè ab Augustino commendari, quorum sententiam vel referre jam est refutare. Consultiores alii duo in Cypriani agendi ratione distinguunt, quòd nempè Stephano restiterit, & quòd nonnulla in Stephanum effuderit, quæ moderationem ac mansuetudinem Christianam minùs saperent. Id ultimum ab Augustino reprehendi asserunt, non verò primum. Pace istorum dixerim Augustini scripta vel satis non voluerunt, vel ipsa satis non attendere; inscitè vel incautè profectò hallucinantur.

Enim vero S. Augustinus in Cypriano non solum ea reprehendit, quæ minùs temperanter in Stephanum effudit, sed etiam quòd ipse aliter ac Stephanus in hac quæstione senserit, quòd noluerit, ut Stephanus præceperat, baptismum apud Hæreticos agnoscere, id etiam præter ea, quæ in Stephanum *irritatus effudit*, charitate & Martyrio à Cypriano purgatum affirmat Hipponensis Episcopus. Attentæ jam Augustino præbeantur aures *Cyprianus* inquit in Ep. ad Vincentium Rogat. c. 10. *aut non sensit omninò quod eum sensisse recitatis* (apud Hæreticos non eliè Baptismum) *aut hoc postea correxit in regulâ veritatis, aut hunc quasi navum sui candidissimi pectoris cooperuit ubere charitatis.* Hic juxta Augustinum non quæ in Stephanum *irritatus effudit*, sed quod aliter ac Stephanus circa Hæreticorum baptismum sensit Cyprianus, illud est quod *ubere charitatis cooperuit.* Et lib. 1. de bapt. cap. 18. *quod ergo, inquit, ille vir sanctus* (Cyprianus) *de baptismo aliter sentiens quàm se res habebat, quæ postea pertractata & diligentissimâ consideratione firmata est, in Catholicâ unitate permansit, & charitatis ubertate compensatum est & passionis falce purgatum:* hoc juxta Augu-

tinum charitatis ubertate compensavit. Hoc passionis *falce* purgavit Cyprianus nimirum *quòd aliter, quàm se res* ut Stephanus docebat *haberet*, circa Hæreticorum Baptisma *sensiebat*. Preterea cum Petilianus Donatista Cypriani auctoritatem urgeret, qui Hæreticos ad Ecclesiam redeuntés sinè Baptismo non esse recipiendos statuerat: *O quam*, exclamabundus respondet Augustinus, *detestandus est error hominum qui clarorum virorum quadam non rectè facta laudabiliter se imitari putant, à quorum virtutibus alieni sunt, sic enim & nonnulli Petro Apostolo comparari se volunt, si Christum negaverint, si verdè etiam gentes judaizare cogerint vocitari Germani ejus affectants* HÆC IN ILLO TANTO VIRO REPREHENSIBILIA FUERUNT, *sed tanta eminuit Apostolicà gratià ut continuò deleverentur...* SIC ET IN MARTIRE GLORIOSISSIMO CYPRIANO: *Si apud Hæreticos, vel Schismaticos datum Christi Baptismum volebat agnoscere, tanta ejus merita usque ad triumphum Martyrii consecuta sunt, ut & charitatis quā exellebat luce, illa obumbratio fugeretur.* (a) Vides ex Augustino in Cypriano hoc fuisse reprehensibile, quod noluerit quemadmodum ipsi præceperat Stephanus agnoscere Baptismum Christi apud Hæreticos & Schismaticos datum; hæc juxta Augustinum ipsa fuit Cypriani quædam obumbratio quæ suæ charitatis luce *fugari* debuit.

Tandem ne morosiores simus in percurrendis omnibus quæ his respondent Augustini locis, (b) unum & solum, jam citatis adhuc subnectimus petiitum ex lib. 2. cont. Gaudenrium donat. cap. 8. *absit autem*, inquit, *ut quoniam Beatissimus Cyprianus de Baptismo aliter sensit, quàm veritas & antea consuetudine, & postea perspecta diligentius ratione monstravit, propterea quisquam nostrum qui hoc quod ille, non sapimus ei se audeat antepone-re.* Cetera enim multa & magna ejus merita & animus præcipuà charitate plenissimus, per quem cum Collegis diversa sentientibus pacatissimus mansit & in unitate

(a) Lib. de Un. Baptis. contra Petilianum cap. 13.

(b) V. lib. 3. de Bapt. cap. 19. Epist. ad Macrobius 108. cap. 3. &c.

*Ecclesia passio gloriosa satis ostenderunt eum fuisse Sarmen-  
tum in Christi radice fructuosum, quod Pater etiam ab istâ  
reprehensione purgaret . . . ostendens etiam in ipsis fructuosus A-  
gricolam qui est in calis aliquid invenire quod purget. Quid  
Clarius ? Quid Luculentius ? Cyprianus juxta Augustinum de  
Baptismo aliter sensit, quàm veritas per os nempe Stephani  
consuetudine tunc monstrabat, at Pater celestis propter ip-  
sius præcipuam charitatem & passionem gloriosam ab istâ  
reprehensione etiam purgavit. Reprehensibilis ergo etiam erat  
Cyprianus quod de Baptismo aliter sentiret ac Stephanus,  
non ergo tantum reprehensibilis erat Cyprianus juxta Au-  
gustinum quod quædam in Stephanum minus moderata ac  
modesta effuderit, sed etiam quod aliter ab ipso de Bap-  
tismo sentiret ac Stephano contra sentiente & præcipiente  
censuerit nullum esse apud Hæreticos Baptisma.*

Hæc si pacati & attenti perpendissent isti recentiores, il-  
lam nunquam excogitassent, quæ solos incautos vel inscitos  
decipere possit distinctionem, quâ nimirum volunt Cypria-  
num in eo quidem ab Augustino reprehendi, quod in Ste-  
phanum aliquâ charitati ac moderationi Christianæ minus  
consona effuderit, non autem in eo quod Stephano refraga-  
nte ac contra præcipiente suam pertinaciter defenderit sen-  
tentiam. Centies obtrudunt, inculcant urgentque Cyprianum  
suam constanter & immotè sententiam propugnasse, licet Ste-  
phanus R. Pontifex contra scripssisset & præcepisset, nec in  
eo ab Augustino unquam fuisse culpatum, quia Stephanus  
moderationis ac suæ potestatis limites excessit, quia soli Ec-  
clesiæ judicio Cyprianus cedere tenebatur. Quid his ego ?  
Sine clamore, sinè strepitu, sinè ostentatione, sed verè,  
simpliciter & breviter dico Cyprianum ad genuinam Au-  
gustini mentem in eo fuisse *reprehensibilem* quod *aliter* ac  
Stephanus *sensit*. Quod *noluerit agnoscere* illud, quod Stepha-  
nus agnosci volebat; *Baptismum* nimirum *Christi etiam esse  
apud Hæreticos & Schismaticos*. Id, inquam, in Cypriano  
reprehendit Augustinus, id *charitate* & quidem *uberi* com-

pensatum ab ipso autumavit, id *falce Martyrii purgatum* ab ipso pronuntiavit. Tale ergo non erat ad mentem Augustini Stephani R. Pontificis praeceptum, cui Cyprianus sine culpâ resistere potuerit. Suam ergo sententiam Cyprianus deponere ac aliter sentire debebat, ut culpandus non esset; non ergo tandem Stephanus juxta S. Augustinum vituperandus, quasi præcipiendo moderationis ac suæ potestatis limites prætergressus fuerit, sed econtrâ arguendus Cyprianus, qui aliter ab ipso sentire voluerit, illique resistere.

XI. Quàm apposita, quàm religiosa, quàm æqua Vincentio Lirinenſi optimo & antiquissimo Gallo visâ fuerint Stephani in Cyprianum gesta, vel ex eo abundè dignoscitur, quòd illa Stephani gesta referat, & adducat gravissimus autor (a) ad probandam hanc Theſim initio capituli propositam: *Mos iste semper in Ecclesiâ viguit ut quò quis foret religiosior eò promptius novellis adinventionibus contraheret.* Verùm disertius, ac luculentius ostendit his verbis: *in Epistolâ qua tunc ad Africam missa est his verbis sanxis (Stephanus) nihil innovandum nisi quod traditum est. Intellegebat etenim vir sanctus & prudens nihil aliud rationem pietatis admittere, nisi ut omnia qua fide à Patribus suscepta forent, eâdem fide filiis consignarentur, nosque Religionem non quâ vellemus ducere, sed potius quâ illa duceret sequi oportere; idque esse proprium Christiana modestia & gravitatis non sua posteris tradere, sed à majoribus accepta servare . . . tunc beata memoria Papa Stephanus Apostolica sedis Antistes cum ceteris quidem collegis suis, sed tamen præ ceteris restitit (rebaptisantibus) dignum ut opinor existimans, si reliquos omnes tantum fidei devotione vinceret; quantum loci auctoritate superabat: (b) hæc de Stephano toti Gallix insonabat piissimus ille ac eruditissimus Gallus Vincentius. Hæc licet Stephano in Cyprianum agenti perhonorifica Francorum nemini tunc nimia vel redundantia videbantur; imò*

(a) Commenitor. cap. 9.

(b) Ibidem.

quia veritati non minus, quàm suæ erga Petri successores innatæ pietati consona libenter audiebat ac Posteris tradebat universa Gallia, atque utinam hæc etiam Launoio placuissent, tot profectò erroribus Vincentium Stephani gesta scribentem non onerasset, ipsique totam in hæc re fidem minimè detraxisset. (a) Verùm Stephano gloriosa nimis erant, quæ Vincentius memorabat, hujusque in exponendis R. Pontificum gestis stylus à Launoii stylo nimis diversus, ut apud Launoium expectatus ac gratosus ille fore deberet, qui modestus, pacatus, Augustino cœvus Stephani præceptum non zelo præcipiti, intempestivo ac impotenti, sed ipsius *sanctitati prudentia* nec non *laudabili* posteris eadem tradendi, quæ à majoribus acceperat studio, ac demum Stephani *fidei* quàm ceteros, ut & loci dignitate, superabat, ac *devotioni* adscribebat.

XII. Prodeat jam nunc insignis & percelebris seculi Sexti Episcopus, qui suspectus videri non possit: sive contra Cyprianum pronuntiet, ut pote Affer, & Cypriani amantissimus, sive pro S. Stephano Pontifice Romano, quippe qui Schismaticus, Facundus nempe Hermianensis. Hic autem Cyprianum à Stephano fuisse culpatum, & quidem intentatâ excommunicatione sciebat & tradebat. (b) Stephano pariter Cyprianum restitisse ac calamum in Epistolâ ad Pompeium in illum strinxisse refert; (c) à Facundo igitur totius rei gestæ perito discamus, an jure, vel injuriâ Cyprianus ita fuerit à Stephano culpatus, & consequenter an meritò ipsi restiterit. Ab ipso perdiscamus etiam, num Cyprianum Stephanus, vel Stephanum Cyprianus injuriosè tractaverit: Cyprianus, inquit breviter, sed apertè, *injuriosè tractans Beatum Stephanum, à quo fuerat jure culpatus*. Hæc in defensione trium capitulorum lib. 10. cap. 3. versùs medium africanus Antistes, qui librò contra Mocianum, ut supra vidimus, (d) affirmabat Stephani sententiam etiam *de rebaptizantibus non ferendis* Ecclesiæ universæ fuisse probatam, à quo

(a) In Epist. ad Jacob. Revilaq. 15. pag. 817.

(b) Pro defensione 3. Capitulor. lib. 10. cap. 3. & libro adversus Mocianum.

(c) Ibidem.

(d) Supra pag. 59.



profecto Ecclesiæ iudicio, cui tota suffragabatur antiquitas cordatus recedere noluit, ne Christianorum omnium indignationem & offensionem incurreret, quòd unus inter veteres & omnium primus Stephani agendi rationem improbare, ac in Stephanum insurgere non erubisset.

XIII. Quæ Cypriano in causâ baptismatis contingere obiter commemorandi nonnulla fuit viro litteris & sanctitate clarissimo venerabili Bedæ occasio; pauca verò, quæ de hac concertatione, nobis etiam tradit eruditus scriptor, sicuti Stephani zelo ac prudentiæ nullatenus officiant, ita etiam illius agendi rationis aequitatem non obscure significant. Scribit enim Cyprianum & suum errorem *correxisse & ad universalem sanctæ Ecclesiæ normam reductum fuisse*. Quâ vero ope, quove præsidio Cyprianus ad universalem Ecclesiæ normam reductus fuerit, explicat vir eruditus, *spiritualium nempe virorum institutione*; sub nomine autem illorum *spiritualium virorum*, quorum *institutione* Cyprianus illud sit assecutus Stephanum aliosque Cypriani adversarios à Beda designari perspicuum est. Quid amplius ad ostendendam Stephani in Cyprianum agendi rationis prudentiam ac aequitatem? Prudentem, aquamve quis neget illam agendi rationem, cui tam utilis tam gloriosus debeat fructus ac exitus? quæ Cyprianum ad universalem Ecclesiæ normam reducere valuerit? En pii scriptoris verba ex libro variarum quæstionum quest. 5. decerpta: *si bona quæ vobis per charitatem operamini, tribuet vobis divina gratia, ut si quid aliter quam decet sapitis & hoc aliquando intelligatis, sicut B. Cypriano contigisse perspicuum est, qui cum suis Coepiscopis qui erant in Africa rebaptisandos esse Hæreticos contra morem Ecclesiæ statuit, sed quia in suo sensu, qui sibi rectus videbatur bonis abundare operibus studuit, mox corrigi meruit, atque ad universalem sanctæ Ecclesiæ normam spiritualium virorum institutione reduci.*

XIV. Quid dicam de Georgio Tarasii Patriarchæ Constantinop. Syncello? Quid de Nicephoro Callixto? Referunt ambo

ambo Stephanum Cypriano restitisse; nec ignorabant modum quo restitit, præcipiendo scilicet atque gravissimas pœnas intentando, id etiam expressè tradit Nicephorus (a); at neuter Stephanum carpit, neuter ullatenus reprehendit, sed ambo Eusebium Cæsariensem secuti eam Stephani agendi rationis causam adducunt, quæ illam non nisi æquam efficiant ac exhibere valeant. Ità enim erga Cyprianum se gessit Sanctus Pontifex juxta laudatos scriptores, quia nil *novi*, nil quod *antiquæ Ecclesiæ consuetudini adversaretur in eam introduci volebat* & curabat. (b)

X V. Apposita, æqua ac opportuna Stephani in rebaptisantes gesta adeò judicârunt Veteres, ut vel ipsis rebaptisantibus, si non illicò, animis ardore disputationis abreptis, saltem non multò post, sedatis jam ac serenis probata fuisse nobis significant, & quidem sic probata, ut suum errorem etiam revocaverint. De S. Cypriano id credi vult S. Augustinus, licet id litteris mandatum se non invenisse fateatur. *Cyprianus* inquit in Epist. ad Vincent. Rogat. 93. cap. 10. *autem sensisse aliter de Baptismo, quàm forma & consuetudo habebat Ecclesia non in Canonicis, sed in suis & Concilii litteris invenitur; correxisse autem istam sententiam non invenitur, non incongruenter tamen de tali viro existimandum est, quod correxerit & fortassè supressum sit ab eis qui hoc errore nimium delectati sunt, & tanto velut patrocinio carere noluerunt.* Augustinus hoc quidem in loco dicit tantummodo *non incongruenter* de Cypriano existimandum esse, quòd suam correxerit sententiam; at lib. 2. de baptismo contra Donatist. cap. 5. tam certum asserit Cyprianum suam revocâsse sententiam, quàm certum est tanti meriti fuisse virum; hinc enim considerans S. Doctor Cyprianum Stephano restitisse, illinc magna contemplatus Cypriani merita, quibus non parùm offecisset ipsius in errore pertinacia; cum in Cypriani litteris hujusce opinionis cor-

(a) Lib. 6. Hist. Eccl. cap. 7.

(b) Nicefor. ibid. Georgius apud Anastasium. Bibl. ad an. 246.

rectionem ac emendationem non invenisset, asseveranter pronuntiat, quod si hanc correctionem litteræ tacerent, ipsius tamen merita testarentur, ac dubiam esse non sinerent: *quomodo*, inquit, *accipere potuerit Cyprianus veritatem contra id quod sentiebat inventam, etsi litteræ tacent, merita clamant, si Epistola non invenitur, corona testatur.*

Augustino concinit S. Hieronymus, qui expressis verbis affirmat Africanos Episcopos suam de rebaptisandis Hæreticis sententiam novo decreto revocasse. *Illi ipsi Episcopi*, inquit, *qui rebaptisandos Hæreticos cum Cypriano statuerant ad antiquam consuetudinem revoluti novum emisere decretum.* (a) Orientales pariter rebaptisationi faventes suum rescidisse judicium, tradit Augustinus, & vel ipsi agnoscebant Donatistæ: *Majores autem vestri* inquit S. Doctor lib. 3. contra Cresconium cap. 2. *quibus tale testimonium perhibuisti, quod ab Orientalibus propterea à communione discreti sunt, quia illi suum judicium resciderunt, quo eis placuerat de illâ Baptismi questione Cyprianus atque illi Africano Concilio consentire oportere, & paulò post, ipsum alioquens Cresconium Donatistam, vestri majores qui se ab Orientalium communione, quod de hac re (Baptismo Hæreticorum) diversa senserint diviserunt.* Et cap. 3. *Cur non potius etiam ipsos paucos Orientales suum judicium correxisse dicamus, non ut tu loqueris rescidisse; sicut enim laudabile est à verâ sententiâ non moveri, ita culpabile persistere in falsâ.* Cyprianum à suâ sententiâ discessisse apertè tradebat octavo seculo V. Beda his verbis: *Cyprianus qui cum suis Coepiscopis qui erant in Africâ rebaptisandos esse Hæreticos contra morem Ecclesiæ statuit mox corrigi meruit, atque ad universalem Sanctæ Ecclesiæ normam spiritualium virorum institutione reduci.* De rebaptisantium resipiscentiâ ita veteres laudari, quibus nullum refragari in antiquitate totâ reperies: jam verò si Stephanus Rom. Pontifex suam in hoc negotio auctoritatem

(c) Dialog. advers. Luciferian.

non interposuisset, si tantum non prætulisset vigorem Apostolicum, nisi se tamquam murum æreum rebaptizantibus opposuisset, adeòne facile suam, quam tanto ardore propugnabant sententiam revocassent Africani simul & Orientales Antitites? Quis hic digitum Dei non agnoscat, qui Stephani aliorumque ipsi adhærentium Episcoporum zelum ac constantiam tam uberi fructu cumulare voluerit? Illudne credes intempestivum, quod tam fuerit efficax studium? Iniquo ac intempestivo zelo iræne dociles se præbuisent, qui eo gravabantur? Vel hinc Stephani actorum dignosce aequitatem.

XVI. At tandem quod unum infrunita recentiorum illorum, qui Sanctissimi Pontificis memoriam dilacerare non desinunt ora penitus contundere, ac iniquam audaciam reprimere sufficeret; ipsi auscultentur infensissimi S. Stephani hostes, ipsos dico Donatistas. De aquâ vel iniquâ Stephani, vel Cypriani agendi ratione sint Judices. Nemo nescit Donatistis nil fuisse carius, quàm Cyprianum, nihil familiarius, quàm opera Cypriani, ac potissimum ea, quæ pro suâ de rebaptizandis Hæreticis opinione firmanda elucubraverat. Hæc assidue Catholicis occinebant; in Catholicos urgebant. Legebat hæc, ac triverat illorum Coriphæus Petilianus, hæc inquam Cypriani opera perlegerat, in quibus Stephano precipienti ac rebaptizantibus excommunicationem minitanti vitia non pauca Cyprianus exprobrabat. Neque tamen his omnibus ita moveri potuit Petilianus, quin ultrò, ac palam, contra rem suam, contra ipsam S. Cypriani, cujus in Stephanum dicta, ut meras proinde calumnias arguebat, auctoritatem, Stephanum *Episcopatum illibatum gessisse* absolute profiteretur. Hæc Petiliani Cirrensensis in Numidiâ Donatistarum Episcopi tam Stephano gloriosa confessio eruitur ex his S. Augustini verbis lib. de unico Baptismo contra Petilianum cap. 14. *sed volo mihi solvat iste (Petilianus) questionem, quandoquidem cum Romana Ecclesia per ordinem commemorat Episcopos, inter eos commemoravit & Stephanum, quos*

*Episcopatum illibatum gessisse confessus est.* Quid ad Stephani gloriam tùm in aliis quæ fecit omnibus, tùm in hoc præcipuè negotio commendandam excellentius, quam ipso- rum de ejus integritate Donatistarum testimonium. Enim ve- rò veritatem hanc non modò apertam sed & violentam fuisse oportet, quando eam nec hostes quidem infensissimi dis- simulare potuerunt. Et hodie non pudet scriptores quosdam, qui se Catholicos haberi volunt Cypriani Firmilianeque li- teris ad Sanctissimi hujus Pontificis memoriam, vel ipsis olim Donatistis undequaque illibatam commaculandam pro- rursus ac proscindendam abuti.

XVII. Plures Stephani vindices non suppeditat anti- quitas, quia plures non exhibet, qui de famosâ illâ Cy- prianum inter & Stephanum exortâ contentione vel ex pro- fessò dissenserint, vel per transfennam meminerint; at fallor, nisi laudati hætenus scriptores abundè sufficiant ad propo- sitam Stephani causam non solùm à calumniis vindicandam sed insignibus etiam decorandam elogiis. Ecquis enim dubitet sanæ mentis id à Stephano contra Cyprianum aliosque re- baptisantes rectè factum fuisse, quod, sicuti Veterum ne- mo improbavit, tot SS. Patres, nobilesque tam doctrinâ, quam antiquitate scriptores imò vel ipsi infensissimi Step- hani hostes in eo commendârunt? Quis judicio tam gravi, tam valido non acquiescat, ac in tantæ autoritatis lectulo quasi fessus non accumbat?

Post hæc veterum testimonia ane adhuc inquirendum, an examinandum, utrùm recta vel iniqua, opportuna vel intempestiva, prudens vel inconsulta fuerit Stephani contra rebaptisantes agendi ratio? At si minùs recta nobis appa- reant Stephani acta, nostrum hoc qualecumque examen ac judicium numquid veterum omnium judicio & examine ac- curratius ac gravius existimabitur? Nunquid tot SS. Patres, totque venerandi Scriptores præjudiciis abrepti vel decepti vel minùs veridici credentur, nos verò oculatiores, æquiores, atque his omnibus mentis, vel cordis infirmitatibus ità liberi ac

immunes, ut quam ipsi assequi non valuerunt veritatem, pandere ac ostendere nobis tandem fuerit reservatum? Id ne, quæso, cordatis suadebitur? Quàm vana, quàm stulta nostra esset fiducia, si præposteris inquisitionibus efficere tandem speraremus, ut posthabito veterum judicio nobis assentia-tur nostraque amplectatur æquus rerum æstimator? Scio quid-  
dem ac quotidiana docet experientia hesternis quibusdam ho-  
minibus suos magis arridere fetus, suæque inventa, quàm trita & pervulgata veterum testimonia, suisque potius quàm illorum placitis indulgere.

Quid ergo? Stephani gesta suo illi subjiciant examini per me licet, illorumque æquitatem vel injustitiam non ex veterum judicio, sed ex suis animadversionibus stabiliant, nil veterum omnium, qui de Cypriani & Stephani dissidio scripsere testimoniis, totum suis dent disquisitionibus, non intercedo; at quæso, non illibenter ferant me, cui tanta in excogitando mentis perspicacia concessa non fuit, sicuti nec tanta in judiciis ferendis ingenii maturitas, ex veterum testi-  
moniis vetera dignoscere, Veterumque judiciis mea componere. Mihi concedant tenuitatis meæ conscio, nec veterum judicia reformare, aut saniora proferre valenti, pro Religione ducere, ubi de veterum gestis agitur, probatis me stare ve-  
terum monumentis, illorumque à me indui sensus; dicam nudè quod sentio. Hæc via ad rectè dignoscenda & æsti-  
manda veterum gesta tutior graviorque mihi semper visa fuit.

Post longum itaque laboriosumque Stephani gestorum à Neotericis nostris habitum examen, prodeat Stephanus ac ab ipsis divulgetur, superbus, contumeliosus, scatens injuriis, fastum tumidè ac dominatum affectans, immanis, Tyrannus, quietis perturbator, ac Ecclesiarum opressor, uno verbo iis omnibus oneratus flagitiis ac criminibus quæ Stephano ab ipsis impacta referebamus. (a) Mihi, cui recondita tot arcana

(a) In præfatione.

detegere datum non est, plusque sapere, quàm veteres nolenti, ac quod illi retulere, pandere gestiendi, aliter ab istis censoribus de Stephano, si non cogitare, ( illorum enim corda rimari non valeo ) certè loqui necesse est. Novis igitur istis, sed non à charitate supeditatis indumentis Stephano detractis, sub veteranis, sed suis, ut potè si non aliundè, tot retro seculorum præscriptione acquisitis, per me appareat vestibus, quæ ipsum exhibeant Religiosum & prudentem ( *a* ) in causâ baptismatis Hæreticorum Ecclesiæ traditionis assertorem & vindicem, ( *b* ) qui pro singulari filiis ea consignandi quæ à Patribus acceperat studio ( *c* ) gravissimè tulerit aliquid contra antiquam Ecclesiæ traditionem innovari; ( *d* ) ac nova inventa sectantibus, ( *e* ) quâ pollebat Christianâ modestiâ & gravitate restiterit ( *f* ), ipsosque jurè culpaverit ( *g* ), reliquos omnes tantum fidei devotione in eo vincens quantum loci autoritate superabat ( *h* ); qui ab errantibus injuriosè tractatus ( *i* ) ac laceratus ( *l* ) omnia bono pacis, quæ vicit in ipsius corde ( *m* ), omnia bono unitatis, quam servare studebat ( *n* ) vir magnus & Pater magnâ charitate præditus ( *o* ) sollicitâ pietate toleraverit ( *p* ), & hæc sufficiant pro vindicandâ S. Stephani R. Pontificis contra rebaptisantes agendi ratione.

( *a* ) Vincent. Lirin. commonit. cap. 9.

( *b* ) Augustinus Centies in suis contra Donat. libris, & cum ipso veteres omnes quorum testimonia refert Tomassinus dissertat. 2. in Concil.

( *c* ) Hieronym. dialog. adv. Lucifer. & Vincentius Lirin. loco citato.

( *d* ) Euseb. Hystor. Eccl. lib. 7. cap. 3.

( *e* ) Augustin. lib. 2. de bapt. cap. 8.

( *f* ) Vincentius Lirin. loco citat.

( *g* ) Facundus Hermian. pro defens. trium Capitul. lib. 10. cap. 3.

( *h* ) Vincentius Lirin. loco cit.

( *i* ) Facundus Hermian. loco cit.

( *l* ) Hieronim. dialog. adversus Lucifer.

( *m* ) Augustin. lib. 5. de bapt. cap. 25.

( *n* ) Augustin. lib. 6. de bapt. cap. 22.

( *o* ) Augustin. lib. 1. de bapt. cap. 7.

( *p* ) Augustin. lib. 6. de bapt. cap. 22.



# DISSERTATIONIS

## P A R S P R I M A.

*QUOD EX S. CYPRIANI FACTO ADVERSUS  
supremam & irreformabilem in definiendis fidei con-  
troverſiis Romani Pontificis auctoritatem extunditur &  
urgetur argumentum, vacuum à ſapientiſſimis Galliae  
Theologis & inane conficitur, ac penitus evertitur.*

**Q**Uaecumque fuerit ac jaſtitetur S. Cypriani in cauſâ  
baptiſmatis Hæreticorum in Stephanum diſſerendî &  
agendî ratio, nil indè contra ſupremam & infallibilem  
Romani Pontificis in definiendis fidei controverſiis auctoritatem  
colligi poteſt, ſi agitatam tunc temporis de rebaptiſandis  
Hæreticis queſtionem non fidei, ſed meræ diſciplinæ rem  
eſſe cenſuit Cartaginensis Antiſtes. Id conſtat apud omnes  
atque evidentiffimum eſt; qui enim præſcriptum à Romano  
Pontifice aliquod diſciplinæ caput amplecti recuſat, non  
propterea Romanum Pontificem in definiendis fidei contro-  
verſiis errori obnoxium eſſe putat; ſic plura diſciplinæ ca-  
pita in Tridentino Concilio ſancita Gallia minimè recepit,  
quæ tamen infallibilem in fidei cauſis auctoritatem Tridentinæ  
Synodo adimere numquam profeſſo cogitavit. Porro Sapien-  
tiſſimi Galliæ Theologi ceterorum Pontificiæ inerrantiæ vin-  
dicum ſemitam ingreſſi palàm agnoſcunt & unanimi con-



centu tradunt totam illam de rebaptisandis Hæreticis controversiam S. Cypriano visam fuisse rem non fidei, sed meræ disciplinæ, quâ sanè doctrinâ nil validius ad subvertendum quod ex Cypriani factò Neoterici adversus Pontificiam inerrantiam intorquent argumentum.

Præterea tam decretoriâ responsione nondum contenti, ut suo tuendæ veritatis & Pontificiæ autoritatis studio magis ac magis facerent satis, ulterius progrediuntur sapientissimi Galliæ Doctores, atque ostendunt istud Cypriani exemplum non magis urgeri posse ad inficiandam Romani Pontificis, quam Ecclesiæ universalis inerrantiam. Enim verò pro certo tenent ac docent S. Cyprianum probè novisse quam Stephanus R. Pontifex vindicabat consuetudinem universalis Ecclesiæ fuisse consuetudinem, ex quo manifestissimè sequitur, quod si Cyprianus Stephanum illam Hæreticos absque novo baptismo recipiendi consuetudinem asserentem in fide errare, vel errori obnoxium judicavit, ut volunt Neoterici, in fide pariter errare, vel errori obnoxiam censuit Ecclesiam universam, quam sciebat pro eâdem Stephani consuetudine militare, unde vides hoc Neotericorum argumento æquè impetitum iri R. Pontificis & Ecclesiæ universalis infallibilitatem. Haud me latet ceterarum nationum Theologos Pontificiæ inerrantiæ cultores misero huic Neotericorum argumento omni ex parte nutanti ac vacillanti, pluribus & quidem solidis responsionibus occurrisse; at meo quidem iudicio nemo potentius, nemo validius, quam Galliæ Doctores, dum hæc duo apertissime docent ut toridem capitibus probandum aggredimur, 1°. Nempè S. Cyprianum agitatam tunc temporis de rebaptisandis Hæreticis questionem, non ad fidei sed ad meræ disciplinæ caput revocasse. 2°. S. Cyprianum probè novisse, quam Stephanus R. Pontifex vindicabat consuetudinem, universalis Ecclesiæ fuisse consuetudinem.

## CAPUT PRIMUM

JUXTA UNIVERSALEM GALLIÆ THEOLOGORUM ac scriptorum Doctrinam S. Cyprianus agitatam ævo suo de rebaptisandis Hæreticis quæstionem non ad fidem, sed ad meram disciplinam pertinere judicabat.

**E** Minentissimus Cardinalis de Bissi Episcopus Meldensis in suo documento Pastoralis an. 1728. hæc habet part. 2. *juxta sententiam plurium eruditorum Theologorum quæstio de baptismo Hæreticorum S. Cypriani tempore judicabatur ad disciplinam potius quam ad fidem pertinere. Enim verò S. Cyprianus sapius asserit quemlibet Episcopum plenam habere diversum in hoc negotio agendi facultatem; itane loqui potuisset de quæstione, quam censuisset ad fidem pertinere? Quemadmodum autem certum est peculiarem disciplinam à quâlibet Ecclesiâ nationali ita retineri posse, ut ad eam mutandam à R. Pontifice obligari non possit, S. Cyprianus & Episcopi Africani poterant salvâ obedientiâ sedi Apostolica debitâ illius decreto non obtemperare: (a) & in docum. Pastor. an. 1725. Quotidie, inquit, propugnatur in scholis Catholicis de unâ Cyprianum inter & Stephanum disciplinâ fuisse disputatum. (b)*

(a) Instruction Pastor. contre l'apél interjeté de la Bulle Unig. au futur Concile Général. pag. 63. C'est un sentiment embrassé par plusieurs Doctes Théologiens que la question du Batême étoit regardée du tems de S. Cyprien comme appartenante à la discipline plus qu'à la foy. S. Cyprien repete plus d'une fois dans ses écrits que chaque Evêque doit conserver une pleine liberté d'agir en cette occasion de la manière dont il jugera à propos, auroit-il pu parler de la sorte d'une question qu'il auroit crû appartenir à la foy? Et comme il est constant

que chaque Eglise nationale peut conserver sa discipline particulière sans que le Pape puisse l'obliger de la changer dans tous ses points. S. Cyprien & les Evêques qui le suivoient pourroient sans manquer à l'obéissance qu'ils devoient au S. Siège refuser de se soumettre à son décret.

(b) Instruict. Pastor. contenant la réfutation d'un écrit adopté, Sec. pag. 55. Tous les jours dans les Ecoles Catholiques on soutient que la contestation entre les deux Saints Martyrs Etienne & Cyprien ne fut que de discipline.

Illustrissimus Languet aliàs Sueffionensis Antistes, nunc Senonensis Archiepiscopus in tertiâ ad Episcop. Bononiensem Epistolâ datâ die 25. Maii an. 1722. *S. Cyprianus suam de baptismo Hæreticorum cum Romanâ sede concertationem ut punctum mera disciplina habebat quod fidem nullatenus spectabat ; de hoc conveniunt Eruditi post divum Hieronymum , ( a ) idem repetit in alterâ Epistolâ ad Episcopum Antiochior. Scriptâ die 25. Decembris 1722. num. 27. itèm in Pastor documento varias circa Emin. de Noailles instructionem observationes continente an. 1719. pag. 95 & 96.*

Illustrissimus de Saleon Episcopus Ruthenensis in docum. Pastor. super autoritate decisionum Ecclesiæ *S. Cyprianus , inquit , hanc de baptismo Hæreticorum controversiam ad fidem pertinere non censuit : ( b )* Thesim hanc variis deindè firmat argumentis ; *non modò S. Cyprianus , pergit Eruditus Antistes , atque Firmilianus , sed etiam Arclatense Concilium illam de rebaptisandis Hæreticis controversiam ut punctum disciplina habuerunt. ( c )*

Ludovicus Thomassinus eruditus Oratorianæ in Galliâ Congregationis Præbiter suis in Concilia dissertationibus hæc habet : *nec me fallit quodam posse modo ab fidei negotium revocari istas de baptismo Hæreticorum quæstiones ; multò enim magis quàm de Paschatis die , in quo aberrantes Ecclesias Victor Hæterodoxas appellabat ; sed unum id existimo ex patrum Patrum scriptis scintillare hanc rem illos non aliter quàm ut consuetudinis Ecclesiastica & disciplina partem expectasse , nec ad fidei substantiam & necessitatem revocasse , ita sentiebat Firmilianus . . . ita sentiebat & Cyprianus Epistolâ ad Jubaj. cùm enim sententiam suam multis sepsisset argumentis ait*

( a ) Pag. 31. *S. Cyprien ne regardoit le point qui le divisoit d'avec le S. Siège . que comme un point de discipline . & non comme un point qui interessât la foy ; c'est de quoi les sçavans conviennent ; c'est le jugement qu'en a apporté S. Jérôme.*

( b ) Parte 1<sup>a</sup>. pag. 219. *S. Cyprien lui-même n'a pas regardé cette dispute (du Ba-*

*tème des Hérétiques) comme appartenante à la foy.*

( c ) Ibid. pag. 210. *Ce n'est pas S. Cyprien & Firmilien seulement qui ont regardés la dispute sur la rébaptisation des Hérétiques comme un point de discipline , le Concile d'Arles l'a regardé de même.*

*tandem hac tibi breviter &c. . . . in disciplina negotio cum aliquo colore hac differuntur, in capite fidei Catholica alienissima essent omnia : ( a ) & pag. 60. est questio hac ( de Hæretic. baptismo ) ad fidem trahi posset ut pleraque alia consuetudinum capita , tunc ( tempore scilicet Stephani & Cypriani ) ea tamen civiliter , ut disciplina portio agitabatur.*

Ludovicus Dupin. in suâ bibliot. Ecclesiast. Cyprianus , inquit , Stephanum in sua Epistolâ hortabatur , ut hanc ( de rebaptis. Hæretic. ) disciplinam amplecteretur ( b ) & pag. 460. Firmilianus confirmat disciplinam , quam S. Cyprianus propugnabat : ( c ) & in suis de antiquâ Ecclesiæ disciplinâ dissertationibus hæc habet : Cyprianus & Africani Prasules disciplinam suam contra Stephani auctoritatem mordicus retinuerunt. ( d ) Quid juxta Dupinum propugnabat Cyprianus ? Quid contra Stephani auctoritatem mordicus retinere voluit ? Aliquodne fidei dogma ? Minime : aliquamne disciplinam in Ecclesia universalem ? Nequaquam ; quid ergo ? Ab Autore disce , praxim aliquam peculiarem , quæ apud ipsum & aliquos Episcopos Africanos servabatur , seu , ut ipse loquitur , *disciplinam suam* ; imò si fides Autori non tantum Cyprianus sed etiam cæteri tertii Ecclesiæ sæculi Patres hanc de baptismo Hæreticorum questionem ad meram revocabant disciplinam ; enim verò ad calcem 1. tom. bibliot. Eccl. duo conficit summaria , unum dogmatum quæ Patres tertii Ecclesiæ sæculi tradiderunt , alterum disciplinæ quæ tunc temporis viguit , disciplinæ inquam , quæ , ut ipse ibidem observat , varia in diversis Ecclesiis esse potest ; porro Doctrinam de non rebaptisandis Hæreticis non in summario dogmatum , sed in summario eorum , quæ ad liberam spectant disciplinam recenset , ut legenti patet à pag. 682. usque ad pag. 695.

Launoïus in suâ ad Bevilacqua Epistolâ num. 15. *Becannus* , inquit pag. 827. *post Bellarminum ut adulatrici curia*

( a ) Dissert. 2. pag. 46. edit. Paris. 1667.

( b ) Tom. 1. pag. 459. S. Cyprien en écrivit à S. Etienne pour l'exhorter à embrasser cette discipline.

( c ) Firmilien établit la discipline que défendoit S. Cyprien.

( d ) Dissert. 5. pag. 344. edit. Paris 1686.

*faveat, opinionis nova subsidio dicit; Cyprianus non est habitus Hereticus, quasi quæ ad variam tradendi baptismatis rationem pertinent, Hæreseos materia foret, &c. pag. 828. interim ego tantum pronuntio rem istam (rebaptisationis questionem) non esse fidei, sed disciplina quæ suas in Ecclesia vices habuit.*

Antonius Pagius Doctor Sorbonicus in suâ criticâ Baronii dogma, inquit tom. 1. pag. 200. *de rebaptisandis Hereticis, quod Episcopi Africani tuebantur, habebatur ab illis tanquam ad æconomiam dumtaxat & disciplinam, non verò ad fidem pertineret, quod patet ex Epistolâ Cypriani & Synodi Africana ad Stephanum R. Pontificem . . . controversiam itaque de Hereticorum baptismo ad fidem non spectare Cyprianus ejusque collega censebant.*

Gaspar Juenin Oratorii Gallicani Præsbiter in suo Historico & Dogmat. de Sacramentis commentario sic loquitur: *Africani & Orientales causam de baptismo ad meram disciplinam, non autem ad fidem aut ad mores pertinere judicaverunt . . . quod autem laudati Episcopi tum in Africâ tum in Oriente questionem de baptismo ad meram disciplinam referrent ex multis capitibus evincitur. Firmilianus salvo unitatis vinculo eâ in causâ dissentiri posse perspicue affirmat . . . Cyprianus idem in Africâ sensit, &c. (a)*

Feu Doctor & Pastor Parisiensis in suo de legibus tractatu: *respondeo, inquit, de variis consuetudinibus non esse disceptandum saltem acriter & cum pacis Catholica periculo, ut docet August. Epist. 118. ad Januarium quod neque contra fidem neque contra bonos mores injungitur, est indifferenter habendum; in eâdem versati fuerant sententiâ SS. Cyprianus & Firmilianus in Epist. 71. & 72. tradit quippe S. Cyprianus cuilibet liberum esse sentire quod Deus suaserit, nec quemquam ob sententiam diversam abscindendum esse à communione Ecclesiasticâ, idèquè tractatum de penitentia (le-*

(a) Quest. 6. cap. 2. art. 3. §. 3. pag. 90. edit Lugdun. 1696.

gendum patientiæ) bono composuit, ut à fratribus qui dissiderent secedendum non esse ostenderet. S. quoque Firmilianus, eadem ad S. Cyprianum scribit & usu tunc temporis recepto confirmat; multa, inquit, pro locorum & nominum diversitate variantur, nec propter hoc ab Ecclesiæ Catholica pace atque unitate aliquando disseffum est. (a) Ex Cypriani sensu & agendi ratione in controversiâ baptismatis Hæreticorum probat Doctor Parisiensis ipsum cum Augustino censuisse indifferenter habendum esse, quòd neque contra fidem neque contra bonos mores injungitur: Cyprianus ergo ad mentem hujusce Autoris praxim de non rebaptif. Hæret: his annumerabat consuetudinibus, quæ neque fidem neque bonos mores spectabant, aliunde fatetur expressè Doctor Paris. in tractatu citato pag. 252: *celeberrimarum Ecclesiarum Episcopos ad disciplinam solummodo revocasse hanc contentionem* de Hæreticis rebaptifandis; si alibi diversum scripsit non nostra culpa est, nec Theologos omnes sibi semper onstare probandum suscepimus.

Theologicæ institutiones jussu Illustriss. Episcopi Gieta-viensis editæ hæc habent in tractatu de Sacramentis: *nota nec S. Cyprianum nec Episcopos ipsi adhærentes Hæreticis adnumerandos, quia ejusmodi questio de Hæreticorum baptismo censebatur tunc ad disciplinam, non autem ad fidem pertinere* (b)

Natalis Alexander in Ecclesiast. sæcul. 3. Historiam hanc ex professo probat propositionem. *S. Cyprianus & Africani Episcopi non existimaverunt dogma de rebaptifandis Hæreticis quod tuebantur ad fidem pertinere* (c) allatisque pluribus ad hujus probationem momentis sic concludit: *si rebaptificationem Hæreticorum fidei rem esse existimasset S. Cyprianus Anathema dixisset eis, qui contrariam sententiam tuebantur, neque cum eis communicasset; nefas enim censebat communione jungi cum Hæreticis; questionem igitur illam ad fidem perti-*

(a) Quest. 7. art. 3. pag. 250. edit. Paris. 1695.

(b) Quest. 3. pag. 77. edit. Pictav. 1711.

(c) Dissert. 12. art. 4. pag. 690. edit. Paris. 1714.

*nere non existimavit, sed ad aconomiam dumtaxat & disciplinam Ecclesiasticam.*

Auctor tractatus Gallicè inscripti : *traité du Schisme* sic loquitur pag. 45. *in dissidio S. Cypriani & S. Stephani unice agebatur de puncto aliquo disciplina non verò fidei. (a)*

Auctor operis cui titulus : *traité sur l'obéissance due aux Bulles dogmatiques émanées du S. Siège*, omnes, inquit, pag. 91. » fatentur Autores negotium de rebaptis. Hæret. » ut punctum disciplinæ dumtaxat Cypriani tempore habitum » fuisse. (b)

Ignatius amat de Graveson Doctor Sorbonicus in sua Historiâ Ecclesiasticâ excusari possunt, inquit, Cyprianus, Firmilianus, aliique Orientales, qui morem rebaptisandi Hæreticos post Stephani decretum sectati sunt, quia existimant morem istum ad fidem minimè pertinere sed ad aconomiam dumtaxat & disciplinam Ecclesiasticam. (c)

Autor operis Gallicè inscripti : *Théorie & pratique des Sacremens* in tractatu de baptismo cap. 4. §. 2. *Quæris*, inquit, » utrum qui antiqui Patres baptismum ab Hæreticis collatum » invalidum esse censuerunt, id spectaverint tanquam punctum quod fidem spectaret; respondemus veteres illos Patres » rem illam ad meram disciplinam revocasse, quæ pro temporum & locorum varietate diversa esse poterat; ita Firmilianus qui &c. ita S. Cyprianus. (d)

Autor dissertationis Gallicæ contra appellationem à constitutione *Unigenitus* ad futurum Concilium sic loquitur: SS. Stephanus & Cyprianus hanc de baptismo Hæreticorum questionem ad meram disciplinam revocabant, & paulò post. Cypriani

(a) Le différent qui étoit entre S. Cyprien & S. Etienne rouloit uniquement sur une affaire de discipline, & ne regardoit pas la foy.

(b) L'affaire des rebaptisants n'étoit regardée que comme un point de discipline au moins du tems de S. Cyprien comme tous les Auteurs en conviennent.

(c) Tom. 1. colloquio 6. pag. 149. edit. Rom. 1722.

(d) Pag. 110. edit. Paris. 1713. D. Ceux qui parmi les anciens Peres ont crû que le Bâême donné par les Hérétiques est invalide, ont-ils regardé cet article comme un point qui intéressa la foy? R. Ils ne l'ont regardé que comme un point de discipline qui pouvoit varier dans les tems & les lieux différens, Firmilien Evêque de Césarée dans sa lettre à S. Cyprien..... S. Cyprien dans sa lettre à Jubaien, &c.

*adversus Stephanum resistentia aliter excusari non potest, quàm quia causa de baptismo Hæreticorum utrinque agitabatur ut quæstio praxis ac pura disciplina. (a)*

Petrididier Abbas S. Petri Senonensis in suo de infallibilitate Pontificiâ Gallico tractatu cap. 6. *hoc itaque, inquit, constanter & certissimè tenendum est: quæstionem de baptismo Hæreticorum Cypriano visam fuisse punctum mera disciplina (b).*

Petrus Constant Monachus Benedic. Congreg. S. Mauri in suo de epistolis R. Pontificum opere hæc habet: *ne igitur majores suos ac totam penè Ecclesiam damnare Cyprianus videretur Episcoporum uniuersis permisit sentire vel agere quod melius iudicaret, ideoque istam quæstionem (de baptif. Hæret.) ad meram disciplinam pertinere existimavit. (c)*

De Reveroni Licentiatu Sorbonicus in suâ dissertatione dogmaticâ de dissidio inter SS. Stephanum & Cyprianum hæc habet cap. 1. *S. Cyprianus rebaptisationem adscripsit disciplina nuda, hac sententia pro quâ stamus probatur multis, (d) & revera latissimè probat pag. 46. 47. 48. & seq.*

Turnellius Docteur & Professor Sorbonicus in suo de Sacramentis tractatu sic loquitur: » hanc de baptismo Hæreticorum causam Stephano quidem ad dogma fidei pertinere » visam fuisse, ut mox ostendemus, non verò Cypriano, » Firmiliano & aliis. *Et pag. 435.* Stephano igitur reluc- » tatus est Cyprianus, quare? Quia Africanæ libertatis plus » æquo amans ac studiosus, aliunde verò propter intentatam » à Stephano excommunicationis pœnam subinensus nega- » bat R. Pontificem jus habere in rebus disciplinæ, qualem » putabat esse quæstionem de baptismo ab Hæreticis collato, » cæteras Ecclesias ad suam sententiam & praxim adigendi:

(a) Pag. 96. & 97. edit. Anonym. 1717. S. Etienne & S. Cyprien regardoient de part & d'autre cette dispute comme un point de pure discipline. . . . S. Cyprien ne peut être excusé de sa résistance au Pape Etienne que parce qu'ils contestoient ensemble de la validité du Bâême des Hérétiques comme une question de pratique & de pure discipline.

(b) Pag. 83. edit. Luxemb. 1724. Il doit donc demeurer pour constant & indubitable que S. Cyprien a regardé la question du Bâême des Hérétiques purement comme un point de discipline.

(c) Tom. 1. pag. 153. edit. Paris. 1721.

(d) Pag. 45. edit. Paris. 1724.

(e) Quest. 7. art. 2. pag. 418. edit. Paris. 1727.



» longiùs profectò quàm par sit progressus S. Martir om-  
 » nes subordinationis ac jurisdictionis Ecclesiasticæ leges sub-  
 » vertere videtur, neque aliter excusari potest, quàm si  
 » verba ipsius ad unam de disciplinâ quæstionem restringan-  
 » tur, & pag. 437. hereseos rei non erant quotquot Ste-  
 » phano reluctabantur, cùm illi arbitrarentur de unâ disci-  
 » plinâ, quæ salvâ fide varia esse potest, quæstionem moveri.  
 Hic, ut vides, non solum affirmat celebris Sorbonæ Pro-  
 fessor quæstionem de Hæreticorum baptismo non ad fidei  
 dogma sed ad unam versatilem disciplinam pertinere Cypriano  
 visam fuisse, sed etiam apertissimè tradit Cyprianum in hoc  
 diffidio Africanæ libertatis plus æquo amantem longiùs quàm  
 par fuerit, progressum fuisse, omnesque subordinationis ac  
 jurisdictionis leges subvertere videri, atque aliter excusari  
 posse, quàm si verba ipsius ad unam de disciplinâ quæ-  
 stionem restringantur; quàm longè à Neotericorum placitis  
 hæc distant.

Antonius Boucat Parisiensis Theologus in suo de Sacra-  
 mentis tractatu, *hanc*, inquit pag. 371. » de rebaptisandis  
 » Hæreticis controversiam 3°. seculo & 4°. etiam inchoante  
 », de merâ extitisse disciplinâ non uno probatur argumento,  
 », 1°. Quidem eo quod S. Cyprianus & Firmilianus unita-  
 » tem cum S. Pontificè semper fervaverint, &c. & sic con-  
 » cludit pag. 373. sequitur ex his nec Cyprianum & Fir-  
 » milianum peccasse, cùm in hoc tantummodò disciplinam  
 » quant putabant genuinam defenderent, & pag. 388. si  
 » quæstionem de fide esse credidisset Cyprianus, dubiò pro-  
 » cul alteram opinionem anathemate advertisset, nec pro-  
 » nuntiasset liberum esse unam aut alteram sequi disciplinam.

Qui vulgò apud Gallos appellatur *Petit Tournelli* seu  
 latinè *Turnellius contractus* in tractatu de Sacramentis *totam*  
*hanc*, inquit, *controversiam* ( de bapt. Hæret. ) *pertinere ad*  
*disciplinam, in quâ cuique liberum est sentire ac facere quod*  
*vellet,*

vellet, existimabat Cyprianus; (a) idque multis probat argumentis pag. 137 & seq.

Jacobus Hiacintus Serri Doctor Sorbonicus in suâ de R. Pontifice falli & fallere nescio dissertatione ediâ an 1734. cap. 8. pag. 52. » reponimus, *inquit*, divum Cyprianum cæterosque Episcopos Africanos existimasse quæstionem de rebaptis. Hæreticis ad meram disciplinam » spectare, nequaquam ad fidem; ideòque nil mirum si de » creto Stephani primi R. P. obstiterint Africani, quòd » nempe putarint Ecclesias toto Orbe diffusas non omnino » neri ad Ecclesiæ Romanæ disciplinam in omnibus amplecten- » dam, etsi ad ejus fidem communiter amplectendam tenerentur.

His adstipulari meritò censendi sunt, qui nitidè testantur Cyprianum suæ opinionis originem non à Christo, non ab Apostolis, sed ab Agrippino Prædecessore suo repetiisse, ex hoc enim necessariò sequitur Cyprianum non fidei, sed meræ disciplinæ suam opinionem retulisse, nisi velint (quod de scriptoribus mox citandis nemo suspicabitur) tantâ Cyprianum ignorantiam laborasse, ut ad fidem aliquatenus pertinere crediderit, quod ab Agrippino ortum habere censebat, ii verò sunt.

Jfambertus Doctor & Professor Sorbonicus ad quæstionem 64. ubi de Sacramentis (b) » Agrippinus, *inquit*, » Prædecessor S. Cypriani in Episcopatu primus censuit » baptismum collatum ab Hæreticis esse nullum: sic S. Augustinus refert lib. 2. cont. donat. Cap. 7. ex ipsomet S. » Cypriano Ep. ad Quintum & epist. ad Jubaian .... Cyprianus in Epistolâ citatâ ad Jubaian. dicit se rem non » quidem ità repentinam, sed tamen ab Agrippino uno ex » suis Prædecessoribus institutam facere .... deinde tam » in illâ Epistolâ quàm in concilio 87. Episcoporum ait rationem & veritatem esse præponendam consuetudini, ergo » supponit traditionem fuisse contrariam suæ opinioni; » &

(a) Quæst. 7. art. 3. pag. 130. edit. Paris. 1730.

(b) Disput. 4. artic. 1. pag. 121. edit. Paris. 1639.

disput. 5. de iudice controversiarum art. 3. num. 7. dicit cum S. Augustino : *Cyprianum traditionem impugnasse*. Ad mentem itaque Professoris Sorbonici Cyprianus testatur in Epist. ad Quintum , & ad Jubaian- Agrippinum *primum* censuisse baptismum collatum ab Hæreticis esse nullum , Cyprianus dicit ab Agrippino *institutam* fuisse Hæreticorum rebaptisationem , & *cætera traditionem* suæ opinioni fuisse contrariam fatebatur.

Claudius Frassen Doctor Sorbonicus in tractatu de Sacramentis ( a ) » Agrippinus , *inquit* , primus omnium censuit » ac definiit nullum esse Baptismum Hæreticorum . . . si enim » alius antiquior dogma istud tradidisset , haud dubiè laudatur » à S. Cypriano , & pag. 95. tam Cyprianus ipse » quàm ejus Collegæ in Concilio apertè agnoverunt consuetudinem & traditionem Ecclesiasticam sibi adversari.

Tillemontius Hist. Eccles. S. Cyprianus , *inquit* , *satis apertè fatetur se antiquam non sequi consuetudinem in recipiendis ab Hæreticis baptisatis* , ( b ) & infra S. Cyprianus & Augustinus Agrippino tribuunt rebaptisationis originem . ( c )

Fleuriacus in suâ Historiâ Ecclesiastica » S. Cyprianus , *inquit* , ostendit in suo de unitate Ecclesiæ tractatu » ab Agrippino , qui primus antiquam mutaverat consuetudinem , suam de rebapt. Hæreticis opinionem accepisse , ( d ) & rursus Cyprianus antiquam non rebaptisandi consuetudinem sibi adversari fatetur quidem , sed eam rationi subjiciendam esse contendit ( e )

Baillet de vitis Sanctorum ad diem 16. Decembris pag. 188. » S. Cyprianus , *inquit* , suæ opinionis Adinventor non » fuit , sed ut ipse fatetur in suo de Ecclesiæ unitate trac-

( a ) Artic. 3. quest. 1. pag. 88. edit Paris. 1677.

( b ) Tom 4. artic. 43. pag. 139. S. Cyprien reconnoît assez clairement qu'il ne suivait pas l'ancienne coutume.

( c ) Ibidem. pag. 140. S. Cyprien & S. Augustin même rapportent à Agrippin le commencement de cette pratique de rebaptiser.

( d ) Tom. 1. lib. 7. cap. 26. pag. 279. S. Cyprien tenoit cette doctrine comme il paroît dans son traité de l'unité de l'Eglise de son prédécesseur Agrippin qui avoit été le premier à changer l'ancienne coutume.

( e ) Ibid. pag. 281. S. Cyprien convient de l'ancienne coutume de ne pas rebaptiser les Hérétiques , mais il dit que la raison doit l'emporter.

»tatu eam accepit ab Agrippino, qui antiquam in Africâ  
»mutaverat consuetudinem. (a)

Autor operis cui titulus : »Remarques sur la bibliot. des  
»Auteurs Ecclésiastiques de M. Dupin *sic loquitur* obser-  
»vari potest, quod Cyprianus in questione Baptismatis Hæ-  
»retic. fatebatur traditionem Ecclesiæ non tantum Romanæ,  
»sed etiam Africanæ suæ opinioni esse contrariam ; agnos-  
»cebat Cyprianus Agrippinum primum fuisse qui in Africâ  
»cæperat Hæreticos rebaptizare. (b)

L'Herminier Docteur Sorbonicus in tractatu de Sacramen-  
tis (c) »Primus, *inquit*, hanc consuetudinem iterum bap-  
»tizandi ab Hæreticis baptizatos introduxit Agrippinus Car-  
»thaginen. Episcopus teste S. Cypriano, & pag. 133. Cy-  
»prianus tacite fatebatur sibi adversari antiquam Ecclesiæ  
»Occidentalis consuetudinem. *Post hac timidum ultro dixerim*  
»*Sorbonicum nostrum quando ait* pag. 119. Fortè etiam pu-  
»tabat Cyprianus id solum pertinere ad disciplinam, non ad  
»fidem

Eruditus P. Marand Benedictinus in præfatione, quam  
Balusianæ Cypriani operum editioni præfixit hæc habet  
(d) *Cyprianus opinionis suæ de tingendis in hæresibus pris-  
tis fontem & caput Agrippinum agnoscit ; id nec ipse diffiteri  
pòtuit vitæ Cyprianicæ Autor. S. Augustinus, inquit &  
S. Ciprianus hujusce rebaptizandi praxis originem ad Agrip-  
pinum referunt.* (e)

Tandem Cyprianum non fidei, sed meræ devouisse dis-  
ciplinæ controversiam de rebaptis. Hæreticis docet ætate  
nostrâ schola Sorbonica pariter ac Navarica. Danesiüs Docteur

(a) Pour ce qui est de S. Cyprien son opinion n'étoit pas née avec la dispute, il la tenoit dès auparavant comme on le voit dans son traité de l'unité de l'Eglise, & la tenoit d'Agrippin qui avoit changé en Afrique l'ancienne coutume.

(b) Tom. 1. pag. 275. edit. Paris. 1691. On peut remarquer que dans la question du Batême des Hérétiques S. Cyprien convenoit que la tradition des Eglises d'Afrique aussi

bien que celle de l'Eglise Romaine étoit contraire à son sentiment, que c'étoit Agrippin qui avoit commencé le premier en Afrique à rebaptiser les Hérétiques.

(c) Pag. 25. edit. Paris. 1711.

(d) Pag. 15. edit. Paris. 1726.

(e) Lib. 5. cap. 1. pag. 171. S. Augustin & S. Cyprien, qui rapportent à ce Prélat (Agrippin) le commencement de cette pratique de rebaptiser.

ac Professor Sorbonicus in suis Theologicis de Ecclesiâ prælectionibus in Sorbonâ habitis an. 1717. *Policrates*, inquit disput. 2. quæst. 1. art. 3. conclus. 4. in responsione ad 3. instantiam primæ objectionis » & Cyprianus existimabant, licet immerito, agi inter se & R. Pontificem de eo » genere disciplinæ, circa quam unicuique Ecclesiæ concessum est quod expedire sibi magis visum fuerit sequi . . . » unde Cyprianus disertis verbis dicit in Epist. ad Jubaian. » agi eâ de re inter ipsum & R. Pontificem, de quâ » unusquisque Episcopus liberum habet arbitrium judicandi, » rationem soli Deo redditurus, sicine locutus fuisset S. » Martyr de quæstione, quam putaret pertinere ad fidem ? » Aut in quâ ab universali Ecclesiâ decretum edi posse existimaret, cui obedire omnes & singuli Episcopi adstricti essent ?

Sovestre Doctor & Professor Navarricus in suis Theologicis de Sacramentis prælectionibus Navarræ habitis an. 1738. » paulò durioribus, inquit art. 4. §. 2º. verbis » conquetti sunt Cyprianus & Firmilianus de Stephani agendi » ratione ; quid ita ? quia Cyprianus & Firmilianus quæstionem hanc tanquam meræ disciplinæ spectabant ; *ibique multis probat Cyprianum existimasse hanc de Baptismo Hæreticorum quæstionem* pertinere ad disciplinam tantum.

Brillon Doctor & Professor Sorbonicus, Beuret Doctor & Professor Navarricus in suis Theologicis de Sacramentis prælectionibus in Sorbonâ habitis an. 1730. Navarræ autem an. 1742. docent S. Cyprianum rebaptisationis Hæreticorum originem ad Agrippinum tanquam ad primum ejus parentem revocasse, ex quo necessariò sequitur, ut jam diximus, Cyprianum non fidei sed meræ disciplinæ devovisse suam de rebaptisandis Hæreticis sententiam, nisi velint clarissimi Professores, quod præsumendum non est, Cyprianum tantâ ignorantia laborasse ut ad fidem aliquatenus pertinere crediderit, quod ab Agrippino ortum habere censebat ; *ipse Cyprianus* inquit D. Brillon quæst. 3.

*testatur usum rebaptisandi ad Agrippinum tanquam ad primum ejus parentem revocari oportere. D: Beuret quæst. 6. art. 2. primus, inquit, qui rebaptisandos ab Hæreticis baptisatos habito de eâ re Concilio censuit, fuit Agrippinus Carthaginensis Episcopus ex S. Cypriano tum Epist. 71. ad Quintum tum 73. ad Jubaian.*

Sapientissimis sacræ Theologiæ Magistris subscribunt Baccalaurei Theologiæ candidati, qui in suis publicis pro obtinendo licentiatûs gradu Thesibus à Decano Parisiensis Theologiæ facultatis approbatis passim propugnant Cyprianum non ad fidem, sed ad disciplinam pertinere censuisse hanc de rebaptisandis Hæreticis controversiam, ex innumeris nonnullos, ne morosiores simus, appellabimus.

Mathurinus Verdier Præbiter Andegauensis & Canonicus in suâ minore ordinariâ die 14. Junii an. 1732. Præsidente Francisco Vaultier Doctore Theologo hanc Conclusionem Parisiis propugnavit. » Inductum jam ab Agrippino » Carthagin. Antistite rebaptisantium errorem paulò fervidiùs adversùs S. Stephanum Summum Pontificem propugnavit S. Cyprianus, at in hoc dogma fidei agi minimè censuit, sed opinionem suam Theologorum instar » Scripturæ probationibus voluit innixam.

Joannes Mazeas Præbiter Leonensis in suâ minore ordinariâ die 21. Maii an. 1738. Præsidente Joanne Thevenet Theologo hanc conclusionem Parisiis propugnavit: *questionem de baptismo Hæreticorum ventilatam ad fidem pertinere non quidem Cyprianus, sed putavit Stephanus.*

Nicolaus le Grand socius Cardinalitius in suâ minore ordin. die 11. Augusti 1738. Præsidente Josepho le Comte Doctore Theologo: » rebaptisantium, *inquit*, parens Agrippinus, Coriphæi SS. Cyprianus & Firmilianus patrum » morem ad disciplinam pertinere rati.

Franciscus Allain Præbiter Leonensis in suâ minore ordin. die 3. Novembris 1738. Præsidente Josepho Gargni Doctore Theologo: » collatum, *inquit*, ab Hæreticis Baptis-

„mum iteravit primus Agrippinus deinde SS. Cyprianus &  
 „Firmilianus qui quæstionem hanc non ut dogma fidei, sed ut  
 „quæstionem liberam & ad disciplinam pertinentem habue-  
 „runt.

Claudius Bonnelle Presbiter Parisinus in suâ minore ordin. 22. Maii an. 1738. Præsidente Petro Regnault Doctore Theologo: „oppositam, *inquit*, equidem sententiam plus „æquo vividius propugnavit S. Cyprianus, at rem non „ad fidei normam, sed ad disciplinæ quæstionem revo- „cavit.

Joannes-Baptista Picard Presbiter Parisinus in suâ minore ordin. die 14. Junii anno 1738. Præsidente Jacobo General Doctore Theologo: „Hanc sententiam, *inquit*, impugnârunt D. „Cyprianus & plures Africæ Episcopi; hanc sententiam non „ad dogma fidei, sed ad disciplinam pertinere putabant.

Jacobus de l'Ecluze Præsbyter Sagienensis in suâ minore ordin. die 2. Novembris 1739. Præsidente Alexandro Thomas Doctore Theologo: „S. Cyprianus, *inquit*, Firmilianus „consuetudine suarum Ecclesiarum innixi, & causam hanc „ad meram disciplinam pertrahentes, pro rebaptisatione sta- „bant.

Franciscus Dupont Diaconus Sueffionensis & socius Sorbonicus in suâ minore ordin. die 7. Junii an. 1742. Præsidente Carolo le Febvre Doctore Theologo: „rebaptisanti, „*inquit*, Cypriano obstirir Sanctus Stephanus; ille quæstio- „nem ad disciplinam, non ad fidem pertinere censébat.

Dominus Drouin Præsbyter Tullensis in suâ minore ordin. die 19. Junii an. 1742. Præsidente Joanne Baptista Aronio de Monti Doctore Theologo: „rebaptisationem, *inquit*, „ut disciplinam propugnare SS. Cyprianus, Firmilia- „nus, impugnavit S. Stephanus.

Quid amplius? testantur ipsimet Sorbonici Professores communem ætate nostrâ Theologorum esse sententiam, quòd S. Cyprianus non ad fidem, sed ad meram disciplinam pertinere censuerit causam de baptisinate Hæreticorum.

Vogan Doctor & Professor Sorbonicus in suis Theologicis de Sacramentis prælectionibus in Sorbonâ habitis an. 1737. „ alii, *inquit*, communiter S. Cypriani resistantiam „ excusant, quod putaverit ejusmodi controversiam non ad „ fidem pertinere, sed tantum ad disciplinam; unde conclu- „ dunt S. Doctorem in hac hypotesi merito censuisse dis- „ ciplinam in Africâ receptam, & variis Conciliis confirma- „ tam non potuisse à Summo Pontifice invitis Africanis permutari vel abrogari.

De la Haye Doctor & Professor Sorbonicus in suis Theologicis de Baptismo prælectionibus in Sorbona habitis an. „ 1738. Plures Theologi, *inquit*, cap. 5. art. 1<sup>o</sup>. „ ut Natalis „ Alexander, Honoratus Tornelly & cæteri hujusce nostræ „ ætatis contendunt S. Cyprianum quæstionem rebaptisatio- „ nis ut nudæ disciplinæ negotium duxisse.

Ex his omnibus manifestissime liquet universalem esse Galliæ Theologorum sententiam, quod S. Cyprianus hanc de rebaptisandis Hæreticis controversiam non fidei sed meræ disciplinæ adscribebat. Haud quidem me latet ex Jansenianis & Quesnelistis plures, ut viam sibi sternant ad inficiandam Ecclesiæ, ut vulgò dicitur dispersæ, inerrantiam contendere, ac vociferari S. Cyprianum in hac quæstione agi de dogmate censuisse; verum ubi à communi Catholicorum Galliæ Theologorum doctrinâ recedunt, neminem fore puto Gallis adeò insensum ac iniquum, ut à Jansenianis & Quesnelistis potius quàm à Catholicis genuinos ipsorum sensus depromendos esse velit.





## CAPUT SECUNDUM.

*JUXTA UNIVERSALEM GALLIÆ THEOLOGORUM ac scriptorum Doctrinam S. Cyprianus probe noverat quam S. Stephanus afferebat consuetudinem, non peculiarem Romano Pontifici, sed universalem fuisse tunc temporis Ecclesiæ consuetudinem, ac ab omnibus Episcopis antiquitus servatam fuisse.*

**E**minentissimus Card. du Perron in suâ replicatione ad Magnæ Britanniae Regis responsionem hæc habet pag. 839. *Objiciunt Heterodoxi » Cyprianum in causâ baptis- » matis Hæreticorum opponentibus consuetudinem seu tra- » ditionem non aliquibus peculiarem, sed universalem Ec- » clesiæ respondisse Christum Dominum non dixisse, ego » sum consuetudo; sed ego sum veritas; sed addere etiam » debebant Cyprianum tunc temporis contra veram Ecclesiæ » doctrinam disputasse. (\*)* Si Cypriano ignotum censuisset Perronius quòd Stephani consuetudo universalis fuisset Ecclesiæ praxis, proculdubio Hæreticis reposuisset Cyprianum ideo huic consuetudini seu traditioni non acquiescisse, quia peculiarem alicui Ecclesiæ, non verò universalem eam esse putabat, proindeque ab Hæreticis immeritò Cypriani exemplum afferri ad evertendam universalium traditionum auctoritatem. Facilis ac peremptoria fuisset ista responsio, imò debita, ut potè quæ Cyprianum ab exitiali culpâ adversus

(\*) Ils réchargent (les Hérétiques) que S. Cyprien dit ailleurs non parlant d'une coutume ou tradition particulière de quelques-uns, mais de la coutume universelle de l'Eglise touchant le Bapême des Hérétiques

que notre Seigneur n'a point dit, je suis la coutume, mais je suis la vérité; mais ils doivent aussi ajouter que S. Cyprien disoit lors contre la vraie doctrine de l'Eglise. pag. 839. edit. Paris. 1620.

Hæreticorum calumnias vindicasset. Tamen Hæreticis concedit eruditus Cardinalis Cyprianum nec ipsi universali Ecclesiæ consuetudini cedere voluisse, ac fatetur ipsum non modo contra Stephani, sed & *contra Ecclesiæ Doctrinam disputasse*. Hanc ergo Ecclesiæ consuetudinem ac Doctrinam sibi adversari noverat Cyprianus ad mentem Emin. Præfulis.

Illustrissimus Languetius Senonensis Archipræfûl in documento Pastoralis » contenant les remarques sur l'instruction » de Mr. le Card. de Noailles *edito an. 1719*. Cyprianus » *inquit* pag. 95. & Africani Præfules meritòne summo » Pontifici & Orbi universo restiterunt ? (a) & pag. 96. Felicior & Sanctior Cyprianus fuisset, si resistentiæ docilitatem » prætulisset, si fateri voluisset sedem Apostolicam cum » majori Episcoporum numero conjunctam victricem semper » extitisse. (b) Cum igitur velit clarissimus Antistes Cyprianum in eo culpandum esse, quod summo Pontifici & Orbi universo restiterit, quòd sedem Apostolicam una cum majori Episcoporum numero invictam semper esse noluerit agnoscere, pro certo tenet ac indubio notum Cypriano probè fuisse *sedem Apostolicam, majorem Episcoporum numerum, Orbem universum* suæ opinioni contrarium extitisse.

Illustrissimus de Saleon Ruthenensis Episcopus in documento Pastoralis, *sur l'autorité des décisions de l'Eglise* edito an. 1738. parte 1. pag. 235. *Culpa inquit S. Cypriani eo minus excusanda erat, quòd non solum Stephani decreto sed etiam universalis Ecclesiæ consuetudini renitebatur*; (c) & paulo post *S. Cyprianus ipse Ecclesiæ consuetudinem sua opinioni contrariam esse fatetur*, (d) quod deindè ex S. Augustino aliisque confirmat. Nil Luculentius pro re nostrâ.

(a) S. Cyprien, les Evêques d'Afrique eurent-ils raison de résister au Pape & au reste du monde ?

(b) S. Cyprien eût été plus heureux, plus saint, plus grand, s'il eût préféré le parti de la docilité à celui de la résistance, & s'il eût enfin reconnu que le S. siège, avec le plus grand nombre des Evêques, a toujours été vainqueur.

(c) La faute de S. Cyprien étoit d'autant moins excusable qu'il agissoit non-seulement contre le décret du Pape Etienne, mais encore contre la pratique de l'Eglise Universelle.

(d) S. Cyprien lui-même reconnoît que la coutume de l'Eglise étoit contraire à son sentiment.

Eminentissimus Card. de Noailles Parisiensis Archiepiscopus in docum. Pastoralis dato die 14. Januarii 1719. palam agnoscit S. Cyprianum non modò Stephani Romani Pontificis, sed & pluralitatis Episcoporum auctoritati restitisse ac cedere noluisse; *Restitit quidem* inquit pag. 73. *S. Cyprianus auctoritati Stephani Rom. Pontificis & pluralitatis Episcoporum, cessisset tamen juxta Augustinum plenarii Concilii judicio.* (a) Eminentissimo Præfuli planè concinunt Episcopi Apamiensis, Senensis, Monspeffulani, Bononiensis, Antistiodorensis & Maconensis in ipsorum responsione ad Pastorale documentum Emin. de Bissi edità an. 1723. pag. 87. atque in aliis elucubrationibus quas vulgarunt. Cum ergo S. Cyprianus Romano Pontifici & Episcoporum pluralitati cedere noluerit, profectò noverat pluralitatem Episcoporum una cum Stephano Rom. Pontifice sibi adversari.

Isambertus Doctor & Professor Sorbonicus ad quæstionem 64. ubi de Sacramentis, disputat. 4. artic. 1. pag. 121. „ S. Cyprianus *inquit* tam in illà Epistolà (*ad Jubaianum* „ quàm in Concilio 87. Episcoporum ait rationem & veritatem esse præponendam consuetudini, ergo supponit „ traditionem fuisse contrariam suæ opinioni, & paulò *infra* „ non negat Cyprianus hanc *Hæreticos non rebaptisandi* esse „ communem traditionem Ecclesiæ, ut Augustinus rectè notat „ lib. 3. de baptismo cap. 12.

P. Frassen Doctor Sorbonicus in tractatu de Sacramentis art. 3. quæst. 3. pag. 95. „ tam Cyprianus ipse quam ejus „ Collegæ in Concilio apertè agnoverunt consuetudinem & „ traditionem Ecclesiasticam sibi adversari, si quidem pluries inculcant consuetudinem debere cedere veritati, & pag. „ 100. *Ut probet S. Cyprianum à suâ sententiâ tandem recessisse, ita prosequitur* : Non est verisimile S. Cyprianum „ pertinaciter suæ opinioni adherere voluisse contra senten-

(a) S. Augustin remarque que si S. cyrien avoit résisté à l'autorité du Pape Etienne & de la pluralité des Evêques, il auroit indubitablement cédé au jugement du Concile Plénier.

„ tiam ab omnibus fidelibus toto Orbe propugnatam &  
 „ assertam ; quâ ratione enim vir sanctissimus absque ma-  
 „ nifestâ culpâ posuisset suum sensum privatum communi  
 „ Ecclesiæ sententiæ opponere.

Autor defensionis declarat. Cleri Gallic. an. 1682. sub  
 nomine Bossuetii Meldensis olim Episcopi extra Galliam  
 vulgatæ parte 2. lib. 14. cap. 7. pag. 266. „ Neque verò  
 „ *inquit* aliud Stephanus prædicabat & quidem urgebat con-  
 „ suetudinem , sed universalem , sed ab Apostolis constantif-  
 „ simo tenore ad nos usque deductam , quam liber anonymus  
 „ apud Rigaltium Stephani tempore adversus Cyprianum  
 „ Cyprianique asseclas conscriptus appellat vetustissimam con-  
 „ suetudinem Ecclesiæ. . . quin ipsâ flagrante discordiâ Cy-  
 „ prianus ejusque Collegæ Africani consuetudinem sibi ad-  
 „ versari ultrò fatebantur : id sæpè Augustinus notat. Uni-  
 „ versalem quam Stephanus urgebat Ecclesiæ consuetudinem  
 sibi adversari ultrò fatebatur Cyprianus juxta expressam fa-  
 mosi hujusce defensoris sententiam.

Fleuriacus Histor. Eccl. tom. 2. lib. 7. cap. 26 pag.  
 281. „ Veterem Ecclesiæ consuetudinem Cypriano oppo-  
 „ nebant Episcopi non rebaptisantes , illam fatetur quidem  
 „ S. Cyprianus , at rationi subjiiciendam esse contendit ( a )  
 Fleuriacum exscribit D. Cellier Benedictinus Histor. Sacror.  
 Autorum tom. 3. pag. 131.

Tillemontius Hist. Eccl. tom. 4. artic. 43. de Cypria-  
 no pag. 139. „ S. Cyprianus *inquit* satis apertè fatetur se  
 „ antiquam non sequi Ecclesiæ consuetudinem ; ( b ) &  
 „ pag. 144 plerique Episcopi Concilii Cartaginensis 3. ( *in*  
 „ *causâ nimirum baptismi Hæreticorum* ) ideò juxta Au-  
 „ gustinum asserunt veritatem consuetudini esse præpo-  
 „ nendam , quia tunc etiam temporis eorum praxis consue-

( a ) S. Cyprien s'efforça de répondre aux  
 deux raisons des Evêques qui ne rebapti-  
 soient point , la première que le Bâptême est  
 un , & ne peut être réitéré ; la seconde  
 qu'il faut suivre l'ancienne coutume ; quant

à la coutume il en convient , mais il dit que  
 la raison doit l'emporter.

( b ) S. Cyprien reconnoit assez claire-  
 ment qu'il ne suivoit pas l'ancienne coutu-  
 me ( de l'Eglise )

„tudini pluralitatis Ecclesiarum erat contraria. (a)  
 „Autor Operis Gallicè inscripti „remarques sur la Biblio-  
 „teque des Auteurs Ecclesiast. de Mr. Dupin *sic loquitur*  
 „tom. 1. pag. 275. obiervari potest quòd in quæstione bap-  
 „tismatis Hæreticorum S. Cyprianus fatebatur traditionem  
 „non modò Ecclesiæ Romanæ, sed etiam Ecclesiarum Afri-  
 „canarum suæ opinioni esse contrariam. (b)

Natalis Alexander Hist. Eccles. tertii sæculi dissert. 12.  
 art. 1. pag. 686. „justissima *inquit* fuisset excommunicatio  
 „à Stephano Papâ in Cyprianum ipsique consentientes in  
 „dogmate de rebaptisandis Hæreticis Episcopos. Quis enim  
 „justè excommunicari neget eos qui errorem timentur ab  
 „Apostolicâ sede, & aliis Ecclesiis damnatum, & in errore  
 „manent pertinaces? Cum itaque hic esset Cypriani status  
 „non fuisset injustè in eos lata excommunicatio à Stephano.  
 Cypriani in suâ opinione pertinacia aliis excusatione, aliis  
 laude digna videatur, excommunicationem & quidem jus-  
 tissimam hujusce Sorbonici Doctoris judicio merebatur. Quare?  
 Quia Cyprianus suam opinionem contra Stephani R. Ponti-  
 ficis & aliarum Ecclesiarum sententiam pertinaciter tuebatur.  
 Ex quo liquet Cyprianum haud ignorasse alias Ecclesias unâ  
 cum Stephano sibi adversari. Citata Natalis Alexandri verba  
 refert, probatque D. Chiconot in dissertatione Gallicâ *sur la*  
*celebre dispute entre le Pape S. Etienne & S. Cyprien* Pari-  
 siis editâ an. 1725. pag. 198. qui & addit doceri commu-  
 niter à Theologis S. Cyprianum suam opinionem adversus  
 Stephani R. Pontificis & aliarum Ecclesiarum judicium per-  
 tinaciter propugnasse.

Duhamel Doctor Sorbonicus in suâ Theologiâ : *erravit in-*  
*quit hâc in re Cyprianus, sed non deseruit unitatem Ecclesia*  
*neque adeò in schisma aut hæresim incurrit, licet non acquie-*

(a) S. Augustin demande pourquoi la  
 plupart de ces Evêques (du 3. Concile  
 de Cartage) disent, qu'il faut préférer la  
 vérité à la coutume, c'est parce qu'alors  
 même leur pratique étoit contraire à la cou-  
 tume de la plupart des Eglises.

(b) On peut remarquer que dans la ques-  
 tion du Bâême des Hérétiques S. Cyprien  
 convenoit que la tradition des Eglises d'A-  
 frique aussi bien que celle de l'Eglise Ro-  
 maine étoit contraire à son sentiment.

*rit 'huic Ecclesie traditioni (a) non Romano Pontifici tantum, ut vides, sed nec Ecclesie traditioni acquiescere voluit S. Cyprianus.*

L' Herminier Doctor Sorbonicus in tractatu de Sacramentis pag. 133. *perpetuam inquit hanc traditionem (Hæreticos non rebaptisandi) Ecclesia colligimus ex ipso S. Cypriano, qui non traditione sed ratione vincendum putat.* Non ergo certè hanc S. Cyprianus ignorabat perpetuam Ecclesie traditionem sibi adversari.

Juenin in suo Commentario de Sacramentis quæst. 5. art. 3. §. 6. pag. 100. *de nostrum inquit Ecclesia traditione Hæreticos non rebaptisandi Cyprianus ipse conveniebat, & paulò post ex S. Augustino probat S. Cyprianum universalem hanc Ecclesie consuetudinem ubique intuitum fuisse his verbis: sic de Cypriano loquitur Augustinus: ubique intuens universalem robustamque consuetudinem... idem S. Doctor asserit Cyprianum egisse adversus totius Orbis morem.*

Du Saussai in libello cui gallicè titulus, „ la vérité ren-  
„ duë sensible tom. 2. pag. 59 S. Cyprianus non putavit se  
„ teneri ad amplectendam Stephani Papæ sententiam, quamvis  
„ huic Pontifici major sine dubio Episcoporum numerus  
„ adhæreret. (b.) Autor libelli *inscripti* réponse au premier  
„ avertissement de Mr. l'Evêque de Soisson *editi an. 1721.*  
„ *hac habet pag. 212.* S. Cyprianus Firmilianus alii que plu-  
„ res Episcopi ipsis addicti numero longè inferiores erant  
„ ceteris, qui Stephano adhærebant Episcopis; attamen Cy-  
„ prianus meritò juxta S. Augustinum his autoritatibus quan-  
„ tumlibet magnæ essent cedere noluit. (c) Omisâ impu-  
„ dentissimâ S. Augustino ab hoc Autore impactâ calumniâ,

(a) Tom. 1. differt. 3. de traditione cap. 2. pag. 87. edit. Paris. 1690.

(b) S. Cyprien ne se crut pas obligé de déférer au jugement du Pape Etienne, quoique ce Pape eut pour lui, sans contredit, le plus grand nombre des Evêques.

(c) S. Cyprien, Firmilien & beaucoup d'autres Evêques qui leur étoient attachés, étoient en petit nombre en comparaison du

parti nombreux qui soutenoit la validité du Bâême conféré par les Hérétiques. Le Pape Etienne étoit à la tête de ce dernier parti, il avoit décidé qu'il ne falloit rien innover, cependant S. Augustin soutient que S. Cyprien avoit alors raison de ne se point rendre à ces autorités quelque grandes qu'elles fussent.

Constat ex adductis testimoniis S. Cyprianum Stephani & longè majoris Episcoporum numeri auctoritati cedere noluisse. Sciebat ergo Cyprianus non modò Stephanum sed & longè majorem Episcoporum numerum sibi adversari.

P. Constant Benedictinus in suo de Epistolis Rom. Pontificum opere tom. 1. pag. 253. „ Ne igitur *inquit* majores „ suos ac totam penè Ecclesiam damnare Cyprianus videretur „ Episcoporum unicuique permisit sentire vel agere quid „ melius judicaret. *Et paulò infra sic pergit* : durum videbatur Cypriano communionem eis negare qui servarent quod „ in OMNIBUS PROPE ECCLESIIS VIDEBAT SERVARI, quodque à majoribus suis ante Agrippinum observatum esse non „ ignorabat ; cum Stephano enim conspirabant omnes Ecclesie præter Africanas & paucas Orientis provincias, in „ Africâ morem eundem ad Agrippinum usque obtinuisse „ Cyprianus & socii fatebantur. *Nil apertius.*

Theologus Anonymus in suis Epistolis gallicè inscriptis : „ Lettres d'un Theologien à Mr. l'Evêque de Soisson, pour „ servir de réponse à celle que ce Prélat a écrit à Mr. l'Evêque de Boulogne *editis an 1721. hac habet Epistolâ* 1. „ pag. 133. „ S. Cyprianus Papæ Stephani judicio licet à „ majori Episcoporum numero recepto cedere numquam voluit, suam opinionem mordicus retinuit. ( a ) *Idem profert libellus inscriptus* refutation abregée du traité du Schisme „ editus an. 1718. pag. 5. certum est pluralitatem Episcoporum Stephano adhesisse, quod Cyprianus ignorare non „ poterat ( b ) & pag. 41. & seqq. *hac propositio statuitur ac multis probatur argumentis* : Cyprianus cum Stephani decreto restitit, certissimè sciebat pluralitatem Episcoporum „ Stephano adherere ; ( c ) eadem leguntur in libello inscripto *Lettre de Mr. l'Abbé \*\*\* à Monseigneur l'ancien Evêque*

( a ) S. Cyprien ne voulut jamais céder au jugement du Pape Etienne, quoique la décision de ce Pape fut appuyée de l'adhésion formelle du plus grand nombre des Evêques, il persista avec fermeté dans son sentiment.

( b ) Il est certain que la pluralité étoit du

côté de S. Etienne, ce que S. Cyprien ne pouvoit ignorer.

( c ) S. Cyprien dans le refus qu'il fit de se soumettre au Décret du Pape, sçavoit très-certainement que celui-ci avoit la pluralité de son côté.

\*\*\* edito an. 1718. pag. 46. & 47. item in libello cui titulus: *observations sur le premier avertissement de Mr. de Soissons* edito an. 1719. pag. 94. item in libello sub hoc titulo: *Mémoire dans lequel on examine ces deux questions 1°. Si l'appel &c. 2°. Quelle est la force de cet appel &c* pag. 9. atque in aliis pluribus id generis scriptis vvis furtivis in lucem editis.

Turnelius Doctor ac Professor Sorbonicus in tract. de Sacramentis quæst. 7. art. 2. conclusione 1. pag. 377. *ex constanti* inquit *porro Ecclesia traditione longè firmissè deducitur argumentum*, ( pro rejiciendâ nimirum Hæreticorum rebaptisatione ) *quod certè Subodoratus Cyprianus, ac causasua veluti diffidens si ad traditionem provocaret, non consuetudine seu traditione pugnandum hic esse contendebat, sed ratione.* Si quæras à Professore Sorbonico cur ratione, non verò traditione in causâ baptismatis Hæreticorum pugnandum esse voluerit Cyprianus? Respondet quia Cyprianus suæ causæ dissidebat si ad Ecclesiæ traditionem provocaret; sciebat, ergo Cartaginensis Antistes traditionem seu Ecclesiæ consuetudinem suæ opinioni esse contrariam. Idem de Cypriano scribit qui vulgò apud Gallos vocatur *Petit Tornelli* seu latinè *Turnellius contractus* in tractatu de Sacramentis quæst. 7. art. 3. pag. 131.

De Reveroni Licentiatus Sorbonicus in dissertatione dogmaticâ de diffidio inter S. Stephanum & S. Cyprianum jam laudatâ sic loquitur pag. 93. » quodnam ergo judicium » de pertinaciâ Cypriani ferretur, qui decretum summi Pontificis & omnium ferè Ecclesiarum infringere minimè dubitavit? & pag. 92. *ex Augustino probat Cyprianum universalem Ecclesiæ consuetudinem impugnâsse, ex quo inferat Cyprianum culpabilem fuisse.*

D. Thuillier Monach. Benedict. Congreg. S. Mauri in secundâ suâ Epistolâ ad unum à suis confratribus contra appellationem à Bullâ Unigenitus interjectam editâ Parisiis an. 1719. Objectanti Cyprianum R. Pontificis decreto à majori Episcoporum numero licet recepto subscribere no-



luisse, respondit Cyprianum in eo fuisse culpabilem, nec licere quidquam ex illius agendi ratione in jus trahere; ex quo evidens est Cyprianum ad mentem hujusce scriptoris haud ignorasse majorem Episcoporum numerum Stephano consensisse: En Gallica ipsius verba pag. 336. „Un jour viendra, & ce jour n'est pas loin qu'en pensant que vous avez cité l'exemple de S. Cyprien pour me faire voir que dans le sein de l'Eglise & sans s'exposer à son indignation, l'on pouvoit disputer sur le dogme & ne pas se rendre aux décisions Apostoliques acceptées par le plus grand nombre des premiers Pasteurs, vous vous écrirez avec S. Augustin à qui l'on objectoit ce même exemple. O! quam detestandus est error hominum qui clarorum virorum quædam non rectè facta laudabiliter se imitari putant à quorum virtutibus alieni sunt. O! combien dois-je détester l'erreur où j'étois, lorsque sans avoir les vertus d'un si grand Saint, je me faisois un mérite de l'imiter dans la seule faute que l'on puisse lui reprocher.

D. Marand jam supra laudatus in præfatione quam Baluzianæ operum S. Cypriani editioni præmisit: *Cyprianus*, inquit pag. 17. *humanam appellat traditionem, quod nullius Concilii autoritate constitutum in maximis quibusque Ecclesiis summo consensu observabatur.* Non solum quod in Ecclesiâ Romanâ verum etiam quod *in maximis quibusque Ecclesiis summo consensu* observabatur, humanam Cyprianus appellabat traditionem ex hoc Autore; non ergo solius Ecclesiæ Romanæ, sed & maximarum quarumcumque Ecclesiarum consuetudinem seu traditionem rejiciendam esse contendebat.

De Cypriano idem nostrâ etiam ætate docet ac testatur schola Sorbonica. Danes. Docteur ac Professeur Sorbonicus in suis de Ecclesiâ Theologicis prælectionibus in Sorbonâ habitis an. 1717. *certè*, inquit, disputat. quæst. 1. art. 3. conclus. 4. in responsionem ad primam instantiam objectionis primæ. „Ut jam observavimus Episcopi Asiatici & Africani

„Africani in causis Paschatis, & Baptismi resistebant non solum  
 „autoritati Romani Pontificis, sed autoritati totius Ecclesiæ  
 „quæ universa, exceptis paucissimis Ecclesiis, eas consue-  
 „tudines sequebatur, quas vindicabant Romani Pontifices.  
 „Itaque objectio nimis probat, impugnatur enim æquè auto-  
 „ritatem Ecclesiæ Catholicæ, ac Romani Pontificis.

Brillon Doctor & Professor Sorbonicus in suis Theo-  
 logicis de Sacramentis prælectionibus in Sorbonâ habitis an.  
 1730. „tùm Cyprianus *inquit quest. 3.* tùm Africani Præ-  
 „sules agnoverunt in Africanis Conciliis consuetudinem &  
 „traditionem Apostolicam sibi adversari, identidem in his  
 „Conciliis inculcant consuetudinem debere cedere veritati.

Vogan Doctor & Professor Sorbonicus in suis Theologi-  
 cis de Sacramentis prælectionibus in Sorbona habitis an. 1737.  
 „S. Augustinus *inquit cap. 8. art. 1.* qui variis in locis hanc  
 „consuetudinem appellat universalem, robustam, saluberrimam  
 „quam quidem S. Cyprianus eodem teste ubique intuebatur,  
 „& egit tamen adversus totius orbis morem.

Delahaye Doctor & Professor Sorbonicus in suis Theo-  
 logicis de Baptismo prælectionibus in Sorbona habitis  
 an. 1738. „justa *inquit cap. 5. art. 1.* omninò fuisset excom-  
 „municatio S. Stephani, si lata fuisset in rebaptisantes, ea enim  
 „excommunicatio fuisset justissima, quæ in eos cæcidisset, qui  
 „errorem ab Apostolicâ sede & ceteris Ecclesiis proscriptum  
 „tuerentur, & in quo pertinaces forent. Porrò talis erat  
 „error S. Cypriani & S. Firmiliani, ergo justè excom-  
 „municati fuissent. & *art. 3.* ex hiis quæ huc usque retuli-  
 „mus constat majorem Episcoporum partem adhæsisse S. Ste-  
 „phano, unde sequitur ipsius sententiam fuisse Ecclesiæ sen-  
 „tentiam . . . fatendum est infallibilitatem activam residere  
 „in majori parte Episcoporum, ideoque S. Stephanum in-  
 „dependentem à subsequenti Ecclesiæ judicio, quæ rem ex  
 „fide explicitâ credendam declaravit, tenuisse veritatem,  
 „siquidem non una tantum fuit Stephani sententia, sed etiam  
 „majoris partis Episcoporum, undè S. Cyprianus vim ar-

» gumenti ex Ecclesiæ consuetudine & majori Episcopo-  
 » rum numero conatur elidere, opponendo veritatem, quam  
 » falsò prætendebat.

Plures consulat, qui plura desiderat in probationem asser-  
 tionis nostræ. At ni fallor ex his, quæ huc usque retuli-  
 mus luculenter apparet universalem esse Galliæ Theologo-  
 rum ac scriptorum opinionem, quòd Cyprianus probè no-  
 verat, quam Stephanus vindicabat consuetudinem à longè  
 majori Episcoporum parte tunc temporis receptam fuisse, ac  
 Ecclesiæ universalis fuisse consuetudinem, & certè vix unum  
 vel alterum ex Gallis scriptoribus invenies aliter in hæc re  
 sentientem.

Quòd autem Cyprianus juxta communem etiam Theolo-  
 gorum modò laudatorum doctrinam noverit Stephani con-  
 suetudinem ab omnibus Episcopis antiquitus servatam fuisse  
 sic demonstramus. Qui Agrippinum existimat primum re-  
 baptismationis parentem, necessariò agnoscit neminem Epif-  
 coporum ante Agrippinum Hæreticos rebaptisasse, & con-  
 sequenter Stephani R. Pontificis consuetudinem ante Agrip-  
 pinum ab omnibus Episcopis observatam fuisse, atqui jux-  
 ta communem Galliæ scriptorum ac Theologorum opinio-  
 nem S. Cyprianus Agrippinum censebat primum rebapti-  
 ficationis parentem. Id enim affirmant Jambertus, Frassen,  
 Deffensor declar. Cleri Gallicani, vulgò Bossuetius Mel-  
 densis Episcopus, Tillemontius, Fleuriacus, Baillet, Au-  
 thor operis cui titulus, *remarques sur la Bibliot. des Au-*  
*teurs Eccl. de Mr. Dupin*, l'Erminier, Habert. P. Marand  
 Benedictinus, P. Gervasius, D. Brillon & D. Beuret Pro-  
 fessores Sorbonici quorum omnium verba suprà retulimus  
 à pag. 89. usque ad pag. 96.

Hoc insuper docent Juenin. Natalis Alexander, nec non  
 de Reveroni in suâ dissertatione dogmaticâ de dissidio inter S.  
 Stephan. & S. Cyprianum. & ceteri ferè omnes qui de re-  
 baptismationis origine tractarunt: *Agrippinus* inquit Juenin  
 comm. de Sacram. quest. 6. artic. 3. pag. 80. „ qui

„ desinente seculo secundo Cartaginensem Ecclesiam rexit  
 „ primus inter Catholicos Hæreticorum Baptisma nullum esse  
 „ censuit, probatur 1°. Autoritate Cypriani. *Ex S. Cypriano*  
 „ *itidem probat Natalis Alexander Hist. Eccl. sec. 3. cap. 3.*  
 „ *artic. 5.* Agrippinum omnium primum abdicasse Bap-  
 „ tismum ab Hæreticis collatum. *De Reveroni in citatâ dis-*  
 „ *sertatione Cyprianus inquit pag. 21.* ab Agrippino ducere  
 „ initium rebaptisationem memorat his verbis: & *pag. 129.*  
 „ non tantum Historici plures & Patres doctissimi fatentur  
 „ Cypriani novam esse sententiam, sed ipsemet Cyprianus  
 „ eam esse subintroducendam agnosce- dam ab Agrippino re-  
 „ petit. „ Jure ergo concludimus Cyprianum juxta commu-  
 „ nem Gallorum doctrinam etiam novisse Stephani consuetu-  
 „ dinem ab omnibus Episcopis antiquitus servatam fuisse.





# DISSERTATIONIS

## PARS SECUNDA.

*SOLIDA ET INVICTA SUNT QUÆ AD  
profligandum ac evertendum ex S. Cypriano petita  
adversus Pontificiam inerrantiam Neotericorum ar-  
gumentum, à sapientissimis Gallie Theologis addu-  
cuntur.*

**V**Idimus quo pacto sapientissimi Gallie Theologi istud  
Neotericorum argumentum vacuum & inane conficiant  
ac penitus evertant, propugnando nimirum, sicuti ceteri  
Pontificie inerrantie vindices, S. Cyprianum exortam de  
Hæreticorum Baptismo contentionem non fidei sed meræ  
discipline retulisse, atque ipsum probè novisse quam Ste-  
phanus R. Pontifex asserbat consuetudinem Universalis Ec-  
clesiæ tunc temporis fuisse consuetudinem, ac ab omnibus  
Episcopis antiquitus servatam fuisse. Restat ut hæc duo Gal-  
lorum doctrinæ capita solidis & invictis niti momentis os-  
tendamus. Id totidem capitibus assequemur.





## CAPUT PRIMUM.

EXPONUTUR MOMENTA QUIBUS EVINCITUR  
*causam de baptismo Hæreticorum Cypriano visam  
 fuisse rem non fidei sed mæ disciplinæ.*

1°. ILLAM opinionem seu praxim ad fidem pertinere nul-  
 latenus iudicavit Cyprianus, cuius originem non à Christo  
 vel ab Apostolis, sed ab Agrippino prædecessore suo repetit ;  
 atqui Cyprianus suæ opinionis originem ab Agrippino re-  
 petit, non verò à Christo, vel ab Apostolis : „ apud nos *inquit*  
 „ *S. Doctor in Epist. ad Jubajan* 73. Non nova aut repen-  
 „ tina res est, ut baptisandos censeamus eos qui ab Hæreticis  
 „ ad Ecclesiam veniunt ; quando multi jam anni sint &  
 „ longa etas, ex quo sub Agrippino bonæ memoriæ viro  
 „ convenientes in unum Episcopi plurimi hoc statuerint,  
 „ atque exindè in hodiernum tot millia Hæreticorum in pro-  
 „ vinciis nostris ad Ecclesiam conversi non aspernati sint ne-  
 „ que cunctati imò & rationabiliter & libenter amplexi sint,  
 „ ut lavacri vitalis ac salutaris baptismi gratiam conseque-  
 „ rentur. » Vides hic Cyprianum suæ opinionis antiquitatem  
 ostentantem, qui tamen altius eam non repetit, quàm ab  
 Agrippini temporibus ; siluisset ne Agrippino antiquiorem si  
 aliquem sibi faventem agnovisset ? Plures enumerat Hæreti-  
 cos jam diu in Provinciis Africanis rebaptisatos ; at non  
 antè sed post Agrippinum : *atque exindè inquit in hodie-  
 num tot millia Hæreticorum &c.* Agrippino ergo vetustiore  
 non agnoscebar S. Doctor rebaptisationis autorem.

Audire juvat Augustinum, qui iterum atque iterum affirmat  
 Cyprianum rebaptisationis initium ab Agrippino duxisse : *idèò*

*autem* inquit lib. 3. de bapt. cont. donat. cap. 12. „ non se  
 „ rem novam aut *repentinam* beatus Cyprianus ostendit, quia  
 „ sub Agrippino fieri jam *ceperat*, anni sunt *inquit* multi,  
 „ & longa ætas, ex quo sub Agrippino bonæ memoriæ viro  
 „ convenientes Episcopi plurimi hoc statuerunt „ proinde ab  
 „ ipso Agrippino res nova facta est. *Et lib. 2. cap. 7.* hanc  
 „ ergo ( *Ecclesia* ) Saluberrimam consuetudinem per Agrip-  
 „ pinum prædecessorem suum dicit sanctus Cyprianus cœpisse  
 „ corrigi, sed sicut diligentius inquisita veritas docuit, verius  
 „ creditur per Agrippinum corrumpi cœpisse, non corrigi.  
 „ Teste igitur Augustino S. Cyprianus inde probabat se in re-  
 „ baptisandis Hæreticis rem novam non facere, quia jam sub  
 „ Agrippino id fieri *ceperat*; rebaptisationem ergo sub Agrip-  
 „ pino *capisse* putabat Antistes Cartaginensis. Præterea vides  
 „ Augustinum ex Cypriani verbis colligere *rem novam ab Agrip-  
 „ pino factam fuisse*. Tandem juxta expressissimam Augustini  
 „ sententiam S. Cyprianus dicit saluberrimam consuetudinem  
 „ Hæreticos non rebaptisandi per Agrippinum prædecessorem  
 „ suum *CÆPISSE* corrigi, Agrippinus ergo juxta Cyprianum re-  
 „ baptisationi dederat exordium.

Audiamus iterum Augustinum „ quam tamen *inquit lib. 2. de  
 bapt. cap. 8.* consuetudinem ( non rebaptisandi ) nisi prior  
 „ antè Agrippinus, & nonnulli per Africam Coepiscopi ejus  
 „ etiam per Concilii sententias deserere tentavissent, non aude-  
 „ ret Cyprianus saltem ratiocinari adversus eam. *Et lib. 4.  
 „ cap. 6.* istam consuetudinem tam robustam & antea idem  
 „ Cyprianus invenit, ut cum ejus mutandæ autoritatem, quam  
 „ sequeretur vir tantâ scientiâ præditus quæreret, non nisi in Afri-  
 „ cā solâ factum paucis ante se annis Agrippini Concilium  
 „ reperiret. Vides ex Augustino Cyprianum solâ Agrip-  
 „ pini, & nonnullorum Episcoporum cum ipso sententiarum au-  
 „ toritate motum fuisse ad Ecclesiæ consuetudinem mutandam,  
 „ solam Agrippini Concilii in totis retroactis temporibus au-  
 „ toritatem sibi faventem reperiisse, & consequenter eā antiquio-  
 „ rem non invenisse nec agnovisse.

Rursus Augustinus lib. 2. de bap. cap. 8. » sed cum *inquit* » fatigatum (*Cyprianum*) præcedentis Concilii, quod per Agrippinum factum est excepisset autoritas, maluit Prædecessorum » suorum tanquam inventum defendere, quàm inquirendo amplius laborare; nam in fine Epistolæ ad Quintum ita ostendit » in quo tanquam lectulo auctoritatis quasi fessus adqueverit, » quod quidem *inquit* & Agrippinus bonæ memoriæ vir statuit &c. Cyprianus, ut ex Augustino percipis, voluit opinionem suam defendere, non tanquam aliquid à Christo, vel ab Apostolis traditum, sed *tanquam à Prædecessoribus suis* (ab Agrippino scilicet & Episcopis ipsius Concilio subscribentibus) *inventum*; in hujus Agrippini, non vero Christi, vel Apostolorum autoritate veluti *fessus acquievit*.

Et verò quonam pacto Cyprianus rebaptisationis originem altius ab Agrippino repetere potuisset; Cyprianus inquam, qui, ut infra demonstrabimus, bene noverat antiquam universæ Ecclesiæ consuetudinem sibi adversari?

II Non propugnatur ut fidei dogma, quod tantum vindicatur ut *fidei congruum & magis pertinens ad sacerdotalem auctoritatem & Ecclesiæ Catholicæ unitatem*: quod enim asseritur fidei congruum, supponitur de fide non esse; quod dicitur ad fidem magis accedere, magis pertinere, fidei veritas non creditur; sic E. G. qui sententiam de Verbi divinitate fidei congruentem, ad fidem magis accedentem assereret, omnium judicio de Verbi divinitate minus catholicè sentiret, cur tandem? Quia Verbi divinitatem ad fidei nostræ dogmata revocare minimè censeretur; Ecclesiastica verò merè disciplinæ statuta meritò vocantur fidei congruentia, sacerdotalem firmant auctoritatem, atque Ecclesiæ Catholicæ roborant unitatem. Porro S. Cyprianus suam de Hæreticis rebaptisandis opinionem *fidei quidem congruentem* appellavit, non verò fidei veritatem. *Magis pertinentem* asseruit *ad sacerdotalem auctoritatem & Ecclesiæ Catholicæ unitatem*; non verò necessariam; *quorum*, *inquit* in Epist. ad Quintum 71., (id est Agrippini & aliorum, qui cum ipso rebaptisationem



statuerant ) » sententiam & religiosam & legitimam & salutarem, fidei & Ecclesiæ Catholicæ congruentem nos etiam » secuti sumus. *Et in Epist. ad Stephanum* 72. de eo inquit vel » maximè tibi scribendum, & cum tuâ gravitate ac sapientiâ » conferendum fuit, quod magis pertineat, & ad sacerdotalem » auctoritatem, & ad Ecclesiæ Catholicæ unitatem, pariter, ac dignitatem de divinæ dispositionis ordinatione venientem, eos qui sint foris extra Ecclesiam tincti, & apud » Hæreticos, & Schismaticos prophanæ aquæ labe maculati, » quando ad nos atque ad Ecclesiam, quæ una est venerint » baptisari oportere. Aliter loquentem audires S. Doctorem in iis, quæ tanquam fidei dogmata vindicabat. Non fidei congruentem, sed *fide credendam* dicebat sententiam de unitate Ecclesiæ servandâ: *hanc Ecclesia unitatem*, inquit in tract. de Eccl. unitate *qui non tenet, tenere se fidem credit? . . . hanc unitatem qui non tenet, non tenet Patris & Filii fidem.* Non fidei congruentem, sed fide tenendam dicebat sententiam quâ infantes etiam baptisari posse docebatur: *esse* inquit in *Epist. ad Fidum* 64. *apud omnes sive infantes sive majores natam unam divini muneris ( Baptismi ) aequalitatem declarat nobis divina scriptura fides.* Verum urgetne aliqua meræ disciplinæ capita? Hæc fidei congruentia appellare solet; sic fidei congruentes appellat litteras Confessorum, in quibus lapsorum poenitentium nomina secundum Ecclesiasticam consuetudinem designabantur: & ideo inquit in *Epist. ad Martyres & Confessores* 15. *peto ut eos ( lapsos ) quos ipsi videtis, quos nostis, quorum poenitentiam satisfactioni proximam conspiciatis, designetis nominatim libello, & sic ad nos fidei congruentes litteras dirigatis.* Sic fidei congruentem vocat suam erga lapsos agendi rationem, scilicet quòd lapsis pacem dederit imminente persecutione: Nos inquit in *Epist. ad Cornelium* S. Pontificem 57. *quod fidei & charitati & sollicitudini congruebat quæ erant in conscientiam nostrâ protulimus.* Ex quibus apertissimè constat non modò in sensu obvio & naturali, sed etiam in phrasi Cyprianicâ ad capita disciplinæ, non autem ad fidei dogmata

dogmata revocari, quæ tantum dicuntur fidei congruentia, & ad eam magis pertinentia.

III. Quod Deus alicui fidelium revelat, inspirat tamquam quid melius, quid utilius, tamquam efficacius ad Hæreticos excitandos ut ad Ecclesiæ unitatem redeant, hoc meram sona æconomiam ac disciplinam, nullatenus verò fidei dogma. Porro S. Cyprianus suam de Hæreticis rebaptizandis opinionem & praxim antiquæ Ecclesiæ consuetudini præponendam contendit tamquam aliquid à Deo quibusdam inspiratum ut melius & utilius, ut magis alliciens Hæreticos ad Ecclesiæ unitatem amplectendam; en verba Cypriani in Epist. ad Quintum 71. „non est autem de consuetudine „præscribendum sed ratione vincendum, nam nec Petrus „quem primum Dominus elegit & super quem ædificavit „Ecclesiam suam, cum secus Paulus de Circumcisione post- „modum disputaret, vindicavit sibi aliquid insolenter aut ar- „roganter assumpsit, ut diceret se primatum tenere & ob- „temperari à novellis & posteris sibi potius oportere, „nec despexit Paulum quòd Ecclesiæ prius persecutor fuisset, sed consilium veritatis admisit, & rationi legitimæ „quam Paulus vindicabat facile consensit, documentum sci- „licet nobis & concordix & patientiæ tribuens, ut non „pertinaciter nostra amemus, sed quæ aliquandò à fratribus „& collegis nostris utiliter & salubriter suggeruntur si sint „vera & legitima, ipsa potius nostra ducamus; cui rei Paulus quoque prospiciens in Epistolâ suâ posuit dicens, „Prophetæ autem duo aut tres loquantur & ceteri exami- „nent, si autem alii revelatum fuerit sedenti, ille prior taceat: quâ in parte docuit & ostendit multa SINGULIS IN „MELIUS revelari, & debere unumquemque non pro eo quod „semel imbiberat, & tenebat pertinaciter congrèdi, sed „si „QUID MELIUS & UTILIUS extiterit libenter amplecti non „enim vincimur, quando offeruntur nobis MELIORA: & in „Epist. ad Jubaian. 73. Porro autem inquit cum Hæretici „cognoscunt baptisina nullum foris esse, nec remissam pec-

„catorum extra Ecclesiam dari posse, avidius ad nos & „promptius properant & munera ac dona Ecclesiæ matris „implicant. “ Quare ergo Cyprianus in causâ baptismatis Hæreticorum consuetudine præscribendam non esse contendit? Quia inquit *nemo pertinaciter congregari debet pro eo quod semel imbiberat, quando aliquid melius & utilius offertur.* Suam verò de rebaptis. Hæreticis opinionem & praxim, tamquam quid melius & utilius esse recipiendam probat ex eo quod Hæretici intelligentes Baptisma foris (id est extra Ecclesiam) nullum esse, promptius, ac avidius ad Ecclesiæ unitatem redibunt. An Ergo fidem aliquatenus spectare censebat Antistes Cartaginensis quod aliis offerrebat, ut quid melius & utilius? Quod ab aliis antiquâ consuetudine postpositâ suscipiendum esse contendebat, ut Hæretici promptius ac avidius ad unitatem Ecclesiæ redirent? Itane urgeri solent à Sanctis Patribus fidei capita? Suscipiendane dicuntur ut quid melius & utilius? In rebus fidei nullane illius quod in Ecclesiâ antiquitus servabatur habenda ratio? Quàm hæc aliena in rebus fidei, tam in rebus disciplinæ Ecclesiasticæ esse consuetæ, appositæ, ac congruentia, ut tantum decet autorem, nullo labore concipimus.

IV. Ad disciplinæ capita; non ad fidei dogmata revocantur, quæ certis provinciis sunt propria, quæ ab illis merito retineri posse creduntur quando semel apud ipsas usurpata fuere; fides enim non uni vel alteri propria est Provinciæ, sed eadem ubique & omnibus Provinciis Catholicis communis esse debet: *regula fidei* inquit Tertul. lib. de Virgin. veland. *omniò una est, sola immobilis & irreformabilis.* Aliundè quod in Provinciis quibusdam usurpatur, sonat praxim ac disciplinam, non vero fidem, quæ *usurpari* non dicitur, tandem in rebus fidei falsum est hoc principium, quod aliquid merito retineri possit eò ipso, quod semel usurpatum fuit, alioquin dicendum foret à quibusdam Germanis Provinciis merito retineri Luterana placita, quia semel apud eas usurpata fuerunt, quod tamen principium in rebus

meræ disciplinæ jure merito sapius urgeri potest. Porro S. Cyprianus suam de rebaptis. Hæreticis praxim inter ea recenset, quæ certis quibusdam Provinciis sunt propria, quæve merito retineri possunt eo ipso quod apud eas semel fuerint usurpata, sic enim loquitur in Epist. ad Stephanum S. Pontificem 72. *Hæc* (gesta nempe in Concilio Africano pro rebaptisandis Hæreticis) „ad conscientiam tuam frater carissime & pro honore communi & pro simplici dilectione „pertulimus, credentes etiam tibi pro religionis tuæ & fidei „dei veritate placere, quæ religiosa pariter & vera sunt. „Cæterum scimus quosdam quod semel imbibierint nolle „deponere, nec propositum suum facile mutare, sed salvo „inter Collegas pacis & concordie vinculo QUÆDAM PROPRIA QUÆ APUD SE SEMEL SINT USURPATA RETINERE „quâ in re nec nos vim cuiquam facimus aut legem damus. “ Nemo non videt Cyprianum hîc Stephano significare se facile obtemperaturum non esse illius judicio improbanti Africanum de rebaptis. Hæreticis statutum, non eâ ratione, quod R. Pontificis judicia in rebus fidei infallibilia non existimaret, sed eo nixus principio, quod etiam refragante R. Pontifice meritò in quibusdam Provinciis retineri possunt, quæ ipsis sunt propria, & quæ ab ipsis semel usurpata fuerunt, qualis erat praxis de rebaptisandis Hæreticis.

V. Cyprianus apertè declarat de unâ Stephanum inter & ipsum agi disciplinâ; cum enim S. Stephanus pro suâ opinionem attulisset exemplum ipsorummet Hæreticorum, qui ad se venientes non baptisabant, respondet S. Cyprianus *ad illud malorum devolutam non esse Dei Ecclesiam ut ab Hæreticis mutuetur disciplinam ad celebranda Sacramenta*. Hoc ergo Stephani crimen, juxta Cyprianum, quod ab Hæreticis mutuetur disciplinam ad celebranda Sacramenta, disciplinam ergo vocat Cyprianus quod Stephanus propugnabat, de aliquâ ergo disciplinâ judice Cypriano Stephanum inter & ipsum disputabatur; en verba Cypriani in Epist. ad Pompeium 74. „Præclara sanè & legitima traditio Stephano

„fratre nostro docente proponitur, quæ autoritatem nobis  
 „idoneam præbeat; nam in eodem loco Epistolæ suæ ad-  
 „didit & adjecit, cum ipsi Hæretici propriè alterutrum ad  
 „se venientes non baptisent sed communicent tantum, ad  
 „hoc enim malorum devoluta est Ecclesia Dei & sponsa  
 „Christi ut hæreticorum exempla sectetur, ut ad celebranda  
 „Sacramenta cœlestia DISCIPLINAM lux de tenebris mutue-  
 „tur & id faciant Christiani quod Antichristi faciunt.

VI. Si existimasset Cyprianus Stephani consuetudinem sine dispendio Catholici dogmatis servari non posse, dicendum foret S. Cyprianum existimasse dogma Catholicum tunc temporis à S. Stephano R. Pontifice & à longe majori Episcoporum parte, antiquitus verò ab omnibus Episcopis Catholicis impetitum fuisse, noverat enim ut infra probabimus quam Stephanus vindicabat consuetudinem à longe majori Episcoporum parte tunc temporis esse receptam, antiquitus verò ab omnibus Episcopis servatam fuisse. Verum quis Catholicorum hæc impingat tanto Doctori? Fatearis ergo necesse est hanc Cypriano visam fuisse meræ disciplinæ controversiam.

VII. Si Cyprianus à Deo revelatum censuisset nullum esse Baptisma ab Hæreticis collatum, desperasset profectò de illorum infantium salute, qui in præteritum cum solo baptismo ab Hæreticis dato vitâ functi erant, non enim ignorabat validi baptismi necessitatem ad salutem consequendam; atqui tamen ipse fatetur desperandum non esse de eorum omnium salute, qui præteritis temporibus cum solo baptismo ab Hæreticis dato obierant, dummodò in Ecclesiæ sinu dormierint; auscultes ipsi Jubaianum alloquente »quid ergo fiet *inquit* de iis qui in præteritum de Hæ-  
 »rest ad Ecclesiam venientes sine baptismo mortui admissi  
 »sunt? Potens est Dominus misericordiâ suâ indulgentiam  
 »date & eos qui ad Ecclesiam simpliciter admissi in Ecclesiâ  
 »dormierunt ab Ecclesiæ suæ muneribus non separare: *audi &*  
 »*Augustinum id sapiens de Cypriano testantem*: cum Cyprianus

» *inquit lib. 2. de Bap. cap. 13.* arbitraretur eos qui extra  
 » Ecclesiæ communionem baptisarentur Baptismum non ha-  
 » bere, credidit eos tamen in Ecclesiam simpliciter admiſ-  
 » ſos propter ipsius unitatis vinculum posse ad veniam perti-  
 » nere; & *cap. 14.* si ergo Cyprianus quos esse sine Baptismo  
 » arbitrabatur tamen propter unitatis vinculum ad veniam  
 » pertinere; præſumebat; & *cap. 15.* si enim non habebant Bap-  
 » tismum qui ab Hæreticis veniebant sicut asserit Cyprianus,  
 » non rectè admittebantur, & tamen eiſdem ipſe indulgen-  
 » tiam de Domini miſericordiâ propter unitatem Ecclesiæ  
 » non desperavit. Eadem ſcribit lib. 5. cap. 2. lib. 2. conc.  
 Crescon. cap. 33. & aliis in locis. Non est igitur despe-  
 randum iudice Cypriano de illorum ſalute, qui cum ſolo  
 Baptismo ab Hæreticis collato obierunt, dummodò in Eccle-  
 ſiæ ſinu dormierint, dummodò extra Ecclesiæ unitatem non  
 obierint, propter enim huius unitatis vinculum teſte Au-  
 guſtino Cyprianus eos ad veniam pertinere præſumebat,  
 non eſt ergo deſperandum de ſalute infantium cum ſolo  
 Baptismo ab Hæreticis collato virâ ſunctorum; ii enim nul-  
 lâ Hæreſeos labe nondum maculati in Ecclesiæ ſinu dor-  
 mierunt, extra unitatem Ecclesiæ non obierunt. At numquid  
 hanc Dei indulgentiam infantibus ſine ullo Baptismo de-  
 cedentibus tribuebat S. Doctor? non ità ſanè. Quare ergo  
 eam infantibus ſine Baptismo à Catholicis dato deſunſtis  
 imperitur? Niſi quia traditam à Deo iudicabat neceſſita-  
 tem Baptiſmi alicujus ad ſalutem conſequendam, non item  
 Baptiſmi à Catholico collati, & conſequenter ſi Baptiſmum  
 Hæreticorum rejiciendum eſſe contendebat, hoc, non quia  
 à Deo revelatum crederet, ſed ob alias rationes infra di-  
 cendas; non igitur fidei ſuam Cyprianus de rebaptiſandis  
 Hæreticis opinionem devovebat.

VIII. Conſtans eſt ac perſpicua Cypriani doctrinâ cui-  
 libet Epifcopo liberum eſſe in hac quæſtione diverſum ſen-  
 tire, & varias in partes ſe ſe inclinare » reſcripſi, fili cariſ-  
 » ſime *inquit in Epiſt. ad Magnum 69.* ad litteras tuas quan-

»tum parva nostra mediocritas valuit, & ostendi quid nos  
 »quantum in nobis est sentiamus; (*de Hæreticorum scilicet*  
*»Baptismo*) nemini præscribentes quominus statuatur quod pu-  
 »tat unusquisque præpositus actus sui rationem Domino  
 »redditurus: & in *Epist. ad Stephanum R. Pontificem* 72.  
 »quâ in re (*in negotio baptismatis Hæreticorum*) nec nos  
 »vim cuiquam facimus, aut legem damus, cum habeat  
 »in Ecclesiæ administratione voluntatis suæ arbitrium libe-  
 »rum unusquisque præpositus rationem actus sui Domino  
 »redditurus: & in *Epist. ad Jubaiam*. 73. hæc tibi brevi-  
 »ter pro nostrâ mediocritate rescripsimus, frater carissime,  
 »nemini præscribentes aut præjudicantes, quominus unus-  
 »quisque Episcoporum quod putat faciat, habens arbitrii sui  
 »liberam potestatem, nos quantum in nobis est propter  
 »Hæreticos cum collegis & Coepiscopis nostris non conten-  
 »dimus, cum quibus divinam concordiam & dominicam  
 »pacem tenemus. & in *exordio Concilii Cartag.* 3. sic loqui-  
 »tur superest ut de hac re singuli quid sentiamus profera-  
 »mus neminem judicantes aut à jure communionis aliquem  
 »si diversum senserit amoventes; neque enim quisquam nos-  
 »trum Episcopum se Episcoporum constituit, aut tyrannico  
 »terrore ad obsequendi necessitatem collegas suos adigit,  
 »quandoquidem habeat omnis Episcopus pro licentiâ liber-  
 »tatis & potestatis suæ arbitrium proprium.

Hæc porro sentiendi libertas, quam Cyprianus cuilibet Episcopo in causâ Baptismatis Hæreticorum concedebat invictè demonstrat ipsum nullatenus fidei, sed uni, quæ varia esse potest hanc questionem retulisse disciplinæ. Quis enim credat Cyprianum existimâsse quòd cuilibet Episcopo liberum esset in rebus fidei sentire quid veller? Censuisset igitur Antistes Cartaginensis cuilibet Episcopo liberum fuisse Verbi divinitatem, duas in Christo naturas &c., quæ tot fidei nostræ capita credebar admittere vel denegare? Inscire prorsus diceretur talem à Cypriano Episcopis concessam fuisse libertatem in hiis, quæ plenario nondum definita erant Con-

cilio; quis enim vel ex tirunculis nesciat nil Cypriani temporibus à plenariis adhuc definitum fuisse Conciliis? Regeres fortasse unam tunc temporis de divinitate Verbi in Ecclesiâ fuisse sententiam, non item de Baptismo Hæreticorum? Pluribus ergo Verbi divinitatem impetentibus existimâsser Cyprianus cuilibet Episcopo fuisse liberum de divinitate Verbi sentire quid veller? Satis ergo erat Cypriano dogma aliquod à pluribus Episcopis impugnari, ut liberum cuilibet Episcopo jam foret illud credere, vel non credere? Talia de Cypriano somniantibus commiserandum potius quam respondendum.

Censuitne liberum cuilibet Episcopo potestatem remittendi peccata omnia Ecclesiæ concedere vel denegare? De hac re tamen nullum adhuc plenarii Concilii prodierat iudicium, nec una apud omnes Episcopos etiam erat sententia, talem enim potestatem Ecclesiæ denegabat Novatianus, quem plures ex Africâ, Numidiâ & Galliâ sequebantur Episcopi teste Cypriano in Epistolis ad Antonianum 55. ad Cornelium S. Pontificem 59. & ad Stephanum S. Pontificem 68. lege tamen perlege scripta Cypriani, nullibi concessam ab ipso Novatiani invenies talem sentiendi libertatem; cum enim hanc Novatianorum opinionem Verbo Dei, seu ut ipse loquitur in citat. Epist. ad Antonian. *fidei scripturarum divinarum* adversam existimaret, Novatianos ut Hæreticos tradducit in Epist. ad Antonian. Illorum opinionem *Hæresim appellat, Hæretica presumptionis durissimam pravitatem* gravioribus Ecclesiæ pœnis puniendam in cit. Epist. ad Antonian. & ad Steph. 68. adeò alienus erat à credendo ipsis fuisse liberum in hoc fidei negotio sentire quid vellent.

Censuit ne liberum cuilibet Episcopo uti vino vel aquâ in calice dominico offerendo? Audi Cyprianum in Epist. ad Cecilium 63. „Viderit frater carissime si quis de Antecessoribus nostris vel ignoranter vel simpliciter non hoc „observavit & tenuit quod nos Dominus facere exemplo „& magisterio suo docuit, potest simplicitati ejus de indul-



„gentiâ veniam concedi , nobis vero non poterit ignosci  
 „qui nunc à Domino admoniti & instructi sumus , ut ca-  
 „licem dominicum vino mixtum secundum quod Dominus  
 „obtulit offeramus , & de hoc quoque ad Collegas nostros  
 „litteras dirigamus , ut ubique lex Evangelica & traditio  
 „Dominica servetur & ab eo quod Christus & docuit &  
 „fecit non recedatur. “ Frustra Cypriano opponebant Episcopi  
 aquarii se veterem Ecclesiarum suarum consuetudinem  
 sequi , atque suorum Antecessorum vestigiis inhærere , qui  
 sine vino calicem dominicum offerri posse judicaverant. His  
 omnibus auditis , & viriliter refutatis Cyprianus apertè pro-  
 nuntiat vinum in Calice Dominico offerendo ab omnibus  
*ubique* adhibendum esse ; at quonam tandem motivo duce-  
 batur S. Doctor ad rem aquariis Episcopis denegandam ,  
 quæ à nullo adhuc sancita erat Ecclesiæ decreto ? Ab ipso  
 disce : *Christus* inquit in Epist. citatâ docuit ut *Calicem Domi-*  
*cum vino mixtum offeramus.* Porro *servetur ubique lex*  
*Evangelica , Dominica traditio ; ab eo quod Christus docuit*  
*non recedatur.* Non ergo existimabat Cyprianus in hiis , quæ  
 à Christo tradita vel præcepta asserebat liberum cuilibet  
 Episcopo esse sentire vel agere quid vellet.

Hæc igitur vera Cypriani doctrina , in rebus scilicet fidei  
 unanimitem in Ecclesiâ necessario ab omnibus esse servan-  
 dam ; hæc addo apud ipsum constans ac perpetua : *Christus*  
 inquit in lib. de unitate Ecclesiæ , *in Ecclesiâ concordēs at-*  
*que unanimes esse præcepit. . . Docet Dominus & admonet à*  
*talibus* ( reprobis circa fidem ) *recedendum :* & in Epist. ad  
 Caldonium 25. *ut apud omnes unus actus & una consensio*  
*secundum Domini præcepta teneatur ,* & in Epist. ad præbi-  
 teros Cartagin. 32. *ut in Ecclesiarum statu componendo servetur*  
*ab omnibus una & fida-consensio* & in Epist. ad plebem univer-  
 sam 43. *qui mandatum Dei rejiciunt & traditionem suam sta-*  
*tuere conantur fortiter à vobis & firmiter respuantur ,* & in Epist.  
 ad Maximum & Nicostrium confessores 46. *nam cum unani-*  
*mitas & concordia nostra scindi omnino non debeat ,* & in  
 Epist.

Epist. ad Cornelium S. Pontificem 59. *Nulla societas fidei & perfidia esse potest, & in Epist. ad Magnum 69. in Ecclesiâ Dei non nisi concordēs atque unanimes habitant ... Apostolus Paulus docet & præcipit Hæreticum vitandum esse ut perversum & peccatorem.* Paria missa facio, at ex relatis sic ratiocinari licet, qui judicabat unanimitatem in fide ita esse necessariam ut à reprobis circa fidem recedendum esset, qui unam ab omnibus consensionem servandam esse ex Christi mandato credebatur, qui nullam fidei & perfidiæ societatem esse posse censebat, ille profectò non existimabat cuilibet Episcopo liberum esse in rebus fidei variè sentire; quid enim unanimitati magis contrarium quàm hæc sentiendi libertas. Atqui Cyprianus judicabat unanimitatem in fide ita esse necessariam ut à reprobis circa fidem recedendum esset &c. ut patet ex textibus citatis; ergo.

Ex his omnibus duo constant 1°. In iis quæ Cyprianus ad fidem referebat nemini variè sentiendi libertatem ipsum concedere. 2°. Cyprianum cuilibet Episcopo libertatem concessisse contra suam de Baptismo Hæreticorum opinionem sentiendi, unde manifestissimè patet S. Cyprianum non rem fidei sed meræ disciplinæ censuisse totam hanc de baptismo Hæreticorum quæstionem.

At tandem ad ocludenda omnia adversariorum effugia sit in exemplum hæc ipsamet de baptismo Hæreticorum controversia. Censuitne liberum cuilibet Episcopo ab Hæreticis baptisatos iterato tingere vel non tingere baptismo, in hypothesis quod in scripturis, vel in traditione Apostolicâ contineretur eos non esse rebaptisandos? Cum enim Stephanus Pontifex Maximus Africanis mandasset, ut traditionem de non rebaptisandis Hæreticis observarent, respondet Cyprianus justum ac legitimum hoc Stephani esse mandatum, & revera ab Africanis servandam esse hanc Stephani traditionem, in Hypothesi quod hæc traditio sit Evangelica vel Apostolica: en verba Cypriani scribentis ad Pompeium » nihil innovetur » inquit Stephanus nisi quod traditum est. Unde est ista traditio? Utrumne de Dominicâ & Evangelicâ autoritate des-

» cendens ? An de Apostolorum mandatis atque Epistolis  
 » veniens ? Ea enim facienda esse quæ scripta sunt Deus testatur & proponit ad Jesum nave dicens, non recedet liber  
 » legis hujus ex ore tuo, sed meditaberis in eo die ac nocte  
 » ut observes facere omnia quæ scripta sunt ; in eo item Dominus Apostolos suos mittens mandat baptisari gentes &  
 » doceri ut observent omnia quæcumque ille præcepit ; si ergo  
 » aut in Evangelio præcipitur aut in Apostolorum Epistolis  
 » aut actibus continetur, ut à quacumque Hæresi venientes  
 » non baptisentur sed tantum manus illis imponatur in pœnitentiam, observetur divina hæc & sancta traditio. Observari ergo debebatur juxta S. Cyprianum quod à Christo vel ab Apostolis in hac de baptismo Hæreticorum controversiâ determinatum erat ; cum ergo libertatem cuilibet Episcopo concesserit Hæreticos rebaptisandi, vel non rebaptisandi, profectò existimavit nil circa rebaptisationem à Christo, vel ab Apostolis determinatum fuisse, ad fidem ergo pertinere non judicavit hanc de baptismo Hæreticorum controversiam.

IX. S. Cyprianus nullum in terris agnoscebat tribunal, cui in causâ baptismatis Hæreticorum cedere deberet, uni & soli Christo potestatem de actu suo judicandi tribuebat : *Expectemus* inquit in exordio Concil. Cartag. 3. *Universi judicium Domini nostri Jesu-Christi, qui unus & solus habet potestatem de actu nostro judicandi.* Ferè similia scribebat S. Doctor ad Magnum & ad Stephanum R. Pontificem. At verumne esset in rebus fidei hoc Cypriani pronuntiatum ? Numquid in rebus fidei quilibet Episcopus imò natio integra Concilio generali morem gerere non debet ? Numquid unus & solus Christus potestatem habet judicandi de alicujus Episcopi vel Concilii particularis actu, qui fidem aliquatenus spectaret ? Restat igitur ut S. Cyprianus hanc de baptismo Hæreticorum quæstionem iis merè retulerit disciplinæ capitibus, quæ certis in Provinciis ità mordicus retineri possunt, ut ad ea mutanda nec valeat S. Pontificis, aut Concilii generalis autoritas. Hic vide quæso, candide lector,

quantum Hæreticis patrocinentur, qui ex Catholicis ad perfundandam Romani Pontificis auctoritatem clamitare non cessant Cyprianum in hac controversiâ fidei dogma vindicare voluisse. Si hoc semel ipsis concedatur, concedendum erit & Hæreticis nec Concilium generale iudice Cypriano supremum in dirimendis fidei controversiis esse tribunal; huic enim æquè ac S. Pontifici denegat S. Doctor potestatem de actu suo judicandi, tam nitidè tam apertè uni & soli Christo eam tribuens; *qui unus inquit & SOLUS habet potestatem de actu nostro judicandi.* Profecto prosequitur Eminent. de Bissi in citato jam documento Pastoralis an. 1728. pag. 62. *Est ce là déclarer qu'on s'en raporte à la décision d'un Concile plenier?*

X. S. Cyprianus cum iis qui à sua opinione recedebant pacem, concordiam ac communionem constantissimè servavit: *nos inquit suam ad Jubaianum Epistolam concludens,* „ quantum in nobis est propter Hæreticos cum collegis & Coepiscopis nostris non contendimus, cum quibus divinam concordiam & Dominicam pacem tenemus . . . servatur à nobis „ patienter & firmiter charitas animi, collegii honor, vinculum fidei, & concordia sacerdotii; *& in Epist. ad Stephanum R. Pontificem* 72. Cæterum scimus quosdam quod semel imbibierint nolle deponere, nec propositum suum facile mutare; sed salvo inter colligas pacis & concordie vinculo quædam propria, quæ apud se semel sint usurpata retinere „ quâ in re nec nos vim cuiquam facimus aut legem damus; *& in exordio Concilii Cartag.* 3. superest ut de hac ipsâ re „ singuli quid sentiamus proferamus neminem judicantes aut „ à jure communionis aliquem si diversum senserit amoves. De Cypriano id expressè testatur S. Hieronimus in dialogo adversus Lucifer. cap. 9. id centies affirmat S. Augustinus in suis de baptismo adversus donatistas libris. Et quod velim observes pacem hanc cum aliter sentientibus tunc etiam se tenuisse profiteretur Antistes Cartaginensis, quando contrarium Rom. Pontificis iudicium nondum expertus fuerat, ut patet ex verbis citatis, tum Epist. ad Jubaian., tum Epist. ad

Stephanum. Verum itane se gessisset S. Doctor cum adversariis à quibus fidem impugnari censuisset; Cyprianus, inquam, qui *à reprobis circa fidem recedendum esse & quidem ex præcepto divino affirmat* in lib. de unitate Ecclesiæ? Qui *firmiter respuendos eos esse docet qui traditiones suas Dei mandatis contrarias statuere conantur* in Epist. ad plebem universam 43? Qui *nullam fidei & perfidia societatem esse posse* tradit in Epist. ad Cornelium 59? Qui tandem *ab iis discedendum esse pronuntiat qui Christi Doctrina non acquiescunt* in Epist. ad Pompeium? Si quis, inquit Tomassinus dissert. 2. de bapt. Hæret. pag. 48. *de fide à collegis dissenserit contumax à pace ejiciendus est & communione.* Cum ergo S. Cyprianus salvo inter collegas pacis & concordie vinculo de hac baptismi controversiâ disputari posse crediderit, & cum diversum sentientibus communionem firmiter servaverit, manifestum est ipsum existimasse illasam & intactam in toto hoc dissidio fidem remanere, ac nullatenus à suis adversariis impeti vel obscurari. Non ergo fidei, sed meræ disciplinæ hanc esse controversiam judicavit.

At inquires non ideò pacem cum aliter sentientibus servavit S. Cyprianus, quia de fide non agi in hac controversiâ putaret, sed quia censebat pacem cum iis non esse rumpendam, à quibus etiam fides impeteretur, quandiu res ultimo Ecclesiæ judicio nondum est definita, qualis tunc temporis erat questio de rebaptisandis Hæreticis. Pudenda commenta, quibus soli pascantur qui inventa quæque deglutiunt; si Cyprianus existimabat hostes fidei à Conciliis particularibus damnandos non esse, nec communione privandos ante ultimam Ecclesiæ definitionem, malè ergo tam sæpius tam genericè dicebat » *à reprobis circa fidem recedendum esse, firmiter respuendos eos esse qui traditiones suas Dei mandatis contrarias statuere conarentur, ab iis discedendum esse qui Christi Doctrinæ non acquiescerent; dicere debuisset à talibus non nisi post Ecclesiæ definitionem esse recedendum; & verò hæcne veterum Patrum agendi ratio erga eos, à quibus fidem*

impugnari judicabant? Itane se gesserunt Antiocheni Patres erga Paulum Samosatenum ejusque asseclas! itane Patres Alexandrini erga Arium & Episcopos ipsi faventes? Itane Patres Mediolanenses erga Photinum? Itane Patres Alexandrini erga Origenem ejusque sectatores? Itane Patres Constantinopolitani erga Eutichetem? Itane Patres Cæsaraugustani erga Priscilianos? Expectaruntne supremam Ecclesiæ definitionem ad eos damnandos ac communione privandos? Absit ergo ut illud Cypriano tribuamus, quod cum nullum in ejus scriptis habeat fundamentum à veterum Patrum sensu & agendi ratione tam sit alienū.

Præterea dicant nobis adversarii, an Cyprianus pro zelo ac studio tuendæ fidei integritatis debuerit pacem & communionem cum iis tenere, à quibus, si adversariis credimus, præcipuum fidei nostræ dogma spretâ Conciliorum Africanorum autoritate pessumdari putabat? Demum si ad mentem Cypriani ante ultimam Ecclesiæ definitionem à Conciliis particularibus damnandi non erant nec communione privandi qui fidem impugnabant, profecto jam nullo modo ab Ecclesiâ damnari potuissent ac communione privari. Non quidem ab Ecclesiâ in Concilio generali congregata, talis enim congregatio tunc temporis moraliter impossibilis erat, non etiam ab Ecclesiâ ut vulgo dicitur dispersâ, judicium enim Ecclesiæ dispersæ pendet à judiciis Ecclesiarum particularium, quarum nulla in hypothesisi juxta Cyprianum eos ante Ecclesiæ definitionem damnare debebat, quomodo ergo ab Ecclesiâ dispersâ damnati aliquando fuissent, quos nullâ damnasset peculiaris Ecclesia? Hic hæreant adversarii necesse est, aut alia excogitent. Immutum igitur maneat Cyprianum ab illis fidem impeti non existimasse, quos à Conciliis Cartaginensibus damnari noluit, & cum quibus pacem ac communionem constanter servavit.

Hæc quibusdam aliis compendii causâ prætermittis luculenter evincunt momenta causam de baptismo Hæreticorum Cypriano visam fuisse rem non fidei sed meræ disciplinæ; sive enim res ipsa ad Cypriani mentem examinetur, sive

ejus in hac controversiâ agendi ratio attendatur, utrumque assertionis nostræ veritatem ostendit.

A Cypriano disce originem, disce naturam, disce confectaria suæ opinionis & praxis & ad fidem eam revoca si potes; illius enim originem non in Christo non in Apostolis, sed in Agrippino constituit. Illam propugnat non ut fide credendam, non ut pertinentem ad fidem, sed tantum ut fidei congruentem & ad eam magis accedentem, ut quid melius, ut quid utilius, ut aliquid proprium certis Provinciis, & jure retinendum, quando semel ab ipsis est usurpatum, uno verbo de disciplinâ se contendere apertè profitetur.

Si de fide tenuisset nullum esse Baptisma ab Hæreticis collatum, nullam consequenter salutis infantium cum solo Hæreticorum Baptismo defunctorum spem habuisset, tamen affirmat de eorum salute desperandum non esse; si fidem ab Adversariis pessumdari in hac questione censuisset, dicendum foret quod nemo dicet Catholicus S. Pontificem scilicet, & cum ipso maximam Episcoporum partem Cypriani judicio tunc temporis in fide errasse, imò universas totius Orbis Ecclesias ante Agrippinum.

Si Cypriani spectes agendi rationem, cuilibet Episcopo libertatem concedit in hac questione sentiendi quid vult, cum aliter sentientibus pacem concordiam & communionem constantissimè servat, uni & soli Christo tribuit potestatem de actu suo judicandi; porro in disciplinæ negotio cum aliquo colore hæc differuntur, in capite fidei Catholicæ alienissima essent omnia. Nunc ad dissolvenda quæ objectantur procedamus.

### *SOLVUNTUR OBJECTIONES.*

**O**bjiciunt 1°. Cyprianus suam de Hæreticis rebaptisandis opinionem multis probat scripturæ textibus, ut videre est in Epist. ad Magnum 69. ad Episcopos Nu-

midix 70. ad Stephanum R. P. 72. ad Jubaian. 73. & ad Pompeium 74. Ergo eam à Deo traditam censuit & consequenter fide credendam.

Respondeo. Dato antecedente, nego consequentiam; non enim in rebus fidei tantum, verum etiam in rebus meræ disciplinæ sæpius afferuntur Sacræ Scripturæ loca, ad ostendendam scilicet congruentiam alicujus disciplinæ cum iis quæ à Deo sunt revelata, ut ex hac congruentiâ illius æquitas vindicetur. Sic S. Basilius Epist. 199. juxta novam editionem ad Amphilochoium can. 32. ex scripturis probat Episcopum, Presbiterum, Diaconum depositos propter aliquod crimen non debere propter idem crimen communione Ecclesiasticâ privari. Sic D. Hieronymus Epist. ad Theoph. adversus errorem Joannis Hierosolim. probat auctoritate tum veteris & novi Testamenti legitimam fuisse Pauliniani factam à S. Epiphanio ordinationem, licet Paulinianus tum temporis triginta tantum annos esset natus. Sic S. Augustinus lib. de fide & operibus cap. 26. probat auctoritate S. Scripturæ quædam esse crimina excommunicatione plectendâ, quædam non publicâ pœnitentiâ sed quibusdam correptionum medicamentis sananda; sic S. Leo magnus Epist. 92. ad Rusticum Narbon. Episcopum cap. 2. probat ex scripturâ Presbiteros & Diaconos non esse pœnitentiæ publicæ subjiciendos, quæ certe omnia nullatenus fidem sed unam spectant Ecclesiæ disciplinam. Esto igitur probaverit S. Doctor suam opinionem multis scripturæ textibus non ideo censuit ad fidem eam pertinere.

Et verò nonne Cyprianus ipse plura scripturæ loca retulit ad ea stabilienda quæ omnium judicio meram spectabant disciplinam? Quis neget rem esse puræ disciplinæ lapsis concedere pacem, & communionem Ecclesiasticam ante, vel post peractam pœnitentiam canonicam? Lege tamen Cypriani tractatum de lapsis, ejus Epistolas ad Presbiteros Cartagin. 16. ad Præsbiteros Romanos 30. ad lapsos 33. ad Præsbiteros Cartag. 34. plura scripturæ loca repe-



ries à Cypriano citata ad suam in hoc negotio opinionem stabiliendam. Quis neget rem esse puræ disciplinæ merique præcepti Ecclesiastici aquæ vino mixtionem in Calice dominico offerendo ? aquæ tamen necessitatem ex divinis scripturis probat S. Cyprianus in Epist. ad Cecilium 63. hoc ergo probationis genus in rebus meræ disciplinæ æquè ac fidei à Cypriano usurpabatur. Malè igitur ex eo concluditur S. Cyprianum suam de rebaptis. Hæreticis opinionem fidei ascripsisse.

Dixi *dato antecedente*. Numquam enim S. Doctor suam opinionem ex scripturis directè probavit ut ejus in hâc questione scripta attentè perlustranti patebit. Probat quidem ex scripturis Hæreticos Christi esse adversarios in Epist. ad Jubaian. & ad Pompeium ; Ecclesiam unam esse in Epist. ad Magnum & ad Pompeium. Unum Baptisma & unam esse fidem in Epist. ad Episcopos Numidiæ & ad Pompeium, illos solos Spiritum Sanctum dare posse qui ipsum habent in Epist. ad Magnum, solis Ecclesiæ præpositis licere baptizare in Epist. ad Jubaian. blasphemantes in Patrem non posse consequi remissionem peccatorum in Epist. ad Jubaian. solam Ecclesiam Deo filios generare in Epist. ad Pompeium, & tandem Baptismi necessitatem in Epist. ad Stephanum 72. ex iis omnibus quæ ex scripturis confirmabat aliquid concludere in favorem suæ opinionis variis ratiociniis conabatur; at nunquam ex scripturis directè probavit invalidum esse Baptisma ab Hæreticis collatum, ab Hæreticis baptisatos ad Ecclesiam venientes iterato Baptismo esse tingendos.

Objic. 2°. Cyprianus asserit ex hâc de Hæreticorum Baptismo quæstione pendere originem fidei & salutis æternæ : *neque enim*, inquit in Epist. ad Jubaian. *Parva res & modica conceditur quando à nobis Baptisma eorum in acceptum refertur cum inde incipiat omnis fidei origo & ad spem vitæ æternæ salutaris ingressio*. Atqui ex controversiâ meræ disciplinæ non pender fidei & salutis origo, ergo ut meræ disciplinæ quæstionem non inspexit.

Resp.

Resp. Nego majorem non enim ex rebaptisationis lite, sed ex baptismo pendere fidei & salutis æternæ originem pronuntiat in textu allato, quæ duo, ni fallor, sunt planè diversa; imò si Cyprianum propius attendas contrarium ex ipso manifestè erruitur; cum enim asserat in eadem Epistolâ de eorum salute non esse desperandum, qui cum solo Hæreticorum baptismo obierunt, satis ostendit ex suâ opinione non pendere fidei & salutis originem. Porro ex eo quod Cyprianus dixerit à baptismo pendere fidei & salutis originem colligi non potest ipsum dogmati suam de rebaptis. Hæreticis addixisse sententiam.

Objic. 3°. S. Cyprianus expressè docet à Deo revelatum esse, quod adversus Stephanum R. Pontificem tuebatur: *proinde* inquit in laudata Epist. ad Jubaian. „ Frustra quidam „ qui ratione vincuntur, consuetudinem nobis opponunt quasi „ consuetudo major sit veritate, aut id non sit in spiritualibus „ sequendum quod in melius fuerit à Spiritu Sancto revelatum, „ ignosci enim potest simpliciter erranti, post inspirationem „ verò & revelationem factam qui in eo quod erraverat per- „ severat prudens & sciens, sine veniâ ignorantix peccat; „ præsumptione enim atque obstinatione quâdam nititur cum „ ratione superetur. „ Ergo illud fidei referebat.

Resp. Distinguo antecedens. Cyprianus docet quod adversus Stephanum tuebatur à Deo esse revelatum quibusdam, tanquam quid melius, & utilius concedo antecedens, à Deo esse revelatum verâ & propriè dictâ revelatione in verbo Dei scripto vel tradito contentâ nego antecedens. Itaque revelationem fusiori significato hic sumit S. Doctor, prout omnis veritas cujuscunque sit ordinis à Deo manifestatur, qui prima veritas est, & prout omne donum desursum est descendens à Patre luminum, prout inquam omne quod vel ad fidem, vel ad Ecclesiæ disciplinam & regimen spectat, revelat, inspirat Spiritus Sanctus.

1°. Enim Cyprianus in textu objectato non dicit simpliciter sed *in melius* revelatum quod adversus Stephanum tuebatur, non

dicat Ecclesiæ revelatum, sed *quibusdam* inter fideles, quos inexcusabiles esse contendit post talem inspirationem ac revelationem; porro hæc duo intelligi non possunt de verâ revelatione quæ dogma Catholicum exhibeat, dogma enim fidei non revelatur, ut quid melius & quid utilius, nec ad fidem subito revocatur, quod quibusdam inter fideles à Deo inspiratur, & revelatur.

2°. Qui revelationi & inspirationi, de quâ hic loquitur S. Cyprianus resistit, juxta ipsum rationi resistit, seu à *ratione superatur*. Revelatio ergo latiori sensu hîc à S. Cypriano usurpatur, prout quaslibet veritates naturales complectitur quas Deus revelat & inspirat.

3°. S. Cyprianus in Epistolâ ad Quintum nitidè ostendit quo sensu dixerit à Deo revelatum, quod adversus Stephanum tuebatur his verbis: » quæ aliquandò à fratribus & Col-  
» legis nostris utiliter & salubriter suggeruntur si sint vera  
» & legitima, ipsa potius nostra ducamus, cui rei Paulus  
» quoque prospiciens in Epistolâ suâ posuit dicens: Pro-  
» phetæ autem duo aut tres loquantur & cæteri examinent,  
» si autem alii revelatum fuerit sedenti, ille prior taceat; quâ  
» in parte docuit & ostendit multa singulis in melius revelari  
» & debere unumquemque non pro eo, quod semel imbibe-  
» rat & tenebat pertinaciter congregi, sed si quid melius &  
» utilius extiterit libenter amplecti; non enim vincimur  
» quando nobis offeruntur meliora. » Quis non videat opinio-  
nem de rebaptisandis Hæreticis à Cypriano iis adscribi, quæ  
Deus quibusdam inspirat & revelat ad majorem Ecclesiæ  
utilitatem? Quæ profecto revelatio unam respicit Ecclesiæ  
æconomiam, ac disciplinam, unde nedum faveat adversariis,  
assertionem nostram confirmat ut supra vidimus.

4°. Totne fidei dogmata credidit S. Cyprianus quæ in tractatu *de bono patientia* scripserat? Hæc tamen à Deo inspirata esse pronuntiat: *Propter hoc* inquit in Epist. ad Jubaian. *Etiam libellum de bono patientia quantum valuit nostra mediocritas permittente Domino & inspirante conscripsimus; non*

omnia ergo quæ à Cypriano dicuntur inspirata sive revelata à Deo fidem respiciunt; revelatio igitur sive inspiratio divina aliquando à S. Cypriano fusiori sumitur significatu, non ergo tandem subtiliter inventa, sed à Cypriano ipso suppeditata nostra responsio.

Objici. 4°. De fide credebat S. Doctor eos baptizare non posse quibus à Christo concessa non erat baptisandi potestas; at Hæreticis talem à Christo datam fuisse potestatem negabat Cyprianus, „ manifestum est *inquit in Epist. ad „ Jubain.* Ubi & per quos remissa peccatorum dari possit quæ „ in baptismo scilicet datur; nam Petro primum Dominus „ super quem ædificavit Ecclesiam unde & unitatis originem „ instituit & ostendit, potestatem istam dedit, ut id solve- „ retur in cœlis quod ille solvisset in terris: & post resurrec- „ tionem quoque ad Apostolos loquitur dicens: sicut misit „ me Pater & ego mitto vos, hoc cum dixisset inspiravit & ait „ illis accipite Spiritum Sanctum si cujus remiseritis peccata „ remittuntur illi, si cujus tenueritis tenebuntur; unde intelli- „ mus non nisi in Ecclesia præpositis & in Evangelicâ lege „ ac Dominica ordinatione fundatis licere baptizare & remis- „ sam peccatorum dare, foris autem nec ligari aliquid posse nec „ solvi ubi non sit qui aut ligare possit aliquid aut solvere. *Ergo.*

Respond. Distinguo minorem. Juxta Cyprianum Hæreticis data à Christo non erat baptisandi potestas; atque id variis ratiociniis utcumque ostendere conabatur concedo, & id tamquam de fide, tamquam certum tradebat nego minor. Itaque ad probandam suam de Hæreticis rebaptisandis sententiam variis illationibus utcumque ostendere conatur S. Doctor Hæreticis concessam à Christo non esse baptisandi potestatem; in textu enim objectato, ex eo quod Christus Petro & Apostolis ligandi & solvendi potestatem dederit, infert solis Ecclesiæ præpositis potestatem remittendi peccata à Christo fuisse concessam; Inde colligit baptisandi facultatem Hæreticis minime competere, ex quo tandem concludit invalidè quia illi- cîtè ab Hæreticis baptisari.

Verum quod ex scripturis judicatur aliquomodo deduci posse, creditur ad fidem pertinere? si ad fidem revocantur quæ à Deo sunt immediate revelata, numquid & ea quæ ex revelatis utcumque variis ratiociniis inferri posse arbitrantur? quando Cyprianus plura scripturæ loca afferrebat ad ea probanda, quæ omnium judicio versatilem spectabant disciplinam, ut supra vidimus, quod tuebatur ex iis quæ citabat scripturæ locis inferri posse profectò existimabat, ideòne illud fidei devovebat? Ergo licet S. Cyprianus ex scripturis inferri posse crediderit Hæreticis concessam à Christo non fuisse baptisandi potestatem, non ideò censuit de fide esse eos talem non habere potestatem.

Addo Cyprianum nec censuisse id certo & necessario ex scripturis inferri posse; nam 1°. Si existimasset ex scripturis necessario inferri solis Ecclesiæ præpositis datam esse à Christo baptisandi potestatem; hanc Laïcis Catholicis sicut & Hæreticis denegasset, illi enim, æquè ac isti non sunt Ecclesiæ præpositi; attamen nullibi apud ipsum hanc potestatem Laïcis Catholicis denegatam invenies, unde perversè admodum hic error Cypriano à Catholicis affingeretur.

2°. Si existimasset ex scripturis certò colligi nullum esse baptisma ab Hæreticis collatum, pro certo habuisset infantes cum solo Hæreticorum baptismo defunctos salutem adeptos non fuisse, eadem enim certudine creditur hos infantes salutem fuisse adeptos, quâ creditur eos validè fuisse baptisatos; attamen S. Cyprianus non desperat de illorum salute, qui in præteritum cum solo Hæreticorum baptismo obierant, inter quos plures extitisse infantes nullus inficiabitur.

3°. Si ex scripturis certo inferri credebatur eos qui ab Hæreticis tincti fuerant, reipsa minime fuisse baptisatos, quomodo zelus, quo pro salute hominum ardebat passus fuisset, ut cuilibet Episcopo liberam eos non tingendi sineret facultatem? Credidissetne in necessariis tutiorem partem eligendam esse? Probabilia ergo, non certa Cypriano ipsi visa sunt, quæ ex scripturis ad suam sententiam & praxim fir-

mandam depromebat argumenta ; unde contra propositam objectionem concludo S. Cyprianum ad fidem minime revocasse quod in scripturis variis ratiociniis inferri posse , ne c quidem certo & necessario putabat.

Objic. 5°. S. Cyprianus suam de Hæreticis rebaptisandis sententiam vocat Ecclesiæ Catholicæ fidem ac veritatem : *quare inquit in Epist. ad Jubaian. Ecclesia Catholica fidem ac veritatem frater charissime & tenere debemus firmiter & docere , & per omnia Evangelica & Apostolica præcepta rationem divina dispensationis atque unitatis ostendere.* Ergo eam meræ disciplinæ non adscripsit.

Resp. Nego antecedens , qui enim citata Cypriani verba ad ipsius de rebaptisandis Hæreticis sententiam referunt , vel Cypriani scripta nusquam legerunt ab uno vel altero autore ea exscripsisse contenti , vel credulis imponere volunt : en Cypriani textus integer , prolixus quidem , at veritatem quærentibus non onerosus , „ quam vanum est porrò & perversum ut cum ipsi Hæretici repudiato & relicto vel errore „ vel scelere in quo prius fuerant , agnoscant Ecclesiæ veritatem , nos veritatis ejusdem jura & Sacramentum mutilamus , & venientibus ac pœnitentibus dicamus eos remissionem peccatorum consecutos esse , quando illi se peccasse „ & propter hoc ad Ecclesiæ indulgentiam venire fateantur ? Quare Ecclesiæ Catholicæ fidem ac veritatem frater „ carissime & tenere debemus firmiter & docere , & per omnia Evangelica & Apostolica præcepta rationem divinæ „ dispensationis atque unitatis ostendere ; numquid potest „ vis Baptismi esse major aut potior , quam confessio , quam passio ut quis coram hominibus Christum confiteatur & sanguine suo baptisetur ? Et tamen neque hoc baptisma Hæreticis prodest , quamvis Christum confessi & extra Ecclesiam fuerint occisi , nisi si Hæreticorum patroni & advocati Hæreticos in falsâ confessione Christi interfectos martyres prædicant & contra Apostoli contestationem , qui nihil „ eos quamvis exustos & occisos dicit posse proficere , glo-

„riam eis & coronam passionis assignant. Quòd si Hæretico  
 „nec Baptisma publicæ confessionis & sanguinis proficere  
 „ad salutem potest, quia salus extra Ecclesiam non est,  
 „quantò magis ei nihil proderit, si in latebrâ & in latro-  
 „num speluncâ adulteræ contagione aquæ tinctus non tan-  
 „tum peccata antiqua non exposuerit, sed adhuc potius no-  
 „va & majora cumulaverit. ¶ Vides quænam sit juxta Cy-  
 prianum illa Ecclesiæ Catholicæ fides & veritas firmiter te-  
 nenda & docenda, Hæreticos scilicet peccatorum suorum  
 remissionem in Hæresi consequi non posse, nec illis Baptis-  
 ma ad salutem prodesse, quod nullus inficiatur Catholicus,  
 & in quo certè sita non erat erronea de rebaptis. Hæreticis  
 Cypriani sententia, pessimè ergo de Cypriano merentur, qui  
 ad ipsius errorem revocant, quod ipse fide certum meritò  
 dixit.

Objic. 6<sup>o</sup>. Cypriani Epistolam ad Pompeium, ex quâ hæc  
 decerpunt testimonia, quæ fidei & dogmatis questionem ore  
 patulo clamare vociferantur; „ si in aliquo nutaverit & va-  
 „cillaverit veritas ad originem Dominicam & Evangelicam  
 „& Apóstolicam traditionem revertamur, & inde surgat  
 „actus nostri ratio, unde & ordo & origo surrexit. Tradi-  
 „tum est enim nobis quod sit unus Deus & Christus unus  
 „& una spes & fides una & una Ecclesia & Baptisma unum  
 „non nisi in unâ Ecclesiâ constitutum, à quâ unitate quis-  
 „quis discesserit cum Hæreticis necesse est inveniatur quos  
 „dum contra Ecclesiam (*Stephanus*) vindicat Sacramentum  
 „divinæ traditionis impugnat . . . . quæ ista obstinatio, quæve  
 „præsumptio humanam traditionem divinæ dispositioni an-  
 „teponere, nec animadvertere indignari & irasci Deum quo-  
 „ties divina præcepta solvit & præterit humana traditio.

Resp. Quorsum istæ adversariorum tenebræ? Pulverem ab  
 oculis excutiant & videant aliquandò in Cypriani textibus,  
 quod vident omnes, traditum scilicet à Cypriano dici,  
 unum esse Baptisma non nisi in unâ Ecclesiâ constitutum,  
 quod verum est, quod omnes tenent Catholici, qui ex hac

traditione probant Hæreticis baptizare non licere; at hic traditumne asserit S. Doctor Baptisma Hæreticorum validum non esse, vel quid simile? Hoc profectò nemo legit, nemo videt, nec videbunt ipsi adversarii res propius inspicientes; at inquirunt unum Baptisma in unâ Ecclesiâ ita constitutum asseribat S. Doctor, ut Hæreticos nec licitè nec validè baptizare posse argueret. Hoc fateor de quo nullatenus agitur; non enim hic quæritur, an Cyprianus existimaverit Hæreticos non posse valide baptizare; nec quæritur, an hoc ex pluribus scripturæ textibus eruere tentaverit, sed quæritur utrum de fide crediderit, utrum à Deo traditum dixerit Baptisma ita unum in Ecclesiâ esse, ut Hæretici nec licitè nec validè baptizare potuerint. Hoc porrò numquam probabitur; hoc nullibi apud Cyprianum legetur; imò contrarium vel ex hæcmet Epistolâ objectatâ demonstratur.

Cum enim Stephanus dixisset quod ab Apostolis accepimus tenemus, quid Cyprianus ad hanc Apostolorum auctoritatem? *Apostoli respondet Hæreticos Antichristos nominarunt, eos esse vitandos pronuntiarunt, nullibi apud Apostolos præceptum invenitur ut Hæreticis tantum manus in Pœnitentiam imponantur*; eos nimirum intra limites se continet ut ostendat Stephanum absque titulo Apostolicâ traditione gloriari, & quid circa ejusmodi Baptismum Apostoli senserint latere. Porro si S. Cyprianus suam sententiam ab Apostolis traditam existimasset, hanc traditionem profectò hic appellasset, repone- nere certè non omisisset pessimâ omninò fide Apostolicam auctoritatem à Stephano laudari, cum sibi ipsi omnino faveret, oportunior ipsi nulla fuit occasio peremptoriam istam allegandi traditionem, quâ adversarii penitus retunderentur. Id tamen non prestitit Cyprianus; non ergo censuit ab Apostolis traditum Baptisma Hæreticorum invalidum esse.

Opponit quidem S. Doctor Stephani traditioni, quam humanam appellabat, Evangelicam & divinam, quam anteponendam esse dicit dispositionem, non quasi in hæc contineretur, aut manifestaretur sua de rebaptis. Hæreticis senten-



tia; contrarium enim vel ex hacmet Epistolâ modò evincēbamus, sed quia ex hâc humanis ratiociniis, sive ut loquitur Facundus Hermian. (a) *humanâ argumentatione* suam sententiam erruere contendebat. Quid enim ostendit juxta Cyprianum Evangelica hæc, & divina dispositio, quam hîc Stephano opponit? Ostenditne nullum esse Hæreticorum Baptisma? Hæreticos validè Baptizare non posse? Minime; hoc nec ibi, nec alibi à Cypriano asseritur, quid ergo? Ostendit *Hæreticos esse Antichristos, esse vitandos*, ostendit *Baptismi unitatem*, en illa divina dispositio, quam Cyprianus Stephano opponit, plures scilicet Evangelicas opponit veritates, ex quibus suam sententiam variis argumentis erruere laborabat. Porro ex eo, quod Cyprianus ex pluribus scripturæ textibus suam de rebaptis. Hæreticis sententiam errui posse crediderit, concludendum non est ipsum agi de fide in hâc quæstione censuisse, ut supra probavimus.

Non moror quòd in hac Epistolâ S. Cyprianus S. Stephanum erroris accuset; non omnis enim error militat contra fidem, & revera Stephanus erroris quidem arguitur, numquam tamen erroris contra fidem; in eo autem errabat Stephanus in mente Cypriani, quòd sententiam de rebaptisandis Hæreticis *meliozem & utiliozem*, ut ait Cyprianus in Epist. ad Quintum, non judicaret, ideòque eam rejiciendam vellet.

Hæc de Cypriani ad Pompeium Epistolâ sufficiant. *Illâ enim*, verbis utor Augustini (b) *quæ in Stephanum irritatus effudit retractare nolo, quia & non opus, & ea praterire melius est*, detestans cum Vincentio Lirin. optimo Gallo (c) *illorum nequitiam qui sancti viri (Cypriani) memoriam tamquam sopitos jam cineres prophanâ manu ventilant, & quæ silentio sepeliri oportebat redivivâ opinione diffamant.*

Objic. tandem probabile non est S. Cyprianum meræ devovisse disciplinæ controversiam, in quâ de validitate aut invaliditate Baptismi agebatur, nec potest concipi, quomodo

(a) Pro deffenf. 3. Capit. lib. 10. cap. 3.

(b) Lib. 5. de Bapt. cap. 25.

(c) Common. 1. cap. 11.

ita sentire potuerit vir perspicaciâ maximè præditus, ac eruditione clarissimus.

R. spond. Tot & tantis nititur assertio nostra argumentis, ut eum probabilitate carere solus ille contendat, qui palpet in mentis. Enimverò ut jure meritòque dicatur Cyprianum existimasse hanc fuisse meræ disciplinæ controversiam, numquid necesse est modum investigare, detegere, vindicare, quo talem judicavit? Ignoretur modus si placet, lateant nos principia, quibus ad ita judicandum moveretur S. Doctor, dummodo hac in controversiâ ea protulerit, quæ non nisi meræ disciplinæ questionem exhibeant; dummodo taliter in hoc negotio se gesserit, qualiter in negotio fidei numquam se gessisset, certa & immota remanebit veritas assertionis nostræ.

Eruditum Cyprianum, imo fulgentissimum Ecclesiæ lumen, & Doctorem conspicuum quis neget? At eruditum & puto Basilium, eruditum & Atanasium, iis tamen meræ disciplinæ controversiam hanc visam fuisse, & ipsi passim docent Galli scriptores ac Theologi. (\*)

Cæterum non immeritò conjicitur eam fuisse Cypriani sententiam, quod Baptismi Hæreticorum validitas pendèret ab usibus, consuetudinibus, & dispositionibus privatarum Ecclesiarum, quæ Hæreticos ab baptisandum inhabiles reddere possent. Nam. 1º. Cyprianus, ut vidimus, suis permisit Collegis de rebaptisatione varie sentire, nec in alios quam in Stephanum videtur insurgere, eò quod Africanam etiam Ecclesiam Romanæ consuetudini mancipare vellet; porrò libertatem istam rebaptisandi vel non rebaptisandi facultatem pro suo erga salutem animarum studio minime permisisset, si Baptismum ab Hæreticis collatum nullibi validum fuisse putasset. Illud ergo necesse est ut validum in quibusdam Ecclesiis, irritum autem in aliis existimaverit: cujus quidem discriminis

(\*) Vide Illust. de Saleon Ruth. Episc. in doc. Past. de Eccles. decisi. autoritate Part. I pag. 212. & seq. Tomassin dissert. a. de Bapt. Hæret. pag. 48. Feu tract. de

legibus quest. 7. art. 3. pag. 252. Juenin. de Sacram. quest. 6. cap. 2. art. 3. §. 3. pag. 90. & 92. Launojus Episc. ad Bevilacqua. 15. pag. 827. & alios permultos.

causa non aliunde repeti posse videtur, quàm ex ratione mox allata.

2º. *Magno* inquirenti de Clinicorum tinctione respondet S. Cyprianus validum esse Baptismum Clinicis collatum; attamen vult in hâc ipsâ Epist. ad Magnum 69. Clinicos iterum baptisari apud eos, qui hujus Baptismi validitatem denegabant, *si aliquis*, inquit, *existimat eos* (Clinicos) *nihil consecutos, non decipiantur, ut si incommodum languoris evaserint & convalescerint, baptisentur*. Nullum ergo censebat S. Doctor Baptisma Clinicis datum apud eos qui talis baptismi validitatem denegabant, alioquin Clinicos ab illis rebaptisari non permisisset; noverat enim, imo sæpius docuerat validum Baptisma iterari non posse, quod ergo validum penes se credebatur baptismum, invalidum apud alios existimabat.

Porro ita de Baptismo sentire non poterat, quin arbitraretur hanc privatis Ecclesiis inesse potestatem, ut apponere possent impedimenta, quibus nullum efficeretur baptismus, ita ut validè administraretur, ubi talia apposita non essent impedimenta, invalidè autem ubi apposita fuissent.

3º. Revera qui antiquitus rebaptisationi Hæreticorum favebant à diversis Ecclesiarum dispositionibus, seu consuetudinibus nanciscebantur Hæreticos rebaptisandi necessitatem, & consequenter Baptismi validitatem. » Quod igitur inquit S. » *Basilius in Epist. canon. prima ad Amphilochem*, ad Catharos pertinet & prius dictum est & rectè admonuisti uniuscujusque regionis morem sequi oportere, quod ii qui tunc de illis statuerunt in varias de ipsorum Baptismate sententias abierint .... quoniam nonnullis Asiaticis omninò visum est eorum Baptisma pluribus consulendi causâ suscipiendum esse, suscipiatur : *Et paulò post* existimo itaque quoniam nihil de illis (*Encraticis Hæreticis*) apertè dictum est, eorum Baptisma à nobis rejiciendum esse, ac si quis ab eis acceperit accedentem ad Ecclesiam baptisandum ; » ( quod si hoc generali œconomix impedimento erit, rur-

» sùs consuetudine utendum est, & sequi oportet Patres,  
 » qui quæ ad nos pertinet dispensaverunt ) Ibi perspicis S.  
 » *Basilium à diversarum regionum moribus, & à diversis Epif-*  
 » *coporum statutis repetere necessitatem Hæreticos rebaptisandi*  
 » *vel non rebaptisandi.*

Ita sentiebat & Amphilochius, qui in Catharorum Baptismo iterando vel non iterando diversis Ecclesiarum moribus serviendum esse censebat, ut testatur Basilius iis verbis modò citatis » quod igitur ad Catharos pertinet & prius dictum est,  
 » & rectè admonuisti uniuscujusque regionis morem sequi  
 » oportere, quod ii qui tunc de illis statuerunt in varias de  
 » ipsorum baptismo sententias abierunt.

Ita Firmilianus, qui rebaptisationem iis assimilât, quæ à variis regionum consuetudinibus robur accipiunt : *circa celebrandos inquit in suâ ad Cypr. Epistolâ inter Cyprianicas 75. dies Pascha & circa multa alia divina rei Sacramenta videat quis esse apud illos ( Romanos ) aliquas diversitates, nec observari illic omnia equaliter, quæ Hyerosolimis observantur secundum quod in cæteris quoque plurimis Provinciis multa pro locorum & nominum diversitate variantur, nec tamen propter hoc ab Ecclesia Catholica pace atque unitate aliquando discessum est, quod nunc Stephanus ausus est facere, rumpens adversus vos pacem, quam semper Antecessores ejus vobiscum custodierunt.*

Hæc nos ad cumulum de Cypriano investiganda doctis, & confirmanda, vel etiam si placuerit oppugnanda proponimus. Utcumque sit, immotum semper maneat & inconcussum quod à Gallis universim asseritur, Cyprianum videlicet totam hanc de Baptismo Hæreticorum controversiam ad meram disciplinam revocasse.





## CAPUT SECUNDUM.

*AFFERUNTUR MOMENTA, QUIBUS EVINCI-  
tur S. Cyprianum probe Novisse quam S. Stephanus  
Rom. Pontifex vindicabat consuetudinem, universa-  
lem tunc temporis fuisse Ecclesiæ consuetudinem, ac  
ab omnibus Episcopis antiquitus servatam fuisse.*

1°. **R** Ebaptisanti Cypriano opponebatur Ecclesiæ con-  
suetudo, quâ Hæretici ex S. Cypriano ad Eccle-  
siam venientes sine novo baptismo recipiebantur; hanc porro  
Ecclesiæ consuetudinem numquam diffitetur, semper agnoscit  
S. Doctor, id unum contendit eam rationi subijciendam esse,  
eam præscribere minimè debere, ac quasi vetustum errorem  
derelinquendam esse, non ignorabat ergo eam sibi adversari,  
*frustra* agebat Cyprianus Jubaiano scribens » quidam qui  
» ratione vincuntur consuetudinem nobis opponunt, quasi con-  
» suetudo major sit veritate . . . non tamen quia aliquando  
» erratum est ideò semper errandum. *Et in Epist. ad Quintum*  
» non est autem de consuetudine præscribendum, sed ratione  
» vincendum, *loquitur de consuetudine Hæreticos non rebap-*  
» *tisandi, & in Epist. ad Pompeium* consuetudo sine veritate  
» vetustas erroris est, propter quod relicto errore sequamur  
» veritatem.

Nec dicas S. Cyprianum ibi loqui de consuetudine alicujus  
Ecclesiæ particularis, Romanæ videlicet, vel alterius, quam  
sibi adversari ultrò fateretur, non autem de consuetudine  
universali Ecclesiæ; nam 1°. Cyprianus existentem eam fa-  
tetur consuetudinem, quæ ipsi opponebatur, atqui oppone-  
batur consuetudo non quibusdam peculiaris, sed universalis

Ecclesiæ, audiatur strenuus ille traditionum Ecclesiæ defensor Episcopus anonymus jam citatus, qui Cyprianum viriliter perstringebat, *in quo genere inquit in tractatu qui incipit his verbis: non debere denuo baptisari &c. questionis* ( de baptismo Hæreticorum ) *nulla omnino potuisset controversia aut disceptatio emergere, si unusquisque nostrum contentus venerabili Ecclesiarum omnium autoritate nihil innovare gestiret.* Cypriano non exprobrat ipsum alicujus peculiaris Ecclesiæ, Romanæ nempe, vel alterius autoritati obaudire nolle, sed ipsum *venerabili Ecclesiarum omnium autoritate contentum* esse noluisse. Audiatur S. Stephanus R. Pontifex in suo celebri scripto. *Si quis à quacumque hæresi venerit ad nos, nihil innovetur præter id quod traditum est;* non Romanam tantum aut quibusdam peculiarem Cypriano opponebat traditionem, sed indefinitam, ac consequenter universalem. Stephanus inquit defensor declarat. Cleri Gallic. an. 1682. vulgò Bossuetius Episc. Meldensis ( a ) *urgebat consuetudinem universalem.* S. Stephanus inquit Habert Doctor Sorbonicus ( b ) *traditionem & consuetudinem Ecclesiæ opposuit S. Cypriano:* si quis inquit &c. *Ecclesiæ traditionem* inquit Grandin Doctor & Professor Sorbon. ( c ) *opposuit Stephanus Papa Africanis.* De totius Ecclesiæ traditione inquit Henricus à S. Ignatio ( d ) *S. Stephanus Papa testimonium perhibuit, dum S. Cypriano hac in causâ scripsit nihil innovetur nisi quod traditum est.* Mitto alios passim Gallos Theologos de Stephano idem testantes.

2°. S. Cyprianus objectatæ consuetudini solam opponit veritatem. Verùm si existimasset S. Doctor hanc consuetudinem haud fuisse universalem, sed quibusdam tantum Ecclesiis peculiarem, non solam profectò veritatem, quam pro se ipso stare credebatur, sed etiam aliarum sibi faventium Ecclesiarum consuetudinem opposuisset; ideòque contestatus esset suos adversarios & contra veritatem, & contra consuetu-

( a ) In deffens. decl. Cleri Gallic. part. 1. lib. 14. cap. 7.

( b ) In tract. de Sacram. cap. 14. pag. 89. edit. Paris. 1718.

( c ) Tractat. de Sacram. quest. 3. art. 1. sect. 4. puncto 2°. pag. 31. edit. Paris. 1710.

( d ) Tract. de Sacram. tom. 3. pag. 124. edit. Leodient. 1709.

dinem etiam facere: non nostrum est hoc ratiocinium, sed Augustini: *cur inquit: a) tot Cypriani Collega in Concilio dixerunt rationem & veritatem consuetudini præponendam, ac non potius dixerunt eos qui aliud facere, vellent & contra veritatem, & contra consuetudinem facere?*

3°. Quomam pacto centuillet Cyprianus consuetudinem solius Romanæ Ecclesiæ vel etiam alterius sibi adversari, Cyprianus, inquam, qui & ipsam Africanæ Ecclesiæ consuetudinem sibi contrariam fatebatur? Gloriabantur enim S. Cyprianus aliique in Africâ rebaptisantes se Africanæ Ecclesiæ dereliquisse consuetudinem teste Firmiliano in suâ ad Cyprianum Epistolâ » quod autem *inquit* pertinet ad consuetudinem refutandam, quam videntur opponere veritati, quis » tam vanus sit ut veritati consuetudinem præferat? aut qui » perspectâ luce tenebras non deserat? nisi si & Judeos Christo » adventante, idest veritate, adjuvet in aliquo antiquissima consuetudo, quod reliquâ novâ veritatis viâ in vetustate permanserint, quod quidem adversus Stephanum vos dicere » Afri potestis cognitâ veritate errorem vos consuetudinis » reliquisse. *Ita planè* Cyprianus aliique rebaptisantes Africanus, inquit Illust. de Saleon Ruthenenſis Episcopus, *agnoscebant se antiquam mutasse consuetudinem. (b)*

At inquires S. Cyprianus in Epist. ad Quintum, & ad Ju-  
baian. nitidè affirmat jam pridem ab Agrippino pluribusve  
aliis Africanis Episcopis statutum fuisse, ut ab Hæreticis baptisati ad Ecclesiam redeuntes iterum baptisarentur, exindè  
vero multa Hæreticorum millia in Africanis Provinciis juxta  
hoc statutum fuisse suscepta. Quid inde? Cyprianus ergo  
Africæ consuetudinem sibi contrariam non reperit? Post  
Agrippinum consuetudo Hæreticos rebaptisandi in Africâ  
prævaluerat? Haudquaquam. Citata enim Cypriani verba  
probant quidem Agrippinum pluresve Africanos Episcopos

(a) Lib. 3. de Bapt. cap. 12.

(b) Docum. Pastor. super Ecclesiæ de-  
cisionum autoritate jam laudato parte 1.

pag. 210. *Les Africains (il parle de S. Cy-  
rien & les autres rebaptisants) reconnois-  
soient avoir changé l'ancienne coutume.*

rebaptisationem in suis Ecclesiis introduxisse, ac post Agrippinum nonnullos Episcopos illius sententiam, & praxim fuisse secutos, at nullatenus evincunt pluralitatem, & universalitatem Episcoporum Africanorum post Agrippinum rebaptisationi fuisse ipso etiam Augustino interprete, qui objectatum Cypriani textum ita explicat, ut minimè impediatur, quominus consuetudo non rebaptisandi ab Agrippino etiam usque ad Cyprianum in Africâ prævaluerit: *quomodo autem* inquit lib. 3. de bapt. cap. 12. *Cyprianus dicat* atque exinde in hodiernum tot millia Hæreticorum in Provinciis nostris ad Ecclesiam conversi non aspernati sunt neque cunctati, imo & rationabiliter & libenter amplexi sunt ut lavacri vitalis & salutaris baptismi gratiam consequerentur » non video, nisi » forte hoc dicat *exinde in hodiernum*, quia nulla de illis ex » quo in Ecclesiâ per Agrippini Concilium baptisati sunt » quæstio alicujus excommunicationis exorta est. Cæterum si » permanebat ab Agrippino usque ad Cyprianum consuetudo » baptisandi ab Hæreticis venientes, ut quid facta sunt à Cypriano de hac re Concilia? Ut quid eidem Jubaiano dicit » non se rem novam facere aut repentinam, sed ab Agrippino » constitutam? Cur enim Jubaianus de novitate turbaretur, » Ut eum per auctoritatem Agrippini sanari oporteret, si ab » Agrippino usque ad Cyprianum hoc tenebat Ecclesia! Et cap. 2. ejusdem lib. testatur plures ex illis Episcopis, qui cum Agrippino pristinam non rebaptisandi mutaverant consuetudinem, ad eam redisse, ita ut post Agrippinum vetus Ecclesiæ consuetudo in Africâ undique vigeret.

Hinc patet Firmiliano & Augustino asserentibus Africæ consuetudinem à Cypriano derelictam fuisse, non obesse quod Cyprianus affirmat, ab Agrippino scilicet ad suam usque ætatem multa Hæreticorum millia iterato Baptismo in Africâ recepta fuisse; verum enim utrumque. Cyprianus Africæ consuetudinem dereliquit, quia dereliquit consuetudinem quæ à pluralitate Præsulum Africanorum servabatur; multa Hæreticorum millia ab Agrippino usque ad Cyprianum iterato



Baptismo in Africâ recepta fuerunt, quia licet pluralitas Africanorum Præsulum Romanam consuetudinem retinuerint, nonnullis tamen magis placuit Agrippini sequi statutum, à quibus multa Hæreticorum millia iteratò Baptismo recepta fuerunt. Hæcque conciliatio eo benignius suscipienda, quòd aliter dicendum foret & Cyprianum sibi ipsi contradicere, & falsa ab Augustino narrari. 1°. Cyprianus sibi ipsi contradiceret, quia ex hypotesi vellet in Epist. ad Jubaian. Africæ consuetudinem post Agrippinum suæ opinioni suffragari, & in Epist. ad Firmilianum affirmaret se Africæ consuetudinem relinquere. 2°. Falsum narraffet Augustinus quando tam sæpius, tam confidenter testabatur consuetudinem Africanam spectato etiam tempore medio Agrippinum inter & Cyprianum, rebaptisationi fuisse contrariam.

Hoc quidem effutire de Augustino veritus non est P. Gervasius in suâ quam Gallico idiomate publicæ luci dedit S. Cypriani virâ lib. 5. num. 5. pag. 381. Verum quis patienter ferat tantum Doctorem omnium in hoc rebaptisationis negotio versatissimum sæpius ut deceptum, ut à veritate aberrantem, ut falsa obtrudentem, ut malum Cypriani interpretem ab hoc Autore traduci: (a) *hac jactare* (defunctus adhuc loquitur Augustinus) *quid est nisi delirare* (b) fortè inquires, talia Censorem nostrum urgebant argumenta, ut Augustinum ab iis erratis excusare non posset etiam paratissimus. A sequenti cætera disce.

*Mirum non est*, inquit Gervasius, *quod Augustinus numerum Episcoporum Orientalium qui Cypriani sententiam propugnabant ignoraverit, cum numerum Africanorum nec agnoverit; septuaginta enim Episcopos nec plures in Africâ recenset, cum vel in uno Concilio octoginta septem enumerentur, (c) Hic*

(a) A pag. 381. usque ad pag. 386. & alibi

(b) Lib. 2. cont. Petil. cap. 39.

(c) Pag. 441. Il ne faut pas s'étonner si ce Saint (Augustin) qui étoit si éloigné de la Syrie n'a pas connu tous les Evêques

qui soutenoient cette opinion (de S. Cyprien) puisqu'il ne savoit pas même quel en avoit été le nombre en Afrique où il étoit, n'en mettant que soixante & dix pour cette Province, quoique nous en ayons vu quatre-vingt sept dans un seul Concile.

Augustinus

Augustinum numeri rebaptisantium ex Africâ Episcoporum ignarum nobis venditat, prætenfamque ignorantiam hoc probat argumento; quia plures, inquit, in Africâ rebaptisantes Episcopos non recenset S. Doctor quàm septuaginta. Nigra falsitas & eò magis intoleranda, quò & scienter prolata, & in dedecus tanti Ecclesiæ Doctoris fabricata. En Augustini verba ad Crescon. lib. 3. cap. 3. *proindè si omninò credendum sit 50. Episcopis Orientalium id esse visum, quod 70. Afris, vel aliquantò etiam pluribus contra tot millia Episcoporum &c.* hæc verba 70. *Afris vel aliquantò etiam pluribus sonantne 70. Afris nec pluribus*, ut Auctor tam confidenter affirmat? Audiatur iterum Augustinus *visum est*, inquit lib. 1. de Bapt. cap. 18. *Cypriano cum sermè octoginta Coepiscopis suis Africanarum Ecclesiarum omnem hominem qui extra Ecclesia Catholica comunem baptisatus fuisset, oportere ad Ecclesiam venientem denuò baptisari*: Enumeratne hoc & in loco 70. tantum Episcopos pro Cypriano?

Nos vidimus, inquit Augustini Censor, vel uni Cypriani Concilio 87. Africanos Episcopos interfuisse, quod Augustinum latuit; at te ipsomet teste (a) miser Aristarche singulas horum 87. Episcoporum sententias refert ac expendit S. Doctor in lib. 6. & 7. de Baptismo, quomodo ergo latuit Augustinum huic Cypriani Concilio 87. Episcopos Africanos interfuisse? Si igitur hos omnes Cypriano erranti non adjunxit, id egit, quia pro suâ non omnibus communi æquitate ac justitiâ noluit Catholicas nonnullorum ex illis Episcopis sententias erroris accusare, quod imitari melius Auctori nostro cessisset, quàm in Augustinum indigna anhelâsse convicia.

Hæc sunt argumenta, quibus urgetur P. Gervasius ad ignorantiam Augustini revelandam, seu verius ad suam aperitissimè manifestandam; sed utinam Augustinus solus Viperinum hujusce scriptoris dentem expertus fuisset. Demùm

(a) Pag. 433. *S. Augustin a eu la patience. &c. de les résuter tous les uns après les autres. de recueillir tous ces avis (des 87. Evêques) tres.*

si ejus auctoritatem sibi contrariam, contempsit, saltem sibi aliquandò faventem veneratus est. Verum ut de alijs taceam, quot contumeliosa, quot falsa, quot impia non evomuit in Stephanum Pontificem Maximum, & Sanctissimum Martirem, vix inter ipsos Calvinistas reperias acerbius amariufque insultantem Pontifici.

Stephanus, si ipsi fides, *indigné penitus erga Cyprianum se gessit* (a) Stephanus *factum tumide ac dominatum affectat*. (b) Stephanus *imperantem ac tyrannum* agit, (c) inhumanitatis, vexationis, tyrannidis Reus. (d) Stephanus Ecclesiæ unitatem scindere Flocci facit, (e) Cyprianum inauditum judicat & damnat. (f) Stephanus Cypriani, quem ut Pseudochristum Pseudo-Apostolum, dolosum & perfidum infamabat, (g) Episcopis legatis pacem, communionem, hospitalitatem non negavit solum, sed negandam quoque ab omnibus & ubique præcepit. (h) Stephanus zelum præferebat quidem, sed ad omnia promiscuè devastanda unicè sufficientem, (i) hic Stephani zelus Imperatorem movit ad Ecclesiam crudeliter persequendam. (k) Stephanus non unum vel duos dumtaxat, sed tres errores fidei Catholicæ adversos docet in suo rescripto. (l) Tandem verò, quasi hæc omnia pro Stephani demeritis minime sufficerent, contestatur Gervasius se cum omni moderatione

(a) Pag. 435. Un traitement si indigne fait à S. Cyprien par le Pape Etienne.

(b) Tous ces airs de hauteur & d'empire que le Pape Etienne affectoit, Pag. 413. Les manières hautes & impérieuses du Pape Etienne pag. 461.

(c) S. Cyprien pouvoit aussi regarder cet impérieux commandement (du Pape Etienne) & ces menaces comme une conduite tyrannique. Pag. 431.

(d) Cette dureté d'Etienne pag. 436. tant d'Eglises délivrées d'une oppression qu'elles avoient toujours regardée comme une tyrannie particulière à Etienne. Pag. 459.

(e) Etienne ne se soucioit pas de mettre la division dans l'Eglise. Pag. 436.

(f) Ce qui fit imputer la conduite du Pape Etienne à ceux mêmes, qui étant de son sentiment, croyoient qu'on devoit au moins écouter tout le monde & ne condamner personne avant de l'avoir entendu.

(g) Ce qui choqua S. Cyprien (dans la réponse d'Etienne) ce fut de voir qu'on le traitoit de faux Christ, de faux Apôtre, de trompeur & de perfide. Pag. 413.

(h) Etienne leur refusa sa communion comme à des Hérétiques, il se sépara entièrement de leur compagnie; bien loin de permettre qu'ils le vissent, qu'ils lui parlassent, qu'ils lui adressassent des lettres. Il défendit à tous les Fidèles de Rome de les recevoir chez eux, & pressa tous les Evêques de son parti d'en agir de même à leur égard. pag. 461.

(i) Etienne étoit de ces Zelés ardens qui ne peuvent souffrir d'opposition, & dans l'ardeur de ce zèle ils voudroient tout exterminer dès la pointe du jour. pag. 418.

(k) L'Empereur excita une furieuse persécution contre l'Eglise. Le zèle d'Etienne lui avoit donné occasion pag. 451.

(l.) De hoc latè disserit, pag. 463, & 466.

ac temperantiâ possibili de Stephano verba facere (a)

Cœli quæ video. Hæc Francus ? Hæc Catholicus ? Hæc Dei Sacerdos ? Hæc filius ? Hæc de Patre ? Hæc de Pontifice Maximo ? Hæc de traditionis vindice ? Hæc de sanctissimo Martire ? O licentiosam scriptionem, inultam nihilominus, pro Superi, & impunitam ? *O portentum non sicut ait quidam in ultimas terras exportandum, sed potius extra omne Cælum & omnes terras si fieri possit abigendum.* (b) Hæc legentur ? Hæc credentur. Hæc posteris tradentur ? Verba defunt, mens deficit, horrescit animus, ad placida, ad vera, ad humana, ad pia & catholica transeamus. Redeamus ad nos. *His enim malis magis debentur prolixî gemitus quàm prolixî libri* Aug. Epist. 22.

I I. Episcopus anonimus Cypriano cœvus non semel laudatus tria de Cypriano (c), ejusque affectis tradit in tractatu, qui incipit his verbis : *Non debere denud &c.* quæ manifestissimè ostendunt notum abunde fuisse S. Doctori consuetudinem Hæreticos non rebaptisandi universalem Ecclesiæ tunc temporis fuisse praxim. Tradit enim. 1°. Cyprianum eique adhærentes novam de rebaptisandis Hæreticis opinionem protulisse, quia non erant contenti venerabili Ecclesiarum omnium auctoritate, quâ tamen pro humilitate necessariâ contenti esse debuissent : *in quo genere quæstionis de rebap. Hæret. inquit nulla omninè potuisset controversia aut disceptatio emergere, si unusquisque nostrum contentus venerabili Ecclesiarum omnium auctoritate & necessariâ humilitate nihil innovare gestiret.*

(a) Pour m'expliquer avec le plus humble & le plus modéré de tous les Écrivains de nos jours (au sujet du Pape Etienne) pag.

412.

(b) August. ad Crescon. lib. 3. cap. 5.

(c) Cyprianum, tacito tamen ejus nomine, ab hoc Autore potissimum perstringi facile deprehenditur; tùm quia adversarium suum tamquam ornatè, & compositè scribentem nobis exponit, quod tamen, inquit, non valde illam nostram fidem laedit, sed non ornatè ut tu & compositè; porro ex Africanis alium præter Cyprianum tunc pro rebaptisatione ornatè & compositè scripsisse non invenitur. Tùm quia refutat adversarium qui plures scripturæ

textus pro suâ opinione retulerat : ad quæ inquit forte tu qui novum quid inducis continuo respondeas ut soles, dixisse in Evangelio Dominum nisi quis denud natus fuerit. Et infra nec estimes huic tractatui contrarium quod dixit Dominus : Ite docete gentes. Et paulò post sed a hoc ut soles contradices opponendo nobis tunc cum baptisarentur integrè ac rectè discipulos &c. Porro cum ii textus à Cypriano solo tunc temporis objectati legantur, Cyprianus ille erat adversarius quem Autor perstringebat; atque ita sentiunt ex Gallis Tillemontius. Hist. Eccles. tom. 4. pag. 152. Desfontor declarationis Cleri Gallicani 1682. part. 1. lib. 14. pag. 266. & alii.

T ij

2°. Cyprianum redarguit quòd gloriaretur se correxisse vitia & errores univèrsarum Ecclesiarum, *errores inquit & vitia univèrsarum Ecclesiarum correxisse apud similibus sui & compares gloriatur.*

3°. Cyprianum, Cyprianique asseclas exhibet ut Episcopos, qui non verebantur detegere turpitudinem Matris Ecclesiæ, si quam esse in hâc de Baptismo quæstione putabant: *Monstri inquit simile est ipsos Episcopos talia scandala cogitare, & turpitudinem Matris Ecclesiæ si quam putant in hoc negotio esse nimis irreverenter non vereri detegere.*

Porro qui non erat contentus venerabili Ecclesiarum omnium auctoritate, non Stephani tantum, sed & Ecclesiarum omnium auctoritati obaudire nolebat, non ergo solum Stephanum, sed & ceteras undique Ecclesias noverat Cyprianus suæ opinioni ac praxi esse contrarias. Qui *gloriabatur se correxisse errores univèrsarum Ecclesiarum* profectò non ignorabat univèrsas Ecclesias à se dissentire; qui *non verebatur turpitudinem Matris Ecclesiæ detegere* palàm ostendit Matrem Ecclesiam suæ, quam veram putabat, opinioni adversari.

III. S. Hieronymus in dial. adversùs Lucif. tom. 4. part. 2. pag. 305. hæc habet: *Ecclesiæ semper ab Hæreticis Baptismum recepit . . . quod si negandum quispiam putaverit Hæreticos à Majoribus nostris semper fuisse susceptos, legat B. Cypriani Epistolas, in quibus Stephanum Romanæ urbis Episcopum, & inveterata consuetudinis lacerat errorem.* Duo hic ostendunt S. Cyprianum in mente S. Hieronymi non ignorasse consuetudinem Ecclesiæ suæ opinioni & praxi fuisse contrariam 1°. S. Hieronymus ex Cypriani Epistolis colligit, & probat praxim Hæreticos non rebaptisandi perpetuam Ecclesiæ ac Majorum nostrorum consuetudinem fuisse; ad mentem ergo S. Hieronymi S. Cyprianus perpetuam hanc Ecclesiæ ac Majorum nostrorum consuetudinem in suis Epistolis manifestabat; hanc ergo sibi adversam Ecclesiæ consuetudinem non ignorabat. 2°. Cyprianus juxta Hieronymum erroris accusabat non solum Stephani, sed & Ecclesiæ consuetudinem,

noverat ergo non solius Stephani, sed & Ecclesiæ consuetudinem sibi adversari.

Repones fortassè [juxta Hieronymum consuetudinem quidem à Cypriano lacerari, sed non consuetudinem universalem Ecclesiæ; at si Hieronymus de universali Ecclesiæ consuetudine non loqueretur], suum minimè probaret intentum. Enim vero ex eo quod Cyprianus laceravit inveteratam consuetudinem Hæreticos non rebaptisandi, Hieronymus probare intendit Hæreticos sine Baptismo, ab Ecclesiâ, à Majoribus nostris semper fuisse susceptos. Porro ex eo quod Cyprianus lacerasset consuetudinem hanc quibusdam peculiarem, probaret quidem Hæreticos sine iterato Baptismo ab aliquibus semper fuisse susceptos; at minimè probaret eos ita semper, ita à Majoribus nostris indefinitè, ac ab Ecclesiâ fuisse susceptos, ergo quando S. Hieronymus dicit consuetudinem à Cypriano laceratam fuisse, uniuersalem spectat Ecclesiæ consuetudinem.

IV. S. Augustinus, cui, vel nulli, hâc in re fides præstanda, centies affirmat S. Cyprianum apprimè novisse consuetudinem Ecclesiæ universalis sibi rebaptisanti adversari. *Noluit* inquit lib. 2. de Bap. cap. 8. *vir gravissimus* (Cyprianus) *veraci consuetudini cedere . . . sed in tam obscurâ questione turbatus & ubique intuens universalem, robustamque consuetudinem* Hæreticos scilicet non rebaptisandi. Quid clarius? Cyprianus ubique intuebatur universalem, robustamque consuetudinem Hæreticos non rebaptisandi: & cap. 9. *hanc autem* (Stephani R. P.) *fuisse consuetudinem Ecclesiæ satis ostenditur & ipsius B. Cypriani verbis*: Et iis citatis, sic pergit ubi certè quid fieri soleret, & si non fieri vellet satis ostendit. . . . *apertè indicat* (Cyprianus) *fuisse aliam consuetudinem Ecclesiæ, & in ipso Concilio* (Cartagin. 3.) *nonnulla sententia omninò declarant eos contra Ecclesiæ consuetudinem decrevisse quod decernendum esse arbitrati sunt*. Quid luculentius? *Verba ipsius B. Cypriani satis ostendunt* quam Stephanus urgebat consuetudinem fuisse Ecclesiæ consuetudinem. Cyprianus *satis ostendit* quid fieri soleret & si non fieri vellet, sci-

licet Ecclesiæ consuetudinem suæ opinioni adversari. Cyprianus *apertè indicat* fuisse aliam consuetudinem Ecclesiæ. Et Africani nonnulli in Concilio Cartag. 3. *omniò declarant* se contra consuetudinem Ecclesiæ rebaptisandos esse Hæreticos decrevisse. Numquid ergo ignorabant Cyprianus, Africaniq; Præsules consuetudinem Ecclesiæ sibi adversari?

Audiat iterum S. Augustinus in lib. 4. de bapt. cap. 6. „ Istam consuetudinem (*Hæreticos non rebaptisandi*) tam „ robustam & antea idem Cyprianus invenit, ut cum ejus „ mutandæ autoritatem quam sequeretur vir tanta scientiâ „ præditus quæreret, nonnisi in Africâ solâ factum paucis „ ante se annis Agrippini Concilium reperiret, quod cum „ sibi adversus totius orbis morem non sufficere cerneret has „ rationes arripuit. „ Cernebat Cyprianus eo teste, cui melius, quam nuperis quibusdam Theologis explorata erant Cypriani verba atque sensa, Agrippini autoritatem, quam in Hæreticis rebaptisandis sequebatur, sibi non sufficere adversus *totius orbis morem*, profecto ergo sciebat morem totius Orbis rebaptisationi Hæreticorum esse contrarium.

Rursus Augustinus lib. 6. de bapt. cap. 35. *Si consuetudo erat inquit sicut hæc sententia testis est, ut Hæretici venientes ad Ecclesiam cum baptismo quod habebant reciperentur, cur orbem terrarum quia sic recipiuntur accusant?* Episcopi scilicet Concilii Cartagin. 3. inter quos Cyprianus. Porro qui accusant Orbem terrarum, quod Hæretici sine iterato baptismo reciperentur, non ignorant profecto ab Orbe terrarum Hæreticos sic recipi; & lib. 7. cap. 2. *Eam quoque fuisse consuetudinem ut sic reciperentur* (Hæretici sine iterato baptismo) & ipse Cyprianus multis locis & aliquot Episcopi in hoc Concilio (Cartag. 3.) manifestant; unde aparet si Hæretici non habent baptismum, Ecclesiam Christi temporum illorum prævaricatoribus fuisse plenam, qui eis suffragantes sic recipiebant. Undenam probat S. Doctor viguisse, Cypriani etiam ætate, Ecclesiæ consuetudinem, ut Hæretici sine novo baptismo reciperentur? Ex ipso, ut vides, sancto Cypriano,

qui multis locis illud manifestat, non ergo ignorabat Antistes Cartaginensis eam fuisse Ecclesiæ consuetudinem.

Non pigeat quæso Augustinum adhuc audire: *talem* inquit lib. 7. de bapt. cap. 25. *fuisse Ecclesia consuetudinem* (Hæreticos scilicet non rebaptisandi) *ipsi qui hoc Concilium* Cartagin. 3. *faciunt sapè commemorant.* Noverat ergo Cyprianus, noverant Africani Episcopi, qui huic Concilio interfuerunt *talem* fuisse, non Stephani tantum, sed & *Ecclesia* consuetudinem; & in Epist. ad Vincentium Rogatist. 93. cap. 10. *Cyprianus autem sensisse aliter, quàm forma & consuetudo habebat Ecclesia, non in Canonicis sed in suis & in Concilii litteris invenitur.* Si in Cypriani litteris invenitur ipsum aliter de baptismo sensisse, quàm consuetudo habebat Ecclesiæ, Cyprianus profectò in suis litteris ostendit consuetudinem Ecclesiæ alienam esse à suâ sententiâ.

Quid amplius ab Augustino desideraretur in gratiam assertionis nostræ? S. Cyprianus teste Augustino *satis ostendit, apertè indicat, omninò declarat, sapè commemorat, multis locis manifestat non Stephani tantum, sed & Ecclesia consuetudinem esse* ut Hæretici venientes ad Ecclesiam cum baptismo quod habebant reciperentur. Cyprianus *accusabat* non solum Stephanum, sed *orbem terrarum*, quòd Hæretici sic reciperentur. Cyprianus *cernebat* se agere *adversus totius Orbis morem.* Cyprianus *ubique intuebatur universalem & robustam consuetudinem* Hæreticos non rebaptisandi. Hæc sine ambagibus sine verborum circuitu, nullis involuta tenebris, nitida, luculenta centies repetita, firmiter, ac evidenter ostendunt exploratum Cypriano sine dubio fuisse consuetudinem Hæreticos non rebaptisandi tunc temporis fuisse consuetudinem *Ecclesia*, fuisse consuetudinem *universalem Ecclesia*, consuetudinem *Orbis terrarum, totius Orbis morem, quem ubique intuebatur.*

V. Universalem Ecclesiæ de non rebaptisandis Hæreticis consuetudinem nec à Cypriano, nec ab ejus asseclis in dubium revocatam fuisse manifestat & status controversiæ, quæ Cy-



prianum inter & alios agitabatur ; hunc dilucidè exponit Anonymus Episcopus Cypriano coevus sæpius laudatus iis verbis : „ Animadverto quæsitum apud fratres quid potius „ observari oportet in personam eorum, qui in Hæresi quidem „ sed in nomine Domini Dei nostri Jesu-Christi tincti post- „ modum inde digressi & suppliciter ad Ecclesiam Dei advo- „ lantes totis præcordiis pænitentiam agerent, & erroris sui „ damnationem nunc demum intelligentes, auxilium salutis „ ab ea implorent ; utrum vetustissima consuetudine ac tradi- „ tione Ecclesiasticâ post illum qui foris quidem, sed in no- „ mine Jesu-Christi dominicum acceperunt baptisma, tantum- „ modo imponi eis manum ab Episcopo ad accipiendum „ Spiritum sanctum sufficeret, & hæc manus impositio sig- „ num fidei iteratum atque consummatum eis præstaret ; an „ verò etiam iteratum baptisma iis necessarium esset tam- „ quam nihil habituris, si hoc quoque adepti ex integro non „ fuissent, perindè ac si numquam baptisati in nomine „ Jesu-Christi forent, ideòque nonnulla super hanc novâ quæ- „ sitione scripta aut rescripta esse jactabantur, quibus utraque „ pars ad destruenda aliena summo studio nitebatur. „ En „ status controversiæ, quæritur utrum observari potius oporteat „ vetustissima Ecclesiæ consuetudo ac traditio quàm Hæretici ad „ Ecclesiam venientes cum baptismo quod foris acceperant sus- „ cipiebantur ? An vero baptisma iis adhuc sit necessarium, quia „ nihil essent habituri si hoc non acciperent ?

Hic porrò quæstionis status manifestè supponit ab omni- „ bus ultro admissam fuisse hujusce Ecclesiæ de non rebaptisan- „ dis Hæreticis antiquissimæ consuetudinis existentiam, cum de „ eâ quæretur tantummodo utrum servari, vel non servari „ debeat ; unde citatus autor, qui totus est in refellendis Cy- „ priani rationibus numquam de ipso conquæritur, quòd hujus „ Ecclesiæ consuetudinis existentiam in dubium revocaret ; at „ sæpius ipsi exprobat, ut supra vidimus, quòd nolle esse *con- „ tentus venerabili Ecclesiarum omnium autoritate*, quòd re- „ baptismationem Hæreticorum minimè damnet, quam tamen „ judicabat

judicabat contrariam solemnissimæ cunctorum emeritorum  
 sanctorum & fidelium observationi. „ In quo genere *inquit*  
 » quætionis ( *de rebaptis. Hæreticis* ) ut mihi videtur nulla om-  
 » ninò potuisset controversia aut disceptatio emergere, si unus-  
 » quisque nostrum contentus venerabili Ecclesiarum omnium  
 » autoritate & necessariâ humilitate nihil innovare gestiret;  
 » namque omne quod anceps & ambiguum & diversis sen-  
 » tentiis prudentium ac fidelium virorum constitutum est, si  
 » contra priscam & memorabilem cunctorum emeritorum  
 » sanctorum & fidelium solemnissimam observationem judi-  
 » catur, damnari utique debet. “ Cypriano exprobrat, quòd  
 autoritari tot annorum, totque Ecclesiarum aquiescere nollit;  
 quòd insurgeret adversus Ecclesiasticam tot seculorum con-  
 suetudinem: *perquam inquit, utile est credere, & tot annorum*  
*totque Ecclesiarum auctoritati cum bonâ ratione adquiescere, cum*  
*sit maximum incommodum ac dispendium sanctissima matris*  
*Ecclesie adversus prisca consulta post tot seculorum seriem nunc*  
*primum ac sine ratione insurgere.* Ex quibus omnibus liquet  
 nemini rebaptisantium tunc temporis fuisse dubiam hanc de  
 non rebaptisandis Hæreticis Ecclesiæ consuetudinem; unde  
 Venerabilis Beda asserbat Cyprianum cum suis Africanis  
 non contra Stephani vel alterius praxim, sed *contra mo-*  
*rem Ecclesie* statuere voluisse Hæreticos esse rebaptisan-  
 dos. ( a )

VI. Tandem Cyprianum hanc Ecclesiæ consuetudinem  
 ignorasse, veterum nullus vel obscure semel indicavit, haud  
 nesciis adversariis nostris, qui ad prætensam Cypriani igno-  
 rantiam firmandam nullum hætenus alicujus antiquitatis tes-  
 timonium asserre potuerunt. Et certè, Cyprianum hujusce  
 consuetudinis ignarum numquam audissemus, nisi nuperis  
 nonnullis etatis nostræ scriptoribus placuisset magis novæ opi-  
 nionis adinventores se videri, quam antiquam tot seculorum  
 fidem sequi se profiteri. Quid ergo? Posthabitis, spretisque

( a ) In lib. aliquot. quæst. tom. 7. pag. 189.

tot & tantis, quæ huc usque ex primæva antiquitate & præcipuè ex Augustino deprompsimus testimoniis, spretâ itidem communi Gallorum scriptorum ac Theologorum de hâc re sententiâ, vix natis horum paucorum placitis omni verisimilitudine etiam destitutis subscribemus? Absit, si homines sumus, si qualemcumque rationem, si sensum habemus humanum.

Equidem satis mirari non possum talem ab istis recentioribus de Cypriano fingi ac venditari potuisse ignorantiam, istorum enim nemo profundam in rebus Ecclesiasticis Cypriani eruditionem vividioribus depinxit coloribus majorique strepitu ac conatu ostentavit. Ad illam extollendam inexhausta penè diceres omnia Summorum Pontificum, Conciliorum, SS. Patrum, Historicorum, Poetarum monumenta; sacrum & prophanum, omnia undique quæsitâ, arrepta, citata; tot laboribus ad illustrandam & manifestandam Cypriani doctrinam exantlatis, quis crederet? Cyprianum illius ignarum pronuntiant Ecclesiæ consuetudinis, quæ ipsis fatentibus præcipuum fidei nostræ dogma complectebatur. En tot de Cypriani doctrinâ præconiorum inexpectata conclusio, Cyprianus ignorabat Ecclesiæ consuetudinem, quæ præcipuum fidei nostræ caput spectabat. Sic doctus & ignarus, oculatus & obtusus ad istorum nutum Cyprianus, oculatissimus, ut paucos sibi faventes Episcopos agnoscat, obtusissimus ut innumeros sibi adversos ignoret; ad indagandos assèclas Cypriano tempus abunde suppeditatur, ad detegendos autem adversarios decennium, quo Cartaginensem rexit Ecclesiam, sufficere non potuit; sic inanem caliginem perspicuis rebus adspargunt homines, digni sanè, qui experiantur absurda quæque & ultima. Nostris ergo nœniæ jam cedant argumentis, sensatique omnes veridico ore dicamus Cyprianum probè novisse quam Stephanus R. P. vindicabat hæreticos non rebaptisandi consuetudinem, universalem Ecclesiæ tunc temporis fuisse consuetudinem, sive ut Augustini verbis utar, *Cyprianum hanc consuetudinem ubique & universalem intuitum fuisse.*

Denique noverat & Cyprianus hanc consuetudinem ab omnibus Episcopis antiquius, id est ante Agrippinum, servatam fuisse. Qui enim Agrippinum censebat primum rebaptisationis parentem, necessario agnoscebat neminem Episcoporum ante Agrippinum rebaptisasse, & consequenter ab omnibus Episcopis servatam olim fuisse, quam Stephanus R. P. urgebat consuetudinem. Porro S. Cyprianus, ut supra (\*) probavimus, Agrippinum censebat primum rebaptisationis parentem.

Et verò veterem hanc universalis Ecclesiæ consuetudinem Cypriano notam fuisse testatur sæpius Augustinus: *verumtamen* inquit lib. 3. de Bapt. cap. 5. *quæ soleret esse Ecclesiæ consuetudo satis idem Cyprianus ostendit, qui ait in præteritum de Hæresi ad Ecclesiam venientes sine Baptismo admisso.* Et lib. 5. cap. 17. *Cypriano visum est aliter suscipiendos ab Hæreticis venientes, quàm vel in præteritum suscipiebantur sicut ipse testatur, vel nunc suscipiuntur: & cap. 19. & idè si vetus hac erat consuetudo, ut ab Hæreticis venientes in eodem Christi Baptismo quem foris acceperant susciperentur, quod nec ipsi qui contra differebant (Cyprianus & alii) negare potuerunt: & in Epist. ad Vincentium Rogatistam 93. cap. 10. si enim Sacramenta cum peccatoribus communicando, sicut putatis, periit Ecclesiæ, quæ fuerat in orbe terrarum jam prius tota perierat, cum sicut dicit Cyprianus in eam sine Baptismo admittebantur, ac sic nec ipse Cyprianus habebat in qua Ecclesiâ nasceretur.*

Præterea, ut supra vidimus, Cyprianus agnoscebat, & confitebatur quæ ipsi opponebatur Ecclesiæ consuetudinem. Porro Cypriano objiciebatur non tantum quæ tunc temporis vigeat, sed etiam præterita, & antiqua Ecclesiæ consuetudo, ut patet ex textibus allatis, ac ex iis Cypriani verbis ad Jubaian. scribentis. *Sed dicit aliquis quid ergo fiet de iis qui in præteritum de Hæresi ad Ecclesiam venientes sine Baptismo*

(a) Pag. 109. & seqq.

*admissi sunt ? Potens est Dominus misericordiâ suâ indulgentiam dare , & eos qui ad Ecclesiam simpliciter admissi sunt in Ecclesiâ dormierunt , ab Ecclesia sua muneribus non separare. Non tamen quia aliquandò erratum est , idèd semper errandum est.*

Ex quibus omnibus constat S. Cyprianum apprimè novisse consuetudinem Hæreticos non rebaptisandi tum suis , tum præteritis temporibus fuisse consuetudinem Ecclesiæ , haud ignorasse S. Doctorem à Stephano R. Pontifice & à longè majori Episcoporum parte tunc temporis eam servari , ac antiquitus , id est ante Agrippinum ab omnibus Episcopis servatam fuisse.

